

S T E N O G R A M

**15. HITNE SJEDNICE SKUPŠTINE KANTONA SARAJEVO
ODRŽANE U UTORAK, 28.01.2021. GODINE,
SA POČETKOM RADA U 10,00 SATI**

Predsjedavajući Elvedin Okerić (u daljem tekstu predsjedavajući):

Otvaram 15. Hitnu sjednicu Skupštine Kantona Sarajevo.

Pozdravljam uvažene kolegice i kolege zastupnike, kao i goste, članove Vlade, sve one koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji Službe, **ONLINE** sjednici prisustvuje 33 zastupnika, što je dovoljan broj za punovažan rad i odlučivanje.

Izostanak sa ove sjednice nije niko pravdao.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 25.01.2021.godine utvrdio da postoji osnov za sazivanje Hitne sjednice Skupštine Kantona Sarajevo i odredio termin održavanja iste za dan 28.01.2021. godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu utvrdit ćemo na samoj sjednici. Stoga predlažem dnevni red za ovu sjednicu u skladu sa Zaključkom kolegija Skupštine Kantona Sarajevo „Informacija o migrantskoj krizi u Kantonu Sarajevo”.

Da li ima još neko od zastupnika da želi da predloži neku tačku za današnji dnevni red?

Evo izgleda da imamo dva prijedloga. Uvažena zastupnica Bibija Kerla, izvolite imate riječ.

Poslanik/zastupnik Bibija Kerla:

Dobro jutro svima. Ja želim da predložim samo tačku dnevnog reda Odluka o prekidu ugovora za iznajmljivanje (nerazumljivo). Molim skupštinsku službu da nam dostavi tu Odluku da bi smo imali.

Predsjedavajući:

Zastupnice Kerla morate ponoviti ponovo, ništa vas nismo čuli. Morate ponoviti ponovo ništa vas nismo čuli.

Poslanik/zastupnik Bibija Kerla:

Jel me sada čujete? Halo?

Predsjedavajući:

Sada čujemo.

Poslanik/zastupnik Bibija Kerla:

Pozdravljam sve prisutne. Ja želim danas na današnju sjednicu da dam prijedlog Odluke o prekidu ugovora za iznajmljivanje Benetona na Bjelašnici. Molim službu Kantona Sarajevo da nam dostavi tu Odluku da bi smo imali materijale za razmatranje. Hvala lijepo.

Predsjedavajući:

Uvažena kolegice Bibije Kerla danas je hitna sjednica na temu „Informacija o migrantskoj krizi u Kantonu Sarajevo”. Molim vas da ovu tačku delegirate za neku drugu sjednicu Skupštine.

Poslanik/zastupnik Bibija Kerla:

Pa što nas onda pitate da li imamo dopunskih tačaka dnevnog reda?

Predsjedavajući:

Zato što se na hitnoj sjednici formira dnevni red, međutim taj bi dnevni red trebao da ide u okviru ove tačke.

Poslanik/zastupnik Bibija Kerla:

Nije tačno. Svaki puta predložimo neku drugu tačku i onda raspravljamo o njoj. Ali OK. Ako je tako.

Predsjedavajući:

Hvala vam zastupnice Kerla. Sljedeći zastupnik Haris Zahiragić se prijavio, izvolite.

Poslanik/zastupnik Haris Zahiragić:

Čujemo li se predsjedavajući? Kolegica Biba nakon što je predložila tačku dnevnog reda, a vi ste kazali da ne može samo na ovu tačku dnevnog reda. Niste u pravu, može bilo koja tačka dnevnog reda. Ja (smetnje). Ja vjerujem da ste vi željeli reći da je ova, da hoćete da održite specijalnu sjednicu na ovu određenu temu i da iz tog razloga ste vi nju zamolili da ne predlaže tačke koje se tiču nekih drugih tema. Čini mi se da ste to željeli kazati. Ja bih nakon druge tačke koja je značajna, volio bih da se ova sjednica održava offline, uživo, pošto je vrlo značajna tema. I evo predlažem da nakon ove tačke dnevnog reda ponovo glasamo za inicijativu Kriznom štabu da se hitno odobri održavanje sjednica uživo. Dok mi sjedimo sada u zgradi Kantona, paralelno pored nas u Opštinskom vijeću Centar se održavaju uživo sjednice. Prije nekoliko dana kolege koje su prošli put glasale protiv žive sjednice, bile su na Domu naroda parlamenta FBiH koji broji duplo više članova nego što mi imamo. I dakle ukoliko se sve te sjednice održavaju u Kantonu Sarajevo, mislim daje paradoksalno da mi u doba pandemije, u teškim uslovima u jeku migrantske krize, u jeku ekonomske krize, u jeku zdravstvene krize radimo od kuća. Mnoge kolege na žalost nisu upalili kameru već tri, četiri sjednice. Tako da nije u redu da mi radimo od kuća u pidžamama, dok naši policajci, službenici, evo suočavamo se s migrantskom krizom, zdravstveni radnici na prvoj liniji fronta, evo i nastava će krenuti uživo, ljudi u realnom sektoru. Mislim da mi nemamo pravo raditi od kuća. Tako da molim vas predsjedavajući da ponovo stavite ovu inicijativu kao drugu tačku dnevnog reda da tražimo od Kriznog štaba hitno da odobri odobravanje Skupština uživo u skladu sa svim epidemiološkim mjerama. U tom smislu da podržite istu jer ranije smo se dogovarali, ja sam od vas dobio saglasnost, rekli ste da se vi slažete sa mnom da bi se održavati se uživo, međutim kada je bilo izjašnjavanje vi ste glasali protiv. Ono što je vrlo značajno da kažem.

Predsjedavajući:

Uvaženi zastupniče, imamo određene probleme sa tonom, ne znam da li je do nas, da li i drugi

Poslanik/zastupnik Haris Zahiragić.

Da li me bolje čujete sada? Ugasio sam kameru, vjerovatno zbog konekcije. To je još jedan od razloga, konekcija u Kantonu Sarajevo je katastrofalna u zgradi Kantona, evo signal toliko slab da ne možemo sliku slati, mora samo ton. To je još jedna od razloga. Izabrali smo predsjedavajući Vladu, zapravo izabrali ste Vladu Kantona Sarajevo na viber grupi. Mi ukoliko bi smo željeli da budemo zlonamjerni, (nerazumljivo), vrlo lahko bi mogli tu odluku oboriti na Ustavnom sudu, jer na viber grupi se ne može izjasniti volja zastupnika. Tako da pozivam vas da ipak, mi možemo odustati od te apelacije, obaranja svake odluke na viberu donesene, ali se ne može bez ikakve sumnje utvrditi da su zastupnici glasali iza vibera. Posebno ako uzmemo u obzir praksu koju smo mogli vidjeti u nekim vijećima, kada su zastupnici ili neki vijećnici bili primorani snimati olovkama listiće. Ja da bi se transparentnost procesa i transparentnost Skupštine Kantona Sarajevo radila, morali bi zastupnici glasati kamerom, ako se to radi online. Upaliti kameru i jasno pokazati da oni izjašnjavaju volju svoju za glasanjem. A u suštini sve bi smo te probleme riješili i konekciju i glasanje i neustavnost odluke o izboru Vlade itd. Ukoliko bi smo imali žive sjednice. Kada mogu to kolege iz opštinskih vijeća, kada to mogu kolege iz Federalnog parlamenta koje se nalaze od nas 50 metara. Ja zaista ne vidim ni jedan razlog zašto mi ne bi smo ovo. U tom smislu predlažem kao drugu tačku dnevnog reda ponovo izjašnjavanje o zaključku koji sam prošli put predložio. Hvala predsjedavajući.

Predsjedavajući:

Zahvaljujem se kolega Zahiragiću. S obzirom da se radi o zaključku koji ste prošli delegirali, evo staviti ćemo zaključak vaš koji ste spomenuli da se sjednice u narednom periodu održavaju uživo. I Skupština će se izjasniti nakon današnje rasprave o Informaciji o migrantskoj krizi u Kantonu Sarajevo.

Kolega Zvonko Marić izvolite, imate riječ.

Poslanik/zastupnik Zvonko Marić:

Zahvaljujem predsjedavajući. Dame i gospodo, drugarice i drugovi, poštovani gledatelji. Dakle predsjedavajući potpuno mi je jasno o čemu vi govorite i čini mi se da je neprimjeren naziv ove tačke dnevnog reda, odnosno naziva sjednice iz prostog razloga što asocira na nešto što mi trebamo primi k znanju a to je Informacija o migrantskoj krizi. Kao predlagač ove sjednice ja sam zaista mislio da ćemo mi donijeti neke zaključke, da će ponuditi široku lepezu rješenja za ublažavanje migrantske krize u Kantonu Sarajevo, svi zastupnici i predstavnici Vlade i da smo se svi okupili da čujemo jedni druge. I ja ne želim samo da to bude informacija koju ćemo mi jer ako kažemo Informacija o migrantskoj krizi onda je to činjenica da ćemo nešto primiti k znanju i neko će nas informirati, pretpostavljam iz tog lanca institucija koje se bave migrantskom krizom. Zato.

Predsjedavajući:

Kolega Mariću ja se izvinjavam. Slažem se s vama u potpunosti, međutim sjednica ne ide u pravcu kojem ste vi sada govorili bit će zaključci na kraju sjednice.

Poslanik/zastupnik Zvonko Marić:

Da ali evo, da ne ulazim u ove tehničke detalje o ovim stvarima, vi se sjećate jako dobro da smo govorili o ovim online sjednicama, kakav je moj stav i mišljenje itd, i ne bih. Puno je važnija ova tema o kojoj ćemo danas razgovarati i nisam za to da raspravljamo o tome i da se zakazuje sjednica uživo, nego budući daje ovo gorući problem ja sam zato da se sjednica održi ovako kako je zakazana, a o pidžama partijama sam ja govorio još odavno, međutim ništa se na tom planu nije uradilo i nisu se stekli uvjeti možda da se ispoštuju maksimalno epidemiološke mjere i zato vas molim da evo, naravno i poslušamo i tu informaciju ukoliko je to moguće u što kraćem, ali manje više, svi smo mi informirani i ne bi smo voljeli da nas ljudi izvjestioci zasipaju podacima koji su opće poznati iz medija, već naprosto da čujemo i zastupnice. Odnosno predstavnike najviše zakonodavne vlasti, kako oni vide ili nude kakva rješenja za ublažavanje migrantske krize koja potreba Kanton Sarajevo. Hvala vam.

Predsjedavajući:

Zahvaljujem se. Sljedeći se prijavio kolega Igor Stojanović. Izvolite imate riječ.

Poslanik/zastupnik Igor Stojanović:

Hvala predsjedavajući. Molim vas, pošto planirate da stavite na dnevni red inicijativu zastupnika Zahiragića ja imam prijedlog, ja prošli put nisam glasao za njegovu inicijativu iz jednostavnog razloga jer on nije konsultovao službe da li uopšte mogu organizovati sjednicu uživo. Spomenuo je Dom naroda. Treba da zna da se sjednice Doma naroda odvijaju u tri sale. I da je zato parlament FBiH sposoban, ima kapacitete da to opsluži i tehnički i sa adekvatnim prostorijama. Dakle prije nego što glasamo za ovu inicijativu ili da pitamo službe da li su u situaciji da organizuju u skladu sa epidemiološkim mjerama da prisustvuju svi članovi Vlade, zastupnici i službe u salama, ili da nam samom Kolegiju s obzirom da vjerovatno sada to mišljenje ne možemo dobiti za vrijeme sjednice, tako brzo, moj je prijedlog ovaj prijedlog gospodina Zahiragića analiziramo na Kolegiju i eventualno utvrdimo da se naredne sjednice održavaju uživo kada bi ste vi inicirali da od službi dobijemo adekvatno mišljenje mogu li se sjednice organizovati uživo ili ne. A ovako sada staviti bez mišljenja službi, naravno da nećemo glasati za ovakav prijedlog kad ne znamo da li smo u tehničkoj mogućnosti da se ovakav prijedlog provede. Hvala.

Predsjedavajući:

Hvala zastupnice Stojanović. Kolega Zahiragić volio bih da se izjasnite o ovome kolega Zahiragiću da li prihvatate ovaj prijedlog gospodina Stojanovića. Izvolite imate riječ.

Poslanik/zastupnik Igor Stojanović:

Uz dužno poštovanje prema vjerujem ili želim da vjerujem dobronamjernom prijedlogu kolege Stojanoviću, imajući u vidu da Kanton Sarajevo i službe stručne Kantona Sarajevo zaista su više kapacitirane nego stručna služba Doma naroda, ja to znam po drugom segmentu periodu svog života, proveo kao radnik u stručnoj službi Doma naroda, nije izgovor to da li imamo mehanizme. Mislim da Kanton Sarajevo kao najrazvijeniji najbogatiji, najmoderniji Kanton sigurno može obezbijediti održavanje jedne sjednice, poštivajući sve epidemiološke mjere. Sala u kojoj mi redovno smo održavali sjednice prije ovih online sjednica.

Predsjedavajući.

Kolega Zahiragiću., uz puno uvažavanje moram vas prekinuti, molim vas, čekaju nas gosti, molim vas.

Poslanik/zastupnik Haris Zahiragić.

Da evo jedna rečenica. Predsjedavajući u općinskom vijeću centar je sala obezbjeđena na način da su razdvojena mjesta staklima itd i njih ima preko 30 i one se održavaju u jednoj sali poštivajući sve epidemiološke mjere. Tako da ne vidim zašto Kanton Sarajevo i (nerazumljivo) kao viši organ od opštinskog vijeća centar ne bi mogao raditi u toj istoj sali sa otprilike sličnim brojem vijećnika i zastupnika i prisutnih ljudi. U tom smislu ja zaista insistiram i želim da vjerujem da ću dobiti podršku i ostalih kolega da konačno krenemo raditi uživo i da ove sjednice ne oduzimaju bespotrebno vrijeme od bitnih tema, javljajući, imajući probleme sa konekcijom, paljenjem gašenjem kamere itd. Nadam se da shvatate moju istrajnost na ovoj temi predsjedavajući, a prije svega je ona značajna radi legalnosti odluka koje se donose. Ukoliko bude željeli, (nerazumljivo) legalnost odluka na ovim sjednicama, izjašnjavanje će trajati po 20 minuta jer će svaki zastupnik posebno izaći iz pidžame obući sako.

Predsjedavajući:

Kolega Zahiragiću, molim vas, zamolio bih vas da ne širite temu. Evo smo vas razumjeli imamo repliku Vibora Stojanovića. Hvala vam. Kolega Stojanović imate riječ.

Poslanik/zastupnik Vibor Stojanović:

Ja uvažavam mišljenje Zahiragića da on misli da mi imamo kapacitete ali on ne radi trenutno tamo i zato bi trebali da imamo mišljenje službi. I ja želim da mu pomognem da njegova inicijativa prođe, tako što će službe dati svoje mišljenje. Ja sam taj koji je prošli put glasao protiv njegove inicijative i opet ću ako ne budemo imali mišljenje. Želim dakle da mu pomognem da dođe do rezultata koji on želi. Ja bez tog mišljenja neću ulaziti u nešto i nametati ljudima koji nisu sposobni da ovaj projekat iznesu do kraja. Dakle bez obzira na to što se sjednice Opštinskog vijeća održavaju, puno više ljudi je uključeno na sjednicama Skupštine Kantona Sarajevo i mi moramo dobiti potvrdu od tehničkih službi da su oni u stanju organizovati sjednicu. Ja bez toga neću glasati i ako nemamo to mišljenje. I eto ja samo želim to da obavijestimo. Želio sam pomoći. Žao mi je što kolega Zahiragić ne želi da prihvati pomoć da bi njegova inicijativa prošla. Hvala.

Predsjedavajući.

Zahvaljujemo se kolega Stojanović. Imamo prijavljenog zastupnika Nikšića. Izvolite.

Poslanik/zastupnik Damir Nikšić:

Jel se čujem ? Da li me čujete? Ja bih samo zamolio da ako već moraliziramo ovdje da se sjetimo zbog čega se danas održava ova hitna sjednica. Radi se o ljudima koji su na hladnoći, koji nisu smješteni kako valja, radi se o problemima koje imamo sukobima sa policijom i mislim da je vrijeme da pređemo na dnevni red. Molim vas. Bez lažnog moraliziranja ipak radi se o nečemu, ja ne znam kako ljudi ne mogu da shvate o čemu se radi danas i šta je prioritet na ovoj sjednici. Mislim samo otidite i pogledajte ljudi se kupaju na hladnoći, peru se u potocima, ipak je naša odgovornost da se pobrinemo za te ljude i molim vas da o tome danas pričamo i da završimo s tim danas na ovoj hitnoj sjednici da donesemo neke zaključke hitne. Hvala vam.

Predsjedavajući:

Hvala kolega Nikšiću. Replika zastupnica Kerla izvolite.

Poslanik/zastupnik Bibija Kerla:

Ja mislim da je Damir Nikšić u potpunosti u pravu što se tiče ovoga. Mislim da stvarno nije uopšte trebalo davati mogućnost dopune dnevnog reda, ako je hitna sjednica samo u vezi migranata. Mislim da vi kao predsjedavajući ste napravili grešku u samom startu. Nema dopune, ako je hitna sjednica u vezi migranata nema dopune. Hvala lijepa.

Predsjedavajući:

Hvala zastupnice Kerla. Stavljam na glasanje inicijativu zastupnika Zahiragića. Neka se zastupnici izjasne da li da dopunimo tačku dnevnog reda možete glasati u viber grupi. Zaključujem glasanje.

ZA JE BILO 7, PROTIV 13, SUZDRŽANIH 9.

KONSTATUJEM DA NIJE USVOJEN PRIJEDLOG ZA OVU TAČKU DNEVNOG REDA.

Shodno naprijed iznesenim prijedlozima Dnevni red 15. Hitne sjednice Skupštine Kantona Sarajevo glasi:

1. Informacija o migrantskoj krizi u Kantonu Sarajevo,
Molim zastupnike da pristupe izjašnjavanju o prijedlogu dnevnog reda za 15. Hitnu sjednicu Skupštine Kantona Sarajevo.

Zaključujem glasanje. Konstatujem da je za glasalo 29, protiv ništa, suzdržanih ništa.

Prelazimo na realizaciju tačke 1.

AD – 1.

INFORMACIJA O MIGRANTSKOJ KRIZI U KANTONU SARAJEVO

Molim predstavnika Vlade da podnese uvodne napomene. Mi smo jutros održali hitnu sjednicu, ustvari redovnu sjednicu ali tematskog karaktera na temu migrantske krize, upravljanje migrantskim krizom u Kantonu Sarajevo. Moram samo napomenuti da smo mi tu sjednicu već zakazali prije nekih sedam dana i planirana je za danas. Ali imajući u vidu da je Kolegij Skupštine i sama Skupština odredila danas i vašu sjednicu, mi smo onda u ranim jutarnjim satima odradili ovu sjednicu i donijeli neke zaključke. Pred vama su materijali iz Uprave policije i iz Ministarstva za rad, socijalna pitanja i izbjeglice, i te materijale možete razmatrati u svojim raspravama. Ali također smo vam dostavili i zaključke. Mislim da u ovom trenutku već imate te zaključke. Stručna služba je već obradila i potpisani su. I mi smo ovdje na raspolaganju da odgovorimo na pitanja vezana za ove zaključke i da s vama sudjelujemo u kreiranju rješenja za upravljanje migrantskom krizom u Kantonu Sarajevo. Današnji izlagač na ovu temu će biti prvenstveno ministar Katica a on će onda najaviti i neke svoje goste. Izvolite ministre Katica.

Ministar Admir Katica:

Hvala lijepa premijeru. Uvaženi predsjedavajući, zastupnici Skupštine Kantona Sarajevo, dragi građani Kantona Sarajevo, želim vas sve srdačno pozdraviti, i zaželiti vam danas uspješan i konstruktivan rad. Prvo želim istaći da MUP i Vlada Kantona Sarajevo apsolutno podržava održavanje hitne sjednice na temu migrantske krize odnosno posljedicama migrantske krize koju mi osjećamo ovdje na području Kantona Sarajevo ali i migrantske krize na području BIH. Povod za ovu hitnu sjednicu, koju apsolutno podržavam, jesu posljednja dešavanja koja pokazuju da mi u suštini možemo reći da imamo dobru policiju jer neredi koje smo imali u migrantskom kampu „Blažuj” su sigurno mogli eskalirati u nešto mnogo gore da dođe do teškog (smetnje) građana na tom području. Povrijeđeno je 6 policajaca, lakše su na svu sreću povrijeđeni. Jedan također Međunarodne organizacije za migracije povrijeđen. I samo dakle mogu reći da samo efikasnom, vrlo profesionalnom i stručnom aktivnošću i akcijom Uprave policije, naših policijskih službenika nisu nastupile teže posljedice pa stoga s ovog mjesta kao ministar unutrašnjih poslova želim zaista pohvaliti njihov rad i uopće ono što su pokazali kako tokom prošle godine i tokom pandemijskih uslova rada kada su sa smanjenim kapacitetima uspjeli biti jedan od oslonaca ove Vlade za borbu protiv pandemije i isto tako da su uspjeli održati stabilan javni red i mir na području Kantona Sarajevo iako se migrantska kriza i posljedice migrantske krize pojavljuju kao novi sigurnosni indikator na našim području. Mislim da danas mi ovdje u suštini trebamo da osvijetlimo ustvari koje su to nadležne institucije zadužene za upravljanje migrantskom krizom u BIH, kada bi imali upravljanje migrantskom krizom u BIH, onda mi ne bi trpili posljedice te migrantske krize ovdje na području Kantona Sarajevo koje su sa mog aspekta prevashodno sigurnosne naravi. Također u ovom momentu mi možemo sagledati i jasno izraziti opredjeljenje za potrebno kadrovsko i materijalno tehničko jačanje uprave policije s obzirom da se pokazalo da je ta kadrovska osposobljenost ali i materijalno tehnička oprema da je to nešto čemu se ne treba prigovarati. Treba nam jaka policija sa materijalno tehničkom opremom da se može i dalje suprotstavljati na ovaj način svim kriznim situacijama, da može osigurati javni red i mir, i da može na ovakav način spriječiti eventualne mjere u migrantskim kampovima kako ne bi dolazilo do težih posljedica. Također vjerujem danas da će i zastupnici uložiti napore da iznađemo rješenja za probleme s kojima se suočava naša policija na terenu a koje se odnosi na provođenje određenih propisa odnosno nemogućnost provođenja određenih propisa te u tom smislu da im pomognemo da učinimo provodivim te propise ili da na neki način budemo inicijatori i mijenjamo propise koji opterećuju rad policije na terenu, a po pitanju smanjenja posljedica od migrantske krize. Kao što sam rekao ova problematika problematika države BIH. Nadležnosti jasno propisana na nivou države BIH ali to ne znači da mi ovdje u Kantonu Sarajevo trebamo sjediti skrštenih ruku i ne ići u susret problemu. Zato je i jedna od mojih aktivnosti u tom smislu bila da se imao sastanak s ministrom sigurnosti BIH, kojem se zahvaljujem na pozivu. Na tom sastanku je bio i ministar unutrašnjih poslova USK, zatim Direktor službe za poslove sa strancima i direktor Granične policije. Bili su predstavnici Međunarodne organizacije za migracije. I oni zaključci koji u usvojeni tu su zaključci koje sam ja prezentirao i koje ću evo i danas tokom ovog svog izlaganja nešto o njima reći. Takođe rovom prilikom se zaista želim zahvaliti svim gostima na današnjoj Skupštini Kantona Sarajevo. Vjerujem da će i oni dati svoj doprinos u razmatranju ove problematike i da ćemo doći do adekvatnih zaključaka. Ja zaista moram izraziti žaljenje što je ovaj materijal koji je predviđen za ovu hitnu sjednicu, što je došao kasno, evo pokušat ću ga osvijetliti na adekvatan način. Evo i premijer je to već rekao. Nadam se da ćemo svi mi danas uspjeti na osnovu toga donijeti adekvatne zaključke. Dakle šta je ovo bitno strateški reći. Potrebno je reći da nam je neophodno da država počne upravljati migrantskom krizom. Na ovom sastanku na kojem sam ja bio u Ministarstvu sigurnosti rečeno je da je sačinjena radna grupa za kreiranje strategije upravljanja migrantskom krizom. I to je za mene jedan ohrabrujući podatak, ohrabrujuće nastojanje da se konačno definišu stvari u BIH jer mi ovdje u Kantonu Sarajevo želimo biti dio rješavanja problema, barem ovo Ministarstvo unutrašnjih poslova, da radimo poslove iz svoje nadležnosti i da doprinosimo onome što se kreira na državnom nivou. Smatramo i to ćete vidjeti kroz naše zaključke država BIH treba početi upravljati migrantskom krizom, ali da treba odrediti kvotu migranata koju BIH može podnijeti i u tom smislu odrediti i

lokalne zajednice koliko mogu podnijeti jer složit ćete se podatak da mi u migrantskom kampu Blažuj, imamo na jučerašnji dan 3205 migranata na jednom mjestu je dakle gledajući sa svakog aspekta sociološkog, psihološkog, kriminološkog, da je to mjesto pogodno za razvoj devijantnih ponašanja s obzorom na veliki broj migranata u tom centru, i svakako da dio rješavanja tog problema mora biti to da se počne upravljati migrantskom krizom na pravi način kroz sljedeći naš zaključak ravnomjerna raspoređenost kampova u BIH dakle da Kanton Sarajevo i USK ne budu načini rješavanja ovoga problema. I također vjerujem da će iz Službe za poslove sa strancima to potvrditi migrantski kampovi kao dio te strategije trebaju biti i uz granice kako bi tzv readmisija bila moguća jer da bi se mogli migranti vratiti u zemlje u koje su došli a ta činjenica je utvrdila jedino, odnosno 99% prilikom njihovog ulaska u BIH a ne kada se migranti zatekne u dubini teritorije u Kantonu Sarajevo. Smatramo da država BIH treba se dodatno kapacitirati, jačati kontrolu granice na mjestima ulaska u BIH, i da je to naravno jedan od načina na koji se ovo pitanje može rješavati. Ovdje su u našim zaključcima predložili da se dodatno kao što sam rekao analiziraju propisi koje primjenjuje Uprava policije u ovom smislu pa i drugi organi, Uprava za inspekcijske poslove ovdje na području Kantona Sarajevo kako bi dakle taj radi učinile svrsishodnim, efikasnim, i kako bi se ostvarivao efekat. Primjera radi, jedna od stvari koje smo predložili je izmjena Zakona o prekršajima, kako se bi stvorila pravna pretpostavka za prekršajno kažnjavanje migranata koji su se zatekli na ulicama u Kantonu Sarajevo, s obzirom da u trenutnoj situaciji, a vjerujem da će to iz Uprave policije potvrditi a imate to i u svojoj informaciji koja se nalazi pred vama, da trenutno mi imamo gotovo pa nekažnjivost prekršajnim neodgovornost migranata na području Kantona Sarajevo što je nedopustivo. Također smatramo da se treba vjerovatno na državnom nivou mijenjati Zakon o strancima, Zakon o azilu, to su neki propisi koje treba učiniti prohodnijim ili ih primjenjivati na pravi način kako bi se ova situacija razrješavala. Mi ovdje iz Kantona Sarajevo, i MUP-a želimo poručiti da mi svakako ćemo i dalje pružati i sigurnosnu i humanitarnu i zdravstvenu zaštitu migrantima Kantona Sarajevo ali prvenstvo je na građanima Kantona Sarajevo i mi imamo ustavnu obavezu da se brinemo o sigurnosti građana na području Kantona Sarajevo. Međutim, mi nećemo biti oni koji upravljaju migrantskom krizom. Mi nismo za to nadležni. Postoje nadležni organi, mi ćemo biti svakako dijelom i doprinosit ćemo rješavanju ovoga problema. Kao što sam rekao imao sam sastanak u Ministarstvu sigurnosti i jedan od zaključaka koji također jučer komuniciran i sa novom šeficom Ureda IOM-a u BIH, jeste da nema novih kampova migrantskih u Kantonu Sarajevo, jer Kanton Sarajevo ne može biti instrument i način rješavanja migrantske krize u BIH. I također jedan od zaključaka je bio da nema novog priliva migranata u Kanton Sarajevo, posebno migrantski kamp Blažuj i da će država BIH rješavati to pitanje na drugi način a da će vjerovatno tokom vremena doći do odljeva ovog broja migranata iz migrantskog kampa u Blažuju, te da bi jedna podnošljiva cifra koja bi bila za ovaj kamp bila da to bude ispod 1000 migranata, kada bi i policija eventualno mogla donijeti sigurnosnu procjenu koja bi bila takve naravi da je moguće kontrolisati sa sigurnosnog aspekta tu situaciju. Ono što ću još jednom ponoviti pored te činjenice da je potrebno unaprijediti propise, još jednom želim podcrtati i zamoliti nas za jednu opredijeljenost da jačamo i kadrovski i materijalno tehnički Upravu policije i MUP Kantona Sarajevo. Mi smo trenutno u procesu kreiranja budžeta. Planirali smo zapošljavanje odnosno kreiranje finansijskih preduslova za raspisivanje javnog konkursa za 300 novih policajaca. Postoji zahtjev Uprave policije po pitanju materijalno tehničkog opremanja. Smatram i apsolutno podržavam te prijedloge jer nama treba kao što sam već rekao kadrovski i materijalno tehnički potpuno osposobljena odnosno opremljena policija, koja će evo na ovaj način garantovati nama svima sigurnost i činiti poslove i zadatke propisane zakonima na pravi način. Još jednom vam se želim zahvaliti na pažnji. Nadam se da sam u uvodu da nisam bio previše dug a da sam ipak iskazao ono što je najbitnije, najznačajnije za ovu problematiku. A svakako poslije mene će se uključiti i predstavnik Uprave policije načelnik sektora uniformisane policije glavni inspektor Džafer Hrvat kako bi i on sa svog aspekta Uprave policije prezentirao određene informacije koje se odnose na ovu oblast. Ja vam se zahvaljujem.

Predsjedavajući:

Zahvaljujemo se ministru Katici. Riječ ima šef uniformisane policije gospodin Džafer Hrvat, izvolite.

Načelnik Sektora uniformisane policije Džafer Hrvat:

Zahvaljujem poštovani predsjedavajući. Uvaženi zastupnici, sve vas srdačno pozdravljam i želim konstruktivan rad sa konkretnim zaključcima. Što se tiče Uprave policije naše je stajalište spram ove Informacije i spram ove tačke dnevnog reda.

Predsjedavajući:

Oprostite molim vas gospodine Džafer, malo glasnije da vas bolje čujemo zbog stenograma.

Načelnik Sektora uniformisane policije Džafer Hrvat:

Dakle naše stajalište spram ove situacije jeste da mi nismo izvorno nadležni odnosno da nemamo primarnu nadležnost u reakciji na ono što se zove migrantska kriza. Mi je zovemo migrantska kriza. Ja sam na sastanku u Ministarstvu sigurnosti problematizirao sam naziv zato što državni organi u osnivačkom dokumentu Koordinacionog tijela za pitanje migracija barataju pojmom migrantska kriza, a kriza kao stanje nije proglašeno spram migranata i ilegalnih migracija u BIH. Ja se izvinjavam što ću se ponavljati u nekim stvarima jer sam ja ovu informaciju obrazlagao na Kolegiju Skupštine, na Vladi, u Ministarstvu sigurnosti pa ćete me s tog aspekta razumjeti što ću morati neke stvari ponoviti. Ono što je ključno po pitanju reakcije i procjene sigurnosti jeste da mi iz uprave policije nikada nismo dobili odgovor ko je odlučio da smjesti taj broj migranata na tom lokalitetu? Mi nismo imali sagovornika dakle niko nije, ja onda mogu lično zaključiti da su nam nekim desantom padobranskim se spustili tu. Dakle, nisam imao tu sagovornika a svi su poslije tražili da ih zaštititi jer su relevantni subjekti u svemu tome. Dakle ja imam zakonsku nadležnost, odnosno Uprava policije ima zakonsku i ustavnu nadležnost da osigura prvenstveno građanima ličnu i imovinsku sigurnost, a što se tiče posljedica ilegalnih migracija sa kojima se mi suočavamo, i poteškoća u reakciji na posljedice migrantske krize, mi smo ih opisali u ovoj informaciji. Dakle niko nije odlučio da smjesti 3200 ljudi na tom lokalitetu, a oni su prisutni. Oni što se tiče sigurnosti predstavljaju, ja mogu slobodno reći, veliki sigurnosni rizik. A nas niko nije pitao za sigurnosnu procjenu da li može smjestiti taj broj ljudi i šta bi značilo smještaj tog broja ljudi na tom lokalitetu. Kada je u pitanju naš odgovor na nered, mi smo ih imali u tri navrata. Doduše, prva dva navrata 08 i 09 januara, u manjem obimu. A ovaj posljednji incident je vrlo ozbiljan sigurnosni problem i vrlo ozbiljan, ako ne najozbiljniji incident u dijelu migrantske populacije. Mi smo odgovorili na taj incident vrlo efikasno. I mi smo značajne resurse izdvojili, pokazali smo i pokazat će analiza šta mi još trebamo da bi bili efikasniji u tom odgovoru. Nakon ovog vrlo ozbiljnog incidenta pojavljuje se inicijativa iz Ministarstva sigurnosti da mi kao trebamo sada dostaviti zahtjev za opremu itd. Trebalo se o tome ranije razmišljati. Mi ćemo svakako u okviru budžetske stavke ispostaviti fakturu za ovo što se desilo. Dakle mi učestvujemo u radu koordinacionog tijela za pitanje migracija, ali kao nekakav pridruženi član i jednostavno ako neko kreira problem, mi ne možemo saznati ko je kreirao problem ali mi imamo problem u svom dvorištu i mi ga moramo rješavati. Mi ga ne možemo riješiti jer nemamo primarnu nadležnost. Mi ćemo sve zakonske odredbe, odnosno sve zakone upotrijebiti da na najefikasniji način odgovorimo na ove posljedice. Mi smo jučer na sjednici sa premijerom jasno dali do znanja šefici Ureda IOM da mi ne možemo učestvovati na takav način u određivanju zadataka Upravi policije. Vrlo jasno smo dali do znanja koje su zakonske nadležnosti i kako Uprava policije u odgovoru na posljedice sa kojima se suočava po pitanju migrantske krize obezbjeđuje odgovor, odnosno pomoć drugim organima koji imaju izvornu nadležnost da reaguju na ove probleme. Mi smo detektovali niz problema, u informaciji smo ih naveli, oni će vjerovatno biti vama prezentirani kroz zaključke. Ukoliko budete imali nekih, ne bih da vas zamaram sa sadržajem informacije, jer ste je vjerovatno dobili u materijalima, ukoliko budete imali nekih pitanja konkretnih što se tiče Uprave policije, mi ovaj problem posljedica sa kojima se suočavamo u vezi sa migrantskom krizom, živimo, ne da se samo suočavamo, mi živimo taj problem i znamo najbolje

na koji način i ko treba da odgovori da bi na neki način omogućili nama da radimo svoj posao za što smo ustavno i zakonski nadležni. Hvala.

Predsjedavajući:

Zahvaljujemo se gospodinu Džaferu Hrvatu. Na osnovu zaključaka Kolegija Skupštine Kantona Sarajevo na sjednicu Skupštine pozvani su predstavnici Ministarstva sigurnosti BiH, Službe za poslove sa strancima, Međunarodne organizacije za migracije (IOM), zatim predstavnik Predsjednika Federacije BiH, i predstavnici općina Hadžići i Ilidža, da upoznaju Skupštinu Kantona Sarajevo sa informacijama iz svojih resora, vezano za migrantsku krizu u Kantonu Sarajevo.

S obzirom da predstavnik Međunarodne organizacije za migracije je zamolila da prva zbog obaveza koje ima da prva podnese informaciju, evo molim predstavnicu Međunarodne organizacije za migracije IOM da nas izvijesti. Izvolite imate riječ.

(predstavnik je govorila na engleskom uz simultano prevođenje)

Šefica misije Međunarodne organizacije za migracije (IOM) u Bosni i Hercegovini i koordinatorica za Zapadni Balkan Laura Lungarotti:

Dobro jutro. I hvala vam najljepša na ovom pozivu da učestvujem u radu ove sjednice. Ja sam Laura Lungarotti i ja sam novi predsjednik Međunarodne organizacije za migracije ovdje u BiH. Sa mnom imam i prevodioca koji će omogućiti, ja se izvinjavam što će ovo da bude konsektivno, što oduzima vremena, ali to je način kako možemo da radimo. Ja se zaista izvinjavam što sam tražila da se obratim čak i prije ministra sigurnosti zbog mojih ranijih obaveza ali hvala vam u svakom slučaju. Prvo želim da se zahvalim Kantonu Sarajevo i Skupštini što su nas pozvali da učestvujemo u radu Skupštine danas. I želim zaista da se javno zahvalim i da pohvalim policiju Kantona Sarajevo što su nas podržali, naročito tokom ovih nedavnih neželjenih incidenata. Moja javna poruka je zaista da mi i te kako blisko sarađujemo sa Ministarstvom sigurnosti, Službom za poslove za strance. Oni su naši ključni partneri u cjelokupnom radu, ali mi također želimo da nastavimo i da proširimo saradnju sa institucijama Kantona Sarajevo i naročito sa opštinama Hadžići i Ilidža na čijoj teritoriji se nalaze ovi tranzitni privremeni centri. S čime mogu da započnem to su neke osnovne informacije o tome šta Međunarodna organizacija za migracije radi. Kao što sam rekla, mi sarađujemo blisko sa Službom za poslove za strance i sa ministarstvom sigurnosti. Ono što trenutno imamo ovdje na terenu u Kantonu Sarajevo to da imamo dva tranzitna centra, jedan je u Blažuju, u kome se trenutno nalazi po posljednjem podacima 3033 migranta i Ušivak 789 migranata. Ono na što moram da insistiram je da ovi migranti, koji su upućeni u ova dva privremena tranzitna centra da su ovdje prebačeni uz saglasnost i odobrenje Službe za poslove za strance i da su tom prilikom dobili svoje identifikacione kartice. Što se tiče samih korisnika centra, oni dobivaju tamo različite usluge koje se pružaju ne samo od nas već i uz podršku naših drugih partnera koji se bave humanitarnim pitanjem, tako da migranti tu dobivaju i hranu i socijalnu podršku i različite druge vrste usluga. Što se tiče samog obezbjeđenja centara obezbjeđenje vrše privatne zaštitarske agencije koje plaća međunarodna organizacija za migracije. Međutim, upravo na tom prostoru mi želimo da sarađujemo bliže sa policijom Kantonalnog ministarstvom unutrašnjih poslova kako bi produbili tu našu saradnju i povećali stepen sigurnosti na tom prostoru a o tome smo jučer malo duže razgovarali na sastanku. Što se tiče Blažuja i incidenta koji se desio prošle sedmice, nakon tog događaja mi smo zaista poduzeli veliki broj akcija i koraka tako da je jedan od tih koraka bio da smo jučer imali veoma dobar sastanak sa premijerom Kantona Sarajevo, i sa ministrima, tako da smo tu razgovarali o situaciji i donijeli smo neke zaključke. Također su donesene neke odluke, neki zaključci tokom sastanka sa ministrom sigurnosti. Jedan od tih zaključaka je bio da više neće biti prihvata novih migranata na teritoriji Blažuja. Ono što mi također želimo da to je da blisko sarađujemo sa policijom i sa kantonalnim Ministarstvom unutrašnjih poslova kako bi i mi njima osigurali određenu podršku i da osiguramo ono što su njihove potrebe. I kako bi obezbijedili veći stepen sigurnosti na oba ova mjesta. I u Ušivku i u Blažuju. I također shvatamo da je trenutni

kapacitet Blažuja zaista prenapučen, da ima daleko veći broj migranata u kampu nego što je to bilo izvorno predviđeno međutim mi ne možemo na ovaj način smanjiti pritisak na Blažuj ukoliko se ne odredi neka nova lokacija gdje bi mogli da ih prebacimo ili druga opcija to je da čekamo da se snađu sami kako mogu, da na prirodan način napuštajući teritorij BiH smanje taj pritisak na Blažuj. Već dovoljno sam govorila tkao da ću samo kratko prije nego što dam riječ predstavnicima Ministarstva sigurnosti i službe za poslove sa strancima a to je da smo mi u posljednje vrijeme zaista poduzeli neke dodatne aktivnosti, poduzeli smo određene mjere pa smo čak i povećali broj osoblja koji je zadužen za osiguranje određenih usluga, čak smo također razgovarali i povećali broj angažiranih u privatnim zaštitarskim agencijama da se poveća stepen sigurnosti, u kampovima i oko kampova. Naravno u konsultaciji sa predstavnicima Kantona Sarajevo mi ćemo također nastojati da zadovoljimo određene potrebe, tako da se mogu povećati i određene usluge na prostoru Blažuja a vezano za kao zajednicu. Čuli smo već dovoljno inicijativa iz općina Ilidža i Hadžići, budući da se na teritoriji ovih općina i nalaze ovi kampovi, tako da ćemo raditi na njima. I ono što želim na kraju da naglasim a to je da mi želimo biti dio rješenja u saradnji sa predstavnicima organa vlasti Kantona Sarajevo ali i BiH. I na kraju samo želim da se zahvalim i mogu samo da kažem da smo zaista otvoreni za sve moguće prijedloge jer mi ono što uporno insistiramo i nastojimo da uradimo a to je da ponovo uspostavimo povjerenje sa lokalnim stanovništvom na teritoriji na prostoru gdje se nalaze kampovi i mi sa njima vodimo dijalog i zaista ćemo nastojati da nađemo konstruktivan odgovor na sve njihove zahtjeve i potrebe. Hvala vam.

Predsjedavajući.

Zahvaljujem se predstavnicima Međunarodne organizacije za migracije IOM. Molim predstavnika Ministarstva sigurnosti da se predstavi i obrati Skupštini Kantona Sarajevo. Izvolite imate riječ. Uključite mikrofona.

Senahid Godinjak, šef kabineta ministra sigurnosti:

Da li se čujemo? Hvala predsjedavajući. Senahid Godinjak, šef kabineta ministra sigurnosti. Zahvaljujem se na pozivu i na prilici da učestvujem u današnjem radu na ovu vrlo važnu i značajnu temu. Prije svega želim da vas pozdravim i u ime ministra sigurnosti gospodina Cikotića koji danas zbog sjednice Vijeća ministara nije mogao biti danas s vama i iskoristiti ovu priliku da vam se i lično obrati. Na početku želim prije svega da se zahvalim ministru unutrašnjih poslova Kantona Sarajevo i načelniku Uprave uniformisane policije koji su na jedan vrlo konstruktivan način dali puni doprinos na sastanku u Ministarstvu sigurnosti. To je sigurno način i potvrda kako i buduće treba da rješavamo i sarađujemo na ovoj vrlo važnoj i značajnoj temi. I također bih prenio čestitke i svim pripadnicima MUP-a Kantona Sarajevo koji su na jedan vrlo profesionalan način reagovali prilikom incidenta koji se desio u privremenom prihvatnom centru Blažuj prije nekoliko dana. Svakako težišno pitanje i ono što se već evo iz prethodnih izvještaja može nazrijeti je pitanje upravljanja migracijama u BiH, i često dolazimo do tog pitanja nadležnosti, nadležnosti i nadležnosti. Svakako država BiH ne čini dovoljno kada je u pitanju upravljanje migracijama na cijeloj teritoriji BiH. Ali moram vas podsjetiti i na činjenicu, referirat ću se naravno na ovo vrijeme od augusta mjeseca, koliko se Ministarstvo na čelu s ministrom Cikotićem, bavi ovim aktivnostima, želim podsjetiti i upoznati Vladu Kantona Sarajevo ali i sve zastupnike u Skupštini Kantona o nekim konkretnim mjerama i aktivnostima koje su poduzete sa nivoa države BiH, a tiču se prije svega poboljšanja kvaliteta upravljanja migracijama. Naime, vrlo je značajno da je Predsjedništvo BiH donijelo jedan set zaključaka od kojih je sigurno za ovu priliku najznačajnije kazati da je donešena odluka o izmještanju migranata iz urbanih centara i to je jedna osnova, direktiva, koju perspektivi kroz izradu strategije o migracijama u BiH svakako moramo uvažavati i primijeniti. Također Vijeće ministara je na sjednici 16.12. prošle godine usvojilo Plan mjera i aktivnosti za efikasno upravljanje migrantskom krizom u BiH, vrlo značajan dokument koji obavezuje i ovo kada je u pitanju nadležnost, jasno iskazuje da je Vijeće ministara nadležno za upravljanje migracijama u BiH da pored ministarstva sigurnosti jako prepoznatljivu ulogu imaju i ostala Ministarstva u sazivu Vijeća ministara. Prije svih Ministarstvo za civilne poslove, za ljudska prava i izbjeglice, ali onda i

MVP. Tako da sa punim kapacitetom organi države BiH moraju uzeti učešće u upravljanju migrantskom krizom i mogu vas upoznati da je već za naredni ponedjeljak zakazana sjednica ovih nadležnih ministarstava koji će na temu Plana razraditi operativne aktivnosti, svako iz svoje nadležnosti, radi bolje horizontalne koordinacije u sklopu samog vijeća ministara. Ministar Katica je već pomenuo vrlo značajnu radnu grupu koju je Vijeće ministara usvojilo a to je izrada Strategije o migracijama 2021 25 gdje ćemo svakako pozvati predstavnike Kantona Sarajevo da daju svoj doprinos, pogotovo kada su u pitanju migrantski centri ali i ostali domeni koji se tiču prije svega određenih zakonskih rješenja i na nivou države BIH, prije svih mislimo na Zakon o strancima, i Zakon o boljoj graničnoj kontroli. Također Vijeće ministara je donijelo odluku o prijemu 300 novih kadeta u Graničnu policiju BIH što će svakako ojačati državnu granicu BIH. Referirao bih se kratko i na ove zaključke koje smo imali prije nekoliko dana i ohrabrio ministra Katicu prije svega, direktorica IOM je iznijela podatak da je sa jutrošnjim danom u odnosu na onaj prethodni sastanak već oko 200 migranata smanjen u samom Blažuju. To je ono nešto zbog čega smo taj zaključak donijeti i vjerujemo da će gen donijeti poboljšanje statusa bez otvaranja novih centara. Mi smo naravno i na ovom sastanku i bez da je to bio povod ovaj incident kako kolega Džafer Hrvat kaže ne vjerujemo da smo zakasnili da tehnička pomoću opremanju naše policije će svakako dobro doći kroz donaciju Vlade Japana planirano je za Ministarstvo Kantona Sarajevo specijalizirano vozilo u vrijednosti 250.000 eura ali i pored toga smatram da ova nova specifikacija opreme i način iznalaženja mogućnosti će sigurno doprinijeti Vladi Kantona da lakše, bolje i kvalitetnije opremi policiju za reagovanje u ovim slučajevima kao što su bili nedavno u Blažuju. Također želim vas informisati da smo već jučer sa načelnikom općine Ilidža dogovorili za narednu sedmicu sastanak u četvrtak gdje ćemo najprije i sa predstavnicima MUP-a Kantona Sarajevo ali i predstavnicima IOM, EU komisije u BIH, Službe za poslove sa strancima običi privremeni prihvatni centar Blažuj, na licu mjesta se upoznati sa trenutnim stanjem u privremenom prihvatnom centru a onda na jednom radnom sastanku u prostorijama općine Ilidža doći i do određenih konkretnih prijedloga kako i na koji način sve ove institucije sa nivoa države ali i međunarodni partneri možemo konkretno doprinijeti da bi se stanje sa migracijama u lokalnoj zajednici a prije svega u MZ Blažuj dovelo na jedan podnošljivi način. Također vas želim upoznati ono što je zaista ovih dana vrlo izraženo, ne ulazeći u detalje i u brojke, ali definitivno migrantska situacija u BIH iz prvenstveno humanitarne krize, katastrofe jednim dijelom je prešla u sigurnosnu zato što je u migrantskom valu u odnosu na procenat i broj ljudi koji dolaze, značajan broj ljudi koji su sigurnosno interesantni pa i opasni i po sigurnosni sistem BIH, zauzimale sve više aspekte i sigurnosnog pitanja ali ono što ovih zadnjih dana izlazi na površinu to jeste i politička dimenzija ovih migracija i s tim nam se valja nositi u perspektivi. Ministarstvo sigurnosti je zauzelo jasan stav prije svega da niti USK, ni KS ne mogu više biti mjesta, lokacije u kojima će se otvarati novi privremeni privatni centri. Težište se mora otvoriti na cijeli prostor BIH, sve institucije BIH uključujući i Entitet RS ali i kantone u FBiH sa hrvatskom većinom moraju na jedan kolegijalan i korektan način podnijeti dio ovog tereta. Mi kada govorimo o teretu migrantske krize onda ispuštamo iz vida da se teret migrantske krize najviše osjeti tamo gdje su smješteni privremeni prihvatni centri. Neosporna je činjenica da vi u cijeloj BIH možete naći susret s migrantom u bilo kom dijelu i bilo kom gradu. Međutim, prava suština tereta se osjeti tamo gdje jesu privremeni prihvatni centri i zbog toga u našim planovima i projekcijama za bolje upravljanje migrantskom krizom zaista projektovani i tražit ćemo politička rješenja da se ovo razumije na jedan pravi način. Moram priznati da smo uspjeli iskomunicirati to kvalitetno i sa predstavnicima EU u BIH. Mislim da već i kroz medije možete svjedočiti tome da sa najvećeg nivoa od Brisela pa preko specijalnog predstavnika EU u BIH, radi se na tom planu da se bolje razumije da upravljanje migrantskom krizom ili situacije mora biti sa nivoa države i da sve institucije taj teret moraju prihvatiti ravnopravno. Ne trebamo gubiti iz vida i ne trebamo imati iluziju da ćete se to desiti preko noći, da će to biti lagano, ali mi svakako radimo u tom pravcu da to na takav načini tom disperzijom, onda ćemo sigurno olakšati. Svjesni smo mi činjenice da nije realno upravljati jednim migrantskim centrom koji broji 3000 ljudi na današnji dan, ali svakako ako to svedemo na 1500 ljudi onda je to moguće raditi. Ili do 1000 ljudi onda ni lokalna zajednica ne bi osjetila toliko tog broja migranata. Ja se naravno evo još jednom zahvaljujem prije svega na ovom

pozivu, na prilici, želim vam uspješan rad. Stojim na raspolaganju, ali konstatujem da je ovakav način saradnje, ovakav način komunikacije između institucija u okviru države nam BIH sigurno garant i pravi put da ćemo i ovo jedno teško sigurnosno pitanje iznijeti na najbolji način i na zadovoljstvo svih naših građana. Zahvaljujem se još jednom. Hvala.

Predsjedavajući:

Zahvaljujemo se gospodinu Godinjaku. Pozivam predstavnika Službe za poslove sa strancima da se predstavi i obrati Skupštini Kantona Sarajevo.

Mirsad Buzar zamjenik direktora Služba za poslove sa strancima

Uvaženi predsjedavajući, premijeru, uvažene zastupnice i zastupnici, članice i članovi Vlade, dame i gospodo. Ja sam Mirsad Buzar, zamjenik sam direktora Službe za poslove sa strancima. I u ime Službe za poslove sa strancima i u svoje lično ime sve vas srdačno pozdravljam. Naravno, rekao bih da je ovo nastavak određenih aktivnosti i Vlade i Skupštine Kantona Sarajevo ka sagledavanju migrantske situacije na području Kantona Sarajevo i rekao bih možda predlaganju i možda iznalaženju najboljih mogućih rješenja kako bi se ovaj fenomen na najbolji mogući način kontrolisao. Mi smo nedavno prisustvovali i sjednici Komisije za sigurnost Skupštine Kantona Sarajevo na kojoj također razmatrana aktuelna problematika na području Kantona Sarajevo i gdje su hajde da kažem u neku ruku možda razmatrana i pojedina rješenja. Dakle moramo biti svjesni činjenice da se suočavamo sa jednim globalnim problemom koji se reflektovao na EU, ali dijelom i na BIH. Nekada od 2018 godine smo se počeli suočavati sa povećanim prilivom migranata u BIH, i u ove protekle tri godine Služba za poslove sa strancima je registrovala negdje oko 70.000 migranata. Ono što je važno naglasiti jeste da je tokom 2020 godine došlo do određenog pada od blizu 45% registrovanih migranata u odnosu na 2019 godinu. Evo pominjali smo posljedice migrantske krize koje se osjete u Kantonu Sarajevo ali rekao bih da se posljedice vide i reflektuju na kompletnu teritoriju BIH, ali sa posebnim osvrtnom na Kanton Sarajevo i na USK. Dakle evidentno je da najveći broj migranata ilegalno prelazi granicu i ulazi iz pravca Srbije u BIH. Nešto manji broj iz pravca Crne Gore i nakon ilegalnog ulaska pokušavaju ići prema USK kao najbližem mogućem mjestu prelaska granice u Republiku Hrvatska i nastavljanja ka svojim krajnjim destinacijama u zemljama EU. Jedan dio migranata pokušava odmah ići prema USK, dok jedan dio njih prelazi i preko područja Kantona Sarajevo gdje se zadržavaju i u prihvatnim centrima. Međutim, kada pogledamo ovaj humanitarni aspekt ove krize, moramo se naravno osvrnuti i na sigurnosni aspekt krize. Moramo se osvrnuti i na jedan cjelokupan sigurnosni sistem BIH, u tom smislu, i evo vidjeli smo mjesecima odnosno skoro od početka krize vidimo iskazivanje potreba policijskih i sigurnosnih agencija u BIH za jačanjem svojih kapaciteta kako ljudskih tako materijalno tehničkih kako bi mogli na efikasniji način da uočavaju određene pojave i da ih na efikasniji način i rješavanju. Prvenstveno mislimo na Graničnu policiju kojoj nedostaje mnogo kadrova i koja iz tog razloga ne može na najbolji mogući način i prevenirati ilegalne prelaske migranata u BIH. Ali tu prvenstveno mislim i na SIPU- i na OSU, evo vidimo konkretno na Ministarstvo unutrašnjih poslova u ovom slučaju Kanton Sarajevo koji su već iskazali potrebu za određenom materijalno tehničkom opremljenošću, ali i za jačanjem kadrovskih potencijala. Dakle, u tom smislu je potrebno jačati cjelokupan sigurnosni sistem kako i se mogli na efikasniji način boriti sa ovim problemom. Služba za poslove sa strancima, moram naglasiti, dakle ima 240 zaposlenih, ima 75 inspektora za strance koji pokrivaju cijelu teritoriju BIH. Dakle, mi pokušavamo na najbolji mogući način odgovoriti ovom fenomenu, ovim izazovima i naravno u saradnji sa drugim agencijama za provedbu Zakona u BIH, rekao bih ponuditi neki hajd da kažem što bolji odgovor. Ono što mi radimo, na šta smo mi fokusarni jeste na profilisane migranata kod same registracije, kod uzimanja biometrijskih podataka, kod fotografisanja istih. Pokušavamo odmah pristupiti postupcima utvrđivanja identitet. Dakle činjenica je da oni ne nose dokumenta na osnovu kojih im se može utvrditi identitet, ali dakle mi pokušavamo i tu smo fokusirani na pronalazak takvih dokaza, na pronalazak dokaza koji nam mogu poslužiti za postupke readmisije kako bi smo mogli te migrante vratiti u zemlje iz koje su zapravo i ušli u BIH, i naravno fokusirani smo na

identifikovanje određenih sigurnosnih pojava kako bi smo u saradnji sa drugim agencijama mogli blagovremeno odgovoriti na te sigurnosne pojave. Šta smo radili u proteklom periodu i šta radimo i dalje? Dakle svakodnevno kontinuirano fokusirano smo na kontrolu pravnih i fizičkih lica koja pružaju usluge smještaja migrantima. Činjenica da smo imali migrante i ispred tržnih centara, na semaforima, da smo imali migranta na posebnim mjestima. Da su pokušavali iznaći neki adekvatan alternativni smještaj gdje su tamo boravili tako da smo se fokusirali na te elemente, na ta mjesta okupljanja migranata i tamo smo kontinuirano vršili takve vrste kontrola. Naravno imali smo u vidu i prijave građana Kantona Sarajevo koji su prijavljivali okupljanja migranata i u tom smislu smo provodili mnoge aktivnosti kako u saradnji sa MUP-om tako i saradnji sa Upravom za inspeksijske poslove. Ono što je bitno naglasiti da na području Kantona Sarajevo imamo dva prihvatna centra, imamo Blažuj i imamo Ušivak. Blažuj u kojem evo kako smo čuli i od gospođe Laure boravi 3033 migranta, jutros je brojno stanje u Ušivku je mnogo manje. Služba za poslove sa strancima je prisutna u tim prihvatnim centrima zbog provođenja mjera i radnji iz okvira svoje nadležnosti ali naravno i koordiniranja svoj aktivnosti u saradnji sa organizacijom za migracije. Jedan bitan segment i rada i prisustva svakako u tim prihvatnim centrima jeste i činjenica da Služba u okviru tih kampova uočava određene sigurnosne pojave kod migranata da u saradnji sa MUP-om, da u saradnji sa drugim agencijama za provedbu Zakona, prepoznamo te pojave, uočavamo ih i tretiramo, odnosno procesuiramo te migrante, izdvajamo ih kako ne bi došlo do određenih incidenata kojima smo svjedoči evo i prije par dana u Blažuju. Nevjerovatna je činjenica da je ovaj incident izazvao samo jedan migrant iz državljanin Irana koji je izazvao taj incident zbog vrijeđanja određenih vjerskih osjećanja pripadnika drugih državljanstava odnosno skupima u samom prihvatnom centru i vidjeli smo dakle do čega je to dovelo. Koristim i ja priliku naravno da se zahvalim pripadnicima MUP-a Uprave policije koji su zaista na jedan profesionalan efikasan način odgovorili i pružili podršku kako IOM, tako i Službi za poslove sa strancima i sigurno spriječili, prije svega spriječili linč ovog migranta koji je izazvao taj incident. Jer su oni jednostavno, migranti drugi su htjeli da ga linčuju, prvenstveno smo spasili taj život ali se spriječila dalja eskalacija sukoba ali i mogućnost proširivanja izvan tog centra. Ono o čemu smo i ranije razgovarali jeste potreba jačanja sigurnosti unutar ovih prihvatnih centara. Gospođa Laura je već pomenula da je IOM pokrenuo određene inicijative ka jačanju sigurnosti samih kampova. Ja moram naglasiti da smo mi nekada i ranije već imali sastanak i sa Piterom prijašnjih šefom IOM-a, sa ministrom unutrašnjih poslova komesarom nekada ranije upravo na tu temu jačanja sigurnosti prihvatnih centara. Potrebno je ojačati taj centar, potrebno je ogradu izgraditi, pojačati video nadzor, rasvjetu oko kampova, potrebno je pojačati ovaj dio zaštitarskih agencija kako bi se na efikasniji način moglo prevenirati i nelegalan ulazak migranata u same prihvatne centre na području Kantona Sarajevo. Služba za poslove sa strancima u saradnji sa MUP-om prepoznala i identifikovala određena lica koja su u svojim djelovanjem narušavali sigurnosnu situaciju tokom tog incidenta u Blažuju i već je 17 stranih državljanja i procesuirano od strane službe za poslove sa strancima. I preduzimaju se dalje mjere na njihovom udaljenju. Vidimo i sami da je na području Kantona Sarajevo manje migranata koji se kreću, manje migranata koji se i dalje zadržavaju ispred prihvatnih centara i svega, ali moramo nekako povezati i taj humanitarni i sigurnosni aspekt. Mislim da ćemo se svi sjetiti situacije kada smo preko puta sarajevske Vijećnice imali improvizovano šatorsko naselje u kojem je boravilo nekoliko stotina migranata. Pa se određenim djelovanje to improvizovano šatorsko naselje sklonilo odatle i migranti izmjestili u Salakovac kod Mostara. Bitni su prihvatni centri. Bitno je da se imaju gdje migranti skloniti. Pogotovo moram naglasiti da smo mi u saradnji sa MUP-om, evo i tokom i pandemije korona virusa, postojala je Odluka vijeća ministara o uklanjanju migranata i sa ulica i iz improvizovanih smještajnih kapaciteta ka prihvatnim centrima. I mislim da je jednim dijelom i takvo djelovanje dovelo do većeg broja ljudi koji su smješteni u tom periodu u privatne centre. Ono što moram naglasiti jeste jedna izuzetna saradnja sa MUP-om. Mi smo i 2019 godine sačinili i donijeli jedan zajednički operativni plan djelovanja u kontekstu sprečavanja određenih sigurnosnih pojava i efikasnije kontrole kretanja, boravka stranaca odnosno migranata na području Kantona Sarajevo. Proveli smo stotine zajedničkih aktivnosti u tom periodu kažem sa posebnim fokusom na mjesta gdje se migranti okupljaju i u tom smislu bih evo pomenio i

određene objekte gdje smo po prijavama građana izlazili. Gdje smo znali u jednoj kući zateći po 170 migranata koje smo uklanjali i smještali u prihvatne centre. Migrante koje smo zbrinjavali koji nisu imali smještaj. Evo možda bih u ovom kontekstu izdvojio jednu aktivnost koju smo proveli u saradnji s MUP-om gdje smo na osnovu prikupljenih saznanja i informacija o djelovanju jedne grupe migranata i njihove povezanosti sa krijumčarenjem migranata u BIH, proveli aktivnost u saradnji sa MUP-om i u saradnji sa OSO-om i na području Starog Grada iz jednog ugostiteljskog objekta smo uzeli migranta koji je predstavljao prijetnju sigurnosti BIH. Takvog smo stranca izrekli mjeru protjerivanja, stavili smo ga pod nadzor u imigracioni centar. Ono što je zaista nama bilo jako što nam je ukazalo da smo na dobrom putu jeste činjenica da je Njemačka raspisala za njih potjernicu upravo zbog povezanosti s tim krivičnim djelima i tog stranca smo prije par dana predali Sudu BIH da mu se odredi ekstradikcioni pritvor radi njegovog izručenja Njemačkoj. Znači svjedoci smo mnogih izazova sa kojima se svi suočavamo. Evo već su prethodnici govorili i o sastanku koji smo imali i održali sa ministrom sigurnosti BIH, gdje smo dogovorili još potrebu još jače povezanosti i jačanje saradnje između Službe za poslove sa strancima i MUP-a Kantona Sarajevo. Kako Kantona Sarajevo tako i MUP USK i evo gledat ćemo da u što skorijem periodu održimo sastanke i da vidimo na koji način možemo efikasnije unaprijediti tu saradnju i na efikasniji način se suočavati sa ovim fenomenima i sa ovim pojavama. Moram naglasiti da vrlo često čujemo, evo i nakon ovog incidenta čujemo i glas javnosti, kaže pa zašto se migranti ne protjeraju? Zašto mi njih ne udaljimo. Moram tu samo pojasniti par stvari kada je u pitanju izricanje mjera protjerivanja. Identitet je jedan od osnovnih problema sa kojima se suočavamo. Međutim, mi na mjeru protjerivanja i procesuiranje stranih državljana možemo raditi i preduzimati na osnovu njihove lične izjave. Ukoliko mi tokom postupka utvrdimo njihov identitet mi možemo pristupiti izmjeni rješenja naših odluka o protjerivanju i stavljanju pod nadzor i bilo čega drugog u skladu sa onim u pogledu njihovog identiteta. Ukoliko nemamo identitet ovisimo o saradnji sa njihovim zemljama porijekla. Ta saradnja je jako teška, kompleksa, i u mnogim slučajevima se da kažem traje i po nekoliko mjeseci ali nekada i kada dobijemo potvrdu identiteta prelazimo u sljedeću fazu a to je da nam treba potvrda za prisilno udaljenje, saglasnost zemlje da možemo prisilno udaljiti nekoga. Nakon toga, slijedi ponovo saradnja sa zemljom tranzita preko koje migranta trebamo udaljiti. A konačno tu je saradnja sa avio kompanijama, koja je, rekao bih, presudna, jer smo imali slučajeve kada kapetan aviona koji je najodgovorniji za taj let kaže molim vas da udaljite strance iz aviona jer mi nismo u mogućnosti ne možemo garantovati sigurnost ljudima na letu, molim vas da ga udaljite iz aviona. Provodimo sporazume o readmisiji, dakle vraćamo, iako znamo iako je činjenica da svi migranti ulaze, najveći dio njih ulaze iz Srbije. Mi smo fokusirani kao što sam rekao na početku, na pronalaženju dokaza da ih možemo vratiti u Srbiju. Mi ne možemo samo na osnovu pretpostavke da je on ušao iz Srbije da ga vratimo tamo na osnovu sporazuma o readmisiji. Mi moramo imati u skladu sa sporazumom o readmisiji jasne dokaze koji govore da je migrant ušao iz te zemlje, odnosno da je prethodno tamo boravio. I za svaki slučaj za koji utvrdimo takve činjenice, mi tog migranta i vraćamo tamo. Evo gospođa Laura je pomenula i gospodin Godinjak, teži se ka rekao bih jednoj tranziciji i preuzimanje same koordinacije i upravljanja prihvatnim centrima od strane države. I evo, vidjeli smo da su određeni koraci i napravljeni ka tome. Evo pomenut ću samo Lipu u USK. Ali i zaključak Predsjedništva BIH iz augusta 2020.godine koji je Godinjak pomenuo u smislu potrebe izmještanja prihvatnih centara iz urbanih područja i premještanje migranata izvan tih urbanih područja. Dakle mislim da se evo i ovom Lipom i Odlukom Vijeća ministara BIH na osnivanju takvog kampa izvan urbanih područja polako krenulo u tom nekom pravcu. Dakle evo mogu samo još jednom podcrtati važnost naše saradnje sa MUP-om i podrške koju nam zaista pružaju svesrdno u svim postupcima koje služba provodi do sada, kažem toliko smo toga prošli zajedno, kao što reče gospodin Džafer Hrvat mi živimo taj problem sa ,migrantima svaki dan i svaku noć i pokušavamo u skladu sa svojim kapacitetima da najbolji mogući način odgovorimo svim ovim izazovima i problemima sa kojima se suočavamo-. Evo toliko naravno s moje strane, da ne oduzimam dalje vrijeme. Hvala vam mnogo na pozivu za sjednicu i mogućnosti da iznesemo naša zapažanja ali i da se osvrnemo na određene izazove i probleme koje mi svakako imamo u svom radu. Hvala vam još jednom. Ukoliko bude pitanja rado ću odgovoriti.

Predsjedavajući:

Zahvaljujemo se gospodinu Buzaru. Sljedeći prijavljeni je gospodin Nermin Muzur, načelnik Općine Ilidža. Izvolite načelniče, imate riječ.

Nermin Muzur, načelnik Općine Ilidža:

Zahvaljujem predsjedavajući. Evo prije nego što više kažem nešto više o samoj temi, želio bih da pozdravim vas, premijera Kantona Sarajevo, i naravno sve zastupnike i predstavnike drugih tijela koji su danas pozvani na ovu sjednicu. Ja ću reći nekoliko riječi, više ću reći o stvarnom stanju koje mi imamo trenutno na Ilidži. Na Ilidži, evo čuli ste od predstavnika i ministarstava i odjela za strance i policije, više tih nekih tehničkih stvari. Ja ću reći konkretne stvari koje mi imamo na Ilidži i sa kojima živimo. Čuli ste iz ovih prethodnih izlaganja da je Općina Ilidža najviše pogođena kada su u pitanju ovi problemi sa migrantskom krizom po pitanju broja i svega onoga što se dešava. Zna da smo imali slučajeve ubistva mladog čovjeka ovdje na Ilidži, svaki dan evo imamo neke manje ili veće probleme koje prouzrokuju ti ljudi. Ono što prije svega želim da zaista se zahvalim svim stanovnicima općine Ilidža pored svih ovih problema i pored svega ovoga što proživljavaju još uvijek imaju najviši mogući stepen tolerancije na sve ovo što se dešava. Pozivam ih da takvi ostanu i u narednom periodu jer se iskreno nadam da evo i sa ovom tematskom sjednicom i sa svim aktivnostima koje su poduzete i koje ćemo poduzeti u narednom periodu vjerujemo da ćemo popraviti trenutnu situaciju koju imamo. Samim mojim imenovanjem i startanje a ovoj funkciji ja sam naravno prepoznao kao najveći problem i najveći fokus upravo rješavanje ovih problema kada je u pitanju migrantska kriza tj. tema sigurnosti jer najvažnija stvar jeste da se naši sugrađani osjećaju sigurno ovdje. S tim u vezi sam održao sastanak i sa ministrom unutrašnjih poslova Kantona Sarajevo, sa komesarom policije Kantona Sarajevo, federalnim ministrom unutrašnjih poslova, ministrom sigurnosti BIH gospodinom Cikotićem, svima njima sam razgovarao i pružio ruku i ni jednom trenutku nisam htio da od ove teme pravim neku političku temu, da okrivljujem bilo koga u tom nekom smjeru na taj način da djelujem jer sam pružio ruku. Želim da budem zaista partner i da konkretno rješavamo stvari. Ono što mogu reći da me, ako me išta može radovati kada je u pitanju ova tema, raduje me podatak i informacija koju imam i sa terena, evo i ovdje je potvrđena danas kroz sve ove sastanka i razgovore, prva stvar koju sam tražio i molio od svih jeste garancija da se u migrantskom centru u Blažuju neće povećati broj migranata ni za jedno. Prema informacijama koje imam u ovom periodu od 15 od kada smo održali te sastanke, raduje me da se potvrđuje da to obećanje koje smo dobili, evo uspjeli su svi oni koji su trebali da ispoštuju. Ono što je važno kada je u pitanju Ilidža, mi imamo nekoliko problema. Nekoliko problema kada je u pitanju sama organizacija PU, gdje nedostaje veliki broj policijskih službenika, to je opet problem koji treba da se rješavana na našem kantonalnom nivou i da rješavamo u tom nekom smislu da se tim ljudima da još veća podrška jer izuzetno veliki teret podnose kada su u pitanju ovi problemi. Također od predstavnika međunarodnih zajednica i sivih predstavnika koji učestvuju u ovom procesu očekujem zaista pomoć ada je u pitanju lokalna zajednica, konkretno Ilidža-. Očekujem da već naredne sedmice ćemo imati i konkretan radni sastanak gdje ćemo posjetiti i sami centar u Blažuju, poslije toga imati radni sastanak na kojem ćemo mi iznijeti detaljno šta je ono potrebno prvenstveno u onom nekom prvom koraku poslije ovoga dogovora koji su do sada ispoštovali da sene povećava broj. Šta je to potrebno da uradimo da stanovnici prvenstveno MZ Blažuj s e osjećaju koliko toliko sigurnije u odnosu na ovo danas što imamo. Prije svega mislimo na bolju zaštitu i postavljanje zaštitne ograde u migrantskom centru, mislimo na uspostavljanje oficijelnog ulaza i izlaza koji će biti jedan i koji će biti kontrolisan. Na kućni red u samom migrantskom centru i na neka pravila ponašanja u smislu vremena i tako svih nekih stvari. Naravno sve u skladu sa ljudskim pravima i u skladu s tim da se obezbijede osnovni uslovi za život. Također kada je u pitanju tehnička podrška puno je stvari koje nedostaju i koje bi trebali uraditi u smislu video nadzora i mnogih nekih drugih stvari kada se tiče i općine Ilidža i kada se tiče i Peta PU Ilidža. Tako da je puno tih nekih tehničkih stvari o kojima bih ja svakako više govorio naredne sedmice na konkretnom sastanku koji ćemo imati. Ono što evo mogu još jednom da uputim apel svima onima

koji su zaduženi za rješavanje ovih problema i čija je nadležnost svakako da urade sve što je u njihovoj mogućnosti da teret ove migrantske krize ne nose jedna ili dvije lokalne zajednice nego da se to uradi na neki puno kako bih rekao, neki više fer način i da ovaj problem, ako ga već trebamo proživljavati, ako trebamo upravljati ovim problemom, da smo svi zajedno uključeni u upravljanje ovim problemom. Ja evo cijenim i vrijeme svih prisutnih, ne bih nešto dalje širio. Svakako još jedna zahvala MUP-u Kantona Sarajevo, svim policijskim službenicima koji zaista i preko svojih mogućnosti doprinose da imamo koliko toliko zadovoljavajuću situaciju ili ako se desi neka neželjena situacija, na žalost dešavaju, u rekordnom roku reaguju i stavljaju to pod kontrolu. Općina Ilidža evo ponavljam se stavlja na raspolaganje svima da bude partner u rješavanju ovog problema. Ali u rješavanju ovog problema da idemo sa konkretnim stvarima sa konkretnim mjerama i ono što će biti jasno i vidljivo na terenu i to je jedini način kako možemo pokušati vratiti izgubljeno povjerenje, posebno građana Ilidže a posebnog građana MZ Blažuj. Prema svim podacima i informacija kažem nekim obećanjima sa svim ovih sastanaka uz uspostavljanje kvalitetne kontrole uz unapređenje svih ovih nekih tehničkih stvari o kojima smo pričali iskreno se nadam da ćemo kraj godine dočekati sa znatno znatno manjim brojem migranata, kako u migrantskom centru Blažuj tako i na području Kantona Sarajevo a evo nadam se i BIH. Za ovaj put toliko. Ako bude potrebe, svakako tu sam na raspolaganju.

Predsjedavajući:

Zahvaljujemo se gospodinu Muzuru. Koliko vidim nema više prijavljenih gostiju. Da li predstavnici radnih tijela žele riječ? Ima li pitanja? Uvaženi zastupnik Zvonko Marić, izvolite, imate riječ.

Poslanik/zastupnik Zvonko Marić:

Zahvaljujem predsjedavajući. Iskreno da kažem nisam u ime radnih tijela govorio i nisam htio da oduzimam vrijeme. Poprilično smo čuli informacija kojima svjedočimo. Dakle znamo da te informacije već iz medija i pratili smo takvu situaciju. Ali evo, u redu bitno je da smo se sastali da raspravljamo o veoma bitnim stvarima koje su vezane za Kanton Sarajevo i one se na žalost multipliciraju svakim danom sve više. Ne znam koliko smo svjesni toga, ali evo. Mene interesira budući da je gospodin Godinjak govorio o nekim stvarima, kaže u jednom trenutku da je potrebna saradnja i sa ostalim općinama itd. Međutim mi to nismo vidjeli baš na djelu, i ovdje se ponavljalo to da bi trebalo rasporediti teret krize na područje BIH i to slušamo odavno. Ali ja bih volio da mi gospodin Godinjak odgovori koji su to mehanizmi i šta to Vijeće ministara može poduzeti, pa uključujući i pritisak međunarodne zajednice, da ravnomjerno raspodijelimo teret krize koja nas potresa. Ja bih volio da to vidim na djelu, jer vidjeli smo RS ima potpuno jasan stav, može da se nekome ne sviđa ili ne, FBIH na drugoj strani se izvlači. Vi vidite da nemate FBIH kao da se nje ne tiče migrantska kriza i kao da Kanton Sarajevo, TZ, USK nisu sastavni dio Federacije. To je nedopustivo i ja bih volio da više postoji koordinacija u svemu tome ali volio bih da čujem kako da ovu dopadljivu priču gospodin Godinjak misli da provede u djelo jer to slušamo a znamo da neće niko migrante i jasne stavove imaju, političke i svake druge. Druga stvar, gospodina Katica je rekao, i naravno gode pohvale policiji za sve ono što uradili do sada i to nas raduje jer to je naša policija i mi uopće ne sumnjamo u njene sposobnosti, ali gospodin Katica u jednom trenutku kaže u razgovoru sa nekim predstavnicima institucija koje se bave ovom problematikom kaže donijeli smo zaključak da nema novih kampova. Ja razumijem gospodina Katicu i ne mora on to da zna ali skupštinske odluke su obavezujuće gospodine Katica i nisu potrebni zaključci sa bilo kime jer ima skupštinska odluka, koja je obavezujuća da se ne mogu formirati novi migrantski centri na području općina i Kantona. I samo se treba pozivati na nju. I u tom smislu ću ja podnijeti inicijativu da se ta na neki način revitalizira na neki način odluka i upoznaju se svi u lancu koji se bave migrantskom krizom. Dakle samo to želim da podcrtam. Mi smo nešto radili, Skupština kantona je radila, Vlada je također radila, ali treba da poštujemo sami sebe jer u suprotnom ako ne bude sebe poštovali neće nas ni drugi poštovati i evo čuli smo jednu veoma važnu informaciju jer je predsjednica IOM-a rekla da je u saglasnost Ureda za strance smješteni su prvi migranti ali međutim lokalna zajednica nije bila upoznata s tim, i čuli smo od gospodina Hrvata koji kaže kao da nam je izvršen desant i da

su nam migranti spuštteni ali to je nedopustivo. I od tada se javljaju te sumnje u skrivene agende i zašto baš u Sarajevu, zašto baš u Tuzli i zašto baš u USK? Da bi se otklonile te sumnje u neke skrivene agende onda moramo više raditi. Zato smo upriliči ovu sjednicu i moj motiv je bio pored ostalog i to da se pogledamo u oči i da napokon počnemo strateški rješavati i sistemski rješavati ovaj problem a ne samo davati dopadljive izjave koje su samo trenutnog karaktera i više formalne prirode. Hvala vam.

Predsjedavajući:

Zahvaljujem kolega Mariću. Sljedeći prijavljeni zastupnik Haris Zahiragić. Izvolite, imate riječ.

Poslanik/zastupnik Haris Zahiragić.

Poštovanje. Imao bih više pitanja. Prije svega imam pitanje za vas iz Kolegija i za predstavnike MUP-a i Vlade koji su pripremali ovu sjednicu zašto predstavnik Federalnog Ministarstva unutrašnjih poslova nije pozvan jer je međukantonalni kriminal koji je možda najveći problem u ovoj migrantskoj krizi, isključiva nadležnost Federalnog MUP-a i nekako čini mi se da se oni izvlače iz toga, a evo i vi ih izvlačite iz toga? Imam pitanja par za gospođu iz IOM-a ne znam da li je još uvijek prisutna s nama. U svakom slučaju, bez obzira na to, čut će ta pitanja. Postavit ću ta pitanja na engleskom iz poštovanja prema njoj da joj ne bi smo oduzimali više vremena. (zastupnik govori na engleskom)

također imam pitanje za predstavnika Službe za strance da li je moguće u skladu sa pozitivnim propisima ograničiti kretanje migranata a koji nisu ni na koji način identifikovani u urbanim zonama grada? Također, u njegovoj diskusiji je kazao da je najbliži prelazak migrantima u USK, mene zanima zaista da li je tako ili puno bliži prilazak tokom cijele u EU duž cijele rijeke Save u bosanskom Posavinom a kasnije u Livnu, Bosanskom Petrovcu, Drvaru i na drugim opštinama ili je USK zaista jedina tačka granice sa Hrvatskom? U tom smislu imam pitanje za sve relevantne sagovornike i uvodničare zašto je baš USK i zašto je ta ruta određena kao najbliža prema granici sa Hrvatskom? Imam pitanje za ministra Katicu koje su to konkretne mjere koje je MUP poduzeo u prevenciji krivičnih djela koja dovode do najvećeg uznemiravanja javnosti tj razbojništva na vrlo drzak način, pljačka, otimačina na ulici, javno uživanje droga kojem građani Kantona Sarajevo mogu svjedočiti svaki dan. Tj da li su migranti izvan sistema krivičnog zakonodavstva, da li su oni iznad sistema nadležnosti MUP-a Kantona Sarajevo kada je u pitanju sprječavanje opšteg kriminaliteta i sprječavanja prekršaja po javnom redu i miru? Na žalost u izvještaju smo vidjeli da je veoma mali broj prekršaja za javni red i mir detektovan od strane migranata, međutim svi građani Kantona mogu svaki dan svjedočiti na svim područjima Kantona Sarajevo da je prekršaji iz javnog reda i mira su svakodnevni. Svakog sata se dešava neki problem na ulicama u urbani područjima grada Sarajeva. Također za ministra Katicu, koji je to vremenski period kada se vrši najviše krivičnih djela? Jesu li prema toj analizi kojom se ugrožava sigurnosni ambijent usmjeravali prisustvo i rad preusmjereni rad policijskih službenika u tom periodu na tim područjima? U konačnici, da li postoje osim dežurnih službi kriminalistička policija na terenu ili je njihovo radno vrijeme od 8 do 4? I zašto je taj rad vrlo malo uspio na terenu i u prevenciji? Dakle javna je tajna da osim, mi nismo ne želim da Skupština Kantona Sarajevo pošalje poruku da je protiv ljudi koji su u nevolji, da je protiv toga da im se pruže adekvatni uslovi života i pomoć dok se ne snađu i dok ne odu tamo gdje su pošli, međutim postavlja se pitanje koliko se radi građanima Kantona Sarajevo ne predstavljaju problem migranti, građanima Kantona Sarajevo predstavljaju problem migranti koji čine krivična djela, koji javno uživaju drogu. Čitave organizirane skupine kriminalne postoje što smo mogli vidjeti, šta se uradilo sa krivičnog aspekta tim povodom? Imigranti mogu učiniti krivična djela iako nisu identifikovani ni na koji način, ta krivična djela su povezana sa kriminalnim skupinama u FBIH. I iako nema predstavnika MUP-a imam tu sreću da je kolega Čampara paralelno i zastupnik u Skupštini Kantona Sarajevo pa ga u tom svojstvu pozivam da mi odgovori da li je MUP i na koji način pokušalo barem procesuirati međukantonalni kriminal koji je zapravo jedna organizirana skupina koja je već javna tajna koja prevozi migrante po migrantskim rutama,

što je naravno krivično djelo? Da li je i ti jedan slučaj, i ti jedna istraga od strane Federalnog MUP-a i FUP otvorene tim povodom? Za sada toliko, hvala predsjedavajući.

Predsjedavajući:

Zahvaljujem kolega Zahiragiću ali bi dobro bilo zbog stenograma da ponovite pitanje koje ste uputili predstavnicima IOM-a zbog stenograma i građana na našem jeziku.

Poslanik/zastupnik Haris Zahiragić:

Nikakav problem predsjedavajući. Dakle samo pitanje za predstavnika koja sam postavio za predstavnicu IOM-a?

Predsjedavajući:

Da, da naravno.

Poslanik/zastupnik Haris Zahiragić.

Da li postoji i jedna država u kojoj migranti koji ni na koji način nisu registrovani, koji imaju potpunu slobodu kretanja, da li postoji država u kojoj migranti koji ni na koji način nisu registrovani, to su NN lica, imaju potpunu slobodu kretanja tokom cijelog dana i noći? Čak imamo situacije, imam informacije da i u toku policijskog sata koji važi za građane Kantona Sarajevo migranti se kreću u području Kantona Sarajevo. Dalje, koliko je IOM potrošio novca na migrantsku krizu u BiH a specifično koliko je potrošio novca kada je u pitanju migrantska kriza u Kantonu Sarajevo i iz kojih izvora finansiranja? Mislim da imamo pravo da to znamo s obzirom da smo mi toj ozbiljnoj međunarodnoj organizaciji povjerali jedan dio upravljanja migrantskom krizom u BiH. Također želim da pitam koliko je IOM iskoristio svoj ogromni međunarodni ugled i položaj, a kako bi pomogao BiH da rasporedi migrante ravnomjerno na teritoriji cijele države, a ne na teritoriji jedne ili dvije rute koje su uspostavili, kako je kolega Marić kazao na tačno specifičnim područjima? I u konačnici, da li je u migrantskim centrima moguće napraviti takve uslove života da migranti nemaju potrebu, objektivno, hodati po urbanim centrima a onda im ograničiti potpuno to kretanje. A evo sada bih dopunio ili djelimično im ograničiti tj dozvoliti im kretanje u toku dana, u toku noći im obustaviti kretanja s obzirom da građani Kantona Sarajevo a posebno građani Kantona Sarajevo se ne osjećaju sigurno u svome gradu u kojem su se osjećali sigurno i u najgorem periodima u toku agresije na BiH? Hvala vam.

Predsjedavajući:

Zahvaljujem. Dopredsjedavajuća Kristić ima pitanje.

Dopredsjedavajuća Danijela Kristić:

Zahvaljujem predsjedavajući. Pozdravljam sve prisutne kao i gledaoce kraj malih ekrana. Prvo pitanje bih imala za ministricu socijale da li nas može kratko informisati o radu sa maloljetnim migrantima bez pratnje u privremenom prihvatnom centru Ušivak? Sljedeća pitanja ću imati za sve govornike pa bih molila iste da zapišu. Prvo pitanje:- koji kapacitet je privremenog prihvatnog centra Blažuj? I koliko trenutno imigranata boravi u njemu? Koliko je u 2019 bilo policijskih intervencija u privremenom prihvatnom centru Blažuj zbog narušavanja javnog reda i mira nanošenje tjelesnih povreda, a koliko je bilo u 2020 godini? Treće pitanje, da li imate informaciju koliki je broj počinjenih krivičnih djela gdje su počiniooci migranti? Četvrto pitanje koliko imigranata je koji su počinili krivična djela i za koje su dostavljeni izvještaji o počinjenom krivičnom djelu je procesuirano i osuđeno u 2019 a koliko u 2020 godini? Peto pitanje, da li u privremenim prihvatnim centrima na području Kantona Sarajevo trenutno ima smještenih imigranata koji su počiniooci krivičnih djela? Te ukoliko ima, da li su takva lica pod nekom vrstom nadzora? Šesto pitanje da li se planira izmještanje privremenog prihvatnog centra Blažuj, ako da koja je lokacija određena? Sedmo pitanje, koji broj migranta je predat na postupanje Službi za poslove sa strancima? Osmo pitanje, koliko je imigranata deportovano iz BiH u 2019 godini, koliko u 2020 godini? Deveto pitanje, koliki

je kapacitet i koliko trenutno migranata boravi u imigracionom centru u Istočnom Sarajevu? Deseto pitanje, koliko je izdatih potvrda o iskazanoj namjeri za azil od početka migrantske krize? Jedanaesto pitanje, koliko je podnesenih zahtjeva za azil od početka migrantske krize i koliko je njih pozitivno riješeno? Dvanaesto, kakva je saradnja sa zemljama porijekla migranata koji su najzastupljeniji u pogledu procedura utvrđivanja identiteta i da li imamo potpisane sporazume o readmisiji sa istima? Trinaesto pitanje, koliko su u stvarnosti provodi navedeni sporazumi u kontekstu vremenskog perioda koji je potreban za utvrđivanje identiteta migranata za saglasnosti prihvata, odnosno da li u navedenim sporazumima postoji definisan vremenski period u kojem zemlja porijekla treba odgovoriti na zahtjev? Šta se događa sa tim migrantima koji su u navedenom postupku, gdje borave i da li su oni pod posebnih nadzorom? I koliko je ukupno sredstava donirano BiH za rješavanje migrantske krize, ko je donirao, ko je odbio navedena sredstva i na šta su ista utrošena? Toliko. Hvala.

Predsjedavajući.

Zahvaljujem se dopredsjedavajućoj Kristić. Zastupnik Aljoša Čampara pitanja.

Poslanik/zastupnik Aljoša Čampara:

Zahvaljujem predsjedavajući. Da li se čujemo? Hvala. Shodno alarmantnoj situaciji koja je kulminirala prije nekoliko noći sukobima migranata sa policijom u Blažuju, kojom prilikom su naravno povrijeđeni i naši pripadnici policije izvršena je značajna materijalna šteta, te na osnovu izlaganja naših gostiju koji su danas bili tu, želio bih da postavim nekoliko pitanja. Prvo pitanje bi se odnosilo da mi se dostavi precizna informacija o broju sastanaka koji su održani na temu migrantske krize a koje je sazvalo Ministarstvo sigurnosti BiH odnosno na koji su pozvani pripadnici MUP-a Kantona Sarajevo kao jednog od Kantona koji je najopterećeniji migrantskom krizom? Tražim da mi se ovo dostavi usmeno, ako ne mogu usmeno može i pismeno. Dakle sve sastanke koje su inicirali Ministarstvo sigurnosti na ovu temu u 2020 godini? Pod dva, da li su prihvatni centri na području Kantona Sarajevo pokriveni video nadzorom? Ukoliko nisu zbog čega to do sada nije urađeno i ukoliko jesu da li MUP Kantona Sarajevo ima konstantan uvid u snimke s video nadzora? Pod tri, da li prihvatnim centrima uspostavljena evidencija svih dnevnih ulazaka i izlazaka u objekat? Pod četiri, koliko često pripadnici MUP-a Kantona Sarajevo vrše detaljnu kontrolu prihvatnih centara na području Kantona Sarajevo? Odnosno da li su pozivani od strane IOM i od strane Ministarstva sigurnosti, tačnije službe za poslove sa strancima? Pod pet, da li je IOM uspostavio elektronske baze o registraciji korisnika ovog prihvatnog centra? Ukoliko jeste, da li ti podaci iz elektronske baze sadrže fotografije i otiske prstiju migranata i da li su stavljeni na raspolaganje MUP-u Kantona Sarajevo? Pod šest, koliko tačno osoba radi na osiguranju prihvatnih centara? Molim da mi se odgovori po smjenama, koliko zaštitara bude prisutno po smjenama? I koje tačno zaštitarske agencije su angažovane i da li je IOM te informacije dostavio MUP Kantonu Sarajevo? Pod sedam, korisnicima prihvatnih centara trebala bi biti osigurana primarna zdravstvena zaštita. Molim Ministarstvo zdravstva Kantona da nas izvijesti da li je neko kontaktirao ovim povodom i kolika je njegova procjena koliko često tj kojim danima, kojim satima bi ljekar trebao da provodi u prihvatnim centrima? I pod osam, zadnje pitanje, da li imate informaciju o tome da li IOM isto djeluje u prihvatnim centrima u zemljama EU poput Grčke i u prihvatnim centrima u BiH, poput centara u Kantonu Sarajevo i USK? Hvala.

Predsjedavajući:

Zahvaljujem. Elvis Vreto zastupnik ima sljedeći pitanje. Izvolite.

Poslanik/zastupnik Elvis Vreto:

Hvala predsjedavajući. Koristim priliku da pozdravim sve prisutne kao i građane koji nas prate. Ja imam nekoliko pitanja. Prvo se odnosi, što je pozitivno naravno, izradu Strategije u borbi upravljanja migrantskom krizom? Spominje se i operativni plan. Ovo se odnosi na Ministarstvo sigurnosti. Pa me interesuje da li mi možemo dobiti određeni broj podataka šta je namjera kroz taj

Operativni plan i malo preciznije datume šta se planira po pitanju kampa konkretno u Blažuju? Znamo da je dole smješten, evo sada u ovom trenutku 3200 migranata. Interesuje me kako u ovoj godini bar u tom nekom preliminarnom dijelu Ministarstvo sigurnosti ima namjeru reagovati i ne znam, u junu 2021 koji je to optimalan broj migranata koji treba dole da se nalazi ili do kraja ove godine? Na osnovu, ovo je ujedno i pitanje za ministra unutrašnjih poslova Kantona Sarajevo, u razgovorima sa ministrom sigurnosti je li bilo govora na ovu temu, sa konkretnim datumima? Dalje, drugo moje pitanje, ko je donio odluku o smještaju migranata u kamp u Blažuj? Evo čuli smo i od predstavnika MUP-a Uprave policije gospodina Hrvata da ta odluka ne postoji. Poslije toga pitanje naredno koje želim da postavim ako nemamo formalno pravne odluke ko upravlja kampom Blažuj? I naredno pitanje, kakva je razlika, može li nam se pojasniti između kampova Ušivak i kampa u Blažuju po pitanju upravljanja, na koji način su ta dva kampa funkcionišu na istim principima? Što se tiče, bitno je naglasiti, što se tiče lokalne zajednice, što se tiče građana MZ Blažuj da su oni i 2019 bili generalno protiv smještanja migranata na tom lokalitetu, dalje su po svim saznanjima prihvatljivo im je da taj broj bude između kao što je obećano na početku nekih od 500 do 1000 migranata što bi sigurno olakšalo situaciju u migrantskom centru. Pa postavljam evo ovo je usko vezano i za ova pitanja prethodna koja sam postavio vezano i za upravljanje, na koji način je izignorirana volja predstavnika, odnosno građana koji žive na tom lokalitetu i zašto je ona na takav način izignorirana? Dalje, od početka migrantske krize, odnosno govorim konkretno za KS, znamo da je kamp Ušivak 2018 uspostavljen, u Blažuju krajem 2019, koliko je konkretno KS dobio finansijskih sredstava od pomoći koja je došla kako od državnih institucija odnosno od međunarodnih za borbu i pomoć kod upravljanja migrantskom krizom u Kantonu Sarajevo? Eto to su neka pitanja predsjedavajući koje sam ja imao namjeru da postavim, nadam se da ću dobiti konkretne odgovore i adekvatne. Hvala vam.

Predsjedavajući:

Zahvaljujem se zastupniku Vreti. Sljedeći ima pitanje zastupnik Sead Milavica.

Poslanik/zastupnik Sead Milavica:

Zahvaljujem predsjedavajući, da li se čujemo? Hvala predsjedavajući. Pa evo koristim priliku da vas sve srdačno pozdravim, kao i goste, članove Vlade. Za ovu današnju temu imao bih par pitanja. Ustvari nije par, boga mi evo imam ih evo više, mada se sva ova pitanja nekako preklapaju ali evo, šta ćemo, moramo ih ponoviti. Prvo pitanje koliko je evidentiranih slučajeva posjedovanja trgovine narkoticima kod migrantske populacije u Kantonu Sarajevo? Drugo pitanje da li su evidentirani slučajevi trgovine ljudima koji su povezani sa migrantskom krizom? Treće da li postoje podaci o finansijskim transakcijama u Kantonu Sarajevo koji se odnose na migrantsku populaciju? Dakle da li raspolazete informacijama koliko transakcija su migranti ili lica povezana sa migrantima napravila legalnim kanalima putem banaka Wester Unionom i slično? Četvero pitanje, u odnosu na ukupan broj migranata, koliko je lica koji su maloljetna, i u da li su takva lica u pratnji roditelja tj staratelja te koje aktivnosti su poduzete kada su u pitanju ova lica u Kantonu Sarajevo? Peto moje pitanje od ukupnog broja evidentiranih lica kao migrant u Kantonu Sarajevo koliko je žena? Šesto pitanje za koliko lica je na osnovu biometrijske identifikacije ili na drugi način utvrđeno da u BIH ili Kantonu Sarajevo borave po drugi treći ili više puta u posljednjih pet godina pri tome se evidentirajući kao ekonomski migranti, azilanti, izbjeglice ili slično? Sedmo, da li je bilo slučajeva procesuiranja lica koja pripadaju migrantskoj populaciji a zbog lažnog predstavljanja odbijanja davanja ličnih podataka i slično? Osmo moje pitanje, koliko migranata je evidentirano kao povratnici u činjenju krivičnih djela u Kantonu Sarajevo? I samo još jedno pitanje, postoje osnovane sumnje da su migranti u saradnji sa domaćim kriminalnim skupinama uključeni u mrežu rasturanja narkotika. Da li MUP Kantona Sarajevo ima ovakva saznanja i da li se poduzimaju aktivnosti na suzbijanju ovih i ovakvih pojava? Hvala predsjedavajući.

Predsjedavajući:

Zahvaljujem se. Sljedeći zastupnik koji ima pitanje Hasanović Senad. Izvolite. Zastupniče Hasanović upalite mikrofona, ne čujemo vas.

Poslanik/zastupnik Senad Hasanović:

Da li se čujemo sada? Zahvaljujem predsjedavajući, pozdravljam sve prisutne kao i sve one koji prate rad na današnjoj sjednici. Pa evo ja imam nekoliko pitanja pa ću krenuti redom. Koliko je migranata evidentirano kao počinio prekršaja konkretno prosjačenja, nedozvoljene trgovine, kršenja epidemioloških mjera, odnosno da li se na migrantsku populaciju primjenjuju dosljedno sve zakonske odredbe kao i na građane Kantona Sarajevo? Koliko je unutar migrantske populacije evidentirano lica sa zdravstvenim problemima? Da li se vodi bilo kakva evidencija o eventualnim zaraznim bolestima? Osobama sa određenim stepenom invalidnosti, ko i u kojoj mjeri pruža zdravstvenu zaštitu ovim licima? Sljedeće pitanje, da li postoji evidencija koliko je lica dalo lažan iskaz o zemlji porijekla kako bi izbjegli eventualne deportacije, te da li postoje dokazi ili indicije da su migranti instruisani kako i kakve informacije da daju vlastima BIH? Koliko stranaca je uključeno u proces pomaganja migrantima da dođu BiH i borave u BiH. Da li su registrirane vladine ili nevladine organizacije ili čak pojedinci koji se bave ovim aktivnostima? Ako postoje takve organizacije ili pojedinci da li su isti pod nadzorom države? Da li se na neki način kontroliše njihov rad i boravak u BiH? Da li su im izdane bilo kakve dozvole za rad, a imaju u vidu da se Srbija ovakvim organizacijama pod navodnicima zahvalila na njihovoj pomoći i uskratila gostoprimstvo. Da li je pripremljena bilo kakva brošura, letak ili neki drugi informativni materijal za migrante koji se registriraju u BiH a kojim bi se ukratko objasnili u koju zemlju su došli, sa kakvim uređenjem, da bi se upoznali sa pravima o obavezama te eventualnim sankcijama za kršenje ljudskih prava, vjerskih sloboda, djela protiv života i imovine građana BIH? Da li je za građane BIH u lokalnim zajednicama u kojima borave migranti pripremljen bilo kakav materijal koji bi pomogao u razumijevanju problema migrantske populacije, ukazao na primjerene načine interakcije uvažavajući kulturološke, civilizacijske razlike u cilju preveniranja konflikata jer znatan broj migranata dolazi iz sredina gdje vladaju plemenske odredbe i sistem vrijednosti koji znatno odstupa od principa sekularne države. Toliko zahvaljujem.

Predsjedavajući:

Zahvaljujem zastupniku Hasanoviću. Zastupnica Jasna Duraković ima pitanje, izvolite.

Poslanik/zastupnik Jasna Duraković:

Da li se čujemo predsjedavajući? Zahvaljujem. Prije svega naravno srdačno pozdravljam vas, Vladu Kantona Sarajevo, goste koji su tu i naravno sve one koji prate rad današnje sjednice putem malih ekrana. Ja imam nekoliko pitanja, evo počeo ću sa ovim pitanjem koje čini mi se da svi nekako zaobilazimo a ja mislim da je jedno od ključnih pitanja a to je da li su mjere JU Kantonalnog centra za socijalni rad koje smo dobili u materijalima jutros uvrštene u zaključke Vlade Kantona Sarajevo jer se radi o osjetljivoj kategoriji djece migranata koji su bez pratnje ili staratelja ovoj kategoriji se zaista jako rijetko ili slabo govori, djeca koja su ostavljena sama su najranjivija. Dakle znamo da JU Kantonalni centar za socijalni rad nema dovoljne kapacitete da pomogne ovoj najranjivijoj kategoriji djece. Dakle to postavljam pitanje ministrici za radi i socijalna pitanja kao i Vladi Kantona Sarajevo. Drugo pitanje, da li Kanton Sarajevo uopće ima neki rezervni plan rješavanja krize s migrantima ukoliko se viši nivoi vlasti ponovo ogluše na zaključke Vlade Kantona Sarajevo jer smo svjedoci naravno evo strašnom nemaru države prema onom problemu u proteklom periodu i taj period već dugo, dugo traje, dakle ništa se apsolutno ne poduzima, ne rješava pa me zanima da li imamo neki rezervni plan u slučaju da ta pomoć opet ili nije ponuđena na adekvatan način. Nadovezujem se sada sljedeće pitanje jeste da moram napomenuti da je nedavno, tačnije 22.01. ovog mjeseca Komisija za sigurnost Federalnog parlamenta BIH donijela set zaključaka o ovoj temi, međutim evo nismo vidjeli da li je uspostavljena koordinacija i sa ovim radnim tijelom, da li ste uzeli u obzir i ove zaključke kada ste ponudili ove zaključke Vlade Kantona Sarajevo, i šta ćete uraditi po tom pitanju u narednom periodu? Hoćemo li konačno dobiti neka adekvatnija

rješenja, jer mislim da su predloženi zaključci izuzetno dobri, kvalitetni, mogu svakako pomoći u rješavanju ovog pitanja. Sljedeće pitanje postoje li drugi smještajni kapaciteti u ovom trenutku u Kantonu Sarajevo, osim prihvatnog centra u Blažuju i da li su ti smještajni kapaciteti dovoljno uslovljeni da prime dakle određen broj migranata s obzirom da je taj broj zaista izuzetno veliki i onda je jako teško raditi u takvim uslovima, kao što smo i čuli. I posljednje pitanje postavljam pitanje predstavnici IOM; i zbog stenograma naravno na našem jeziku, i očekujem odgovor u pisanoj formi obzirom da je predstavica najavila svoj odlazak prethodno, dakle koliko IOM do sada uložio u BIH pogotovo u Kantonu Sarajevo, na rješavanju migrantske krize, na koji način i gdje je tačno taj novac usmjeren kako je on raspoređen, koji su to kapaciteti koji su omogućeni sa tom materijalnom podrškom koja dolazi od IOM-a. Toliko zahvaljujem.

Predsjedavajući:

Zahvaljujem se zastupnici Jasni Duraković. Sljedeći zastupnik koji se prijavio ima pitanje uvaženi zastupnik Damir Nikšić.

Poslanik/zastupnik Damir Nikšić:

Hvala predsjedavajući. Čujemo li se? E ovako meni je stvarno žao što na ovoj hitnoj sjednici nema predstavnika domaćeg nevladinog sektora da nam oni podnesu svoj izvještaj sa terena onako kako ga oni vide. A kažem vam da slika je poprilično mračna. Ja sam predložio neke ljude a i koji nisu bili nismo mogli organizovati da budu prisutni na ovoj sjednici a onda sam ih kontaktirao kako bih prenio njihovu sliku iz drugog ugla a i njihova pitanja koja bi oni voljeli postaviti ovdje skupa sa mnom jer radi se ipak, moramo priznati radi se o humanitarnoj katastrofi i dobro bi bilo malkice se baviti tim aspektom tim humanim i humanitarnim pošto uglavnom ovdje pričamo a i sama tačka dnevnog reda a i tema pričamo o migrantima samo sa aspekta kriminaliteta, kao da su svi, kao da je većina njih kriminalci a ne zapravo jedna mala manjina. Dakle ono što sam čuo jedno je pitanje ja ću postavljati ovako pitanja a neka otprilike odgovore oni koji su zapravo nadležni da odgovore, recimo policijska brutalnost. Čuo sam za policijsku brutalnost da su mnogi migranti pretučeni bez ikakvog razloga da je policija ne sistemski ali u nekim slučajevima brutalna. Ja samo prenosim ovdje, nemojte, ustvari imam imunitet, prenosim ono što sam čuo i što su mi rekli ljudi iz civilnog sektora sa terena. I neki advokati. Zatim po šest mjeseci se neki migranti drže u zatvoru bez ikakvih slučajeva da se vode protiv njih bez prava i vrlo je bitno znati da i taj smještaj košta građane jednako kao i kampovi izbjeglički i svi drugi smještaji, kada je neko šest mjeseci u zatvoru bez ikakvog razloga. Vrlo je interesantno i jako me interesuje kako se klasifikuju ovi migranti, odnosno kako se odvajaju izbjeglice od migranata. Jer vidite uglavnom ih klasifikujemo, eto iz Pakistana dolaze migranti a izbjeglice bi trebale biti iz Sirije i Jemena. Međutim recimo imamo slučajeve ima jedan slučaj homoseksualca iz Pakistana. On nije migrant ekonomski, on je izbjeglica radi toga što u Pakistanu postoji smrtna kazna za to. Tako da taj čovjek bježi od režima. On je izbjeglica i trebao bi da aplicira za azil. Onda imamo jednog transseksualca iz Maroka koji ne može biti smješten u kamp iz razloga što tamo ne bi preživio previše dugo u izbjegličkom kampu kao transseksualac. To su onako stvari o kojima moramo razmišljati, ne nekim, nego tim ljudskim pravima i tim konkretnim slučajevima. Tim više što ih nema previše već njih ima jedan, dvojica, trojica, valjda bi trebalo biti to malo lakše i riješiti pošto se ne radi o hiljade njih. Kako su klasifikovani migranti? Nisu valjda svi migranti, ima i izbjeglica. Recimo Sirijci, evo bilo je slično neko pitanje, jer Sirijci se svake godine moraju prijavljivati ponovo za status izbjeglice zato što im taj status važi samo jednu godinu a ne za stalno. Ne znam zašto je to tako? Zašto, ako sam izbjeglica iz Sirije, jednom se prijavim i ostajem izbjeglica iz Sirije. Nisam sljedeće godine ponovo da moram dokazivati sve. Onda recimo ovo pitanje i slično pitanje koje se treba ponovo ponoviti, jedanaesto pitanje kolegice Kristić. Ja bih ga isto ponovo ali onako fino razložio. Dakle koliko je od početka do sada ušlo izbjeglica iz Sirije i Jemena? Koliko se njih prijavilo za azil, dakle koliko njih je uopšte znalo da mogu da se prijave za azil, da li im je iko to rekao, da li im je ponudio neke dokumente, nešto, da li postoji neki kanali kojim se to radi i koliko je njih do danas dobilo azil? Ja sam čuo da niko nikada nije u BIH dobio azil. Ne bih želio da vjerujem u tu informaciju tako da ih volio da čujem s

državnog nivoa odgovor, koliko tih ljudi ima, koliko ih ušlo, koliko ih je prijavilo i koliko je dobilo azil. Onda još jedno vrlo važno pitanje humanitarno, znate li uopšte za slučajeve u kojima migranti ili izbjeglice, sve zavisi kako ih klasifikujemo, odakle dolaze, već žive u BiH i to u jednom kako se kaže, formi slobodnog braka sa građankama BiH. Ne samo to, ne samo da sada postoji ljubav i veza i partnerstvo, već imaju i djecu sa njima. Dakle ima i takvih slučajeva, ako se malo potrudite i ako ne budete gledali samo ko dila drogu i nešto, već malo jedan humanitarni aspekt ima i takvih ljudi. Ima i djece koja su se rodila u BiH, to su njihova djeca a dakle njihovi očeви, očeви te djece Bosanaca i Hercegovaca, Bosanki i Hercegovki, nemaju riješen status. Tu smo negdje slični sa onom Trampovom politikom prema ljudima i očevima i djeci, razdvajanje itd. Znaete i sami o čemu se radi. I još jedno pitanje, postoje slučajevi mnogi gdje su hotelijeri pogotovo u ovom vrijeme korone, predlagali, predlažu da država privremeno smjeti izbjeglice, azilante ili migrante u hotele i da plati određenu minimalnu neku naknadu za to što i čak neki kažu da je jeftinije od kampova, barem preko ove zime da ih smjeti u jedan uljudan smještaj, a neke rizične grupe, otkud znam, starije, mlađe jer to su ljudi sami predložili, biznismeni, hotelijeri su sami to predložili kao što znate sada je ova korona nema velike posjete, turizam je u krizi, i hoteli su otvoreni, odnosno prazni. Oni su predlagali da se nabave privremeno, ja kažem barem preko ove zime da se ti prostori iskoriste, taj smještaj iskoristi i da im država, Kanton da neku naknadu za to. I što bi bilo vrlo humano rješenje i dobro rješenje. Pošto se svi nadamo da će oni prije ili kasnije otići dalje u Hrvatsku i dalje, onda eto možemo i ovako napraviti to privremeno rješenje. Sva su, i kapmovi su privremena rješenja, nadat je se. Dakle imamo nagomilane probleme, ali ja bih stvarno volio da čujem dosadašnja rješenja, primjere dosadašnjih rješenja za sve ove godine, primjere koje bi mogli dalje slijediti. Naročito kada se radi o izbjeglicama i azilantima, dakle da vidimo da olakšamo, rasteretimo tu grupu migranata od izbjeglica i azilanata čije smo probleme, odnosno čiji smo status riješili, i već ih integrisali u ovo društvo, dali im dozvole da rade i da postanu Bosanci i Hercegovci. Ako postoje takvi slučajevi ja bih volio da čujem za njih i da mi se odgovori ovo da li je istina i da li treba dokazivati da postoje pretučeni ljudi iz ni iz kakvog razloga i da postoje policijska brutalnost i kako se policija nosi sa policijskom brutalnošću, da li postoji i da li je istina ovo što tvrde i advokati da po šest mjeseci u zatvoru sjede bez ikakve optužbe, što direktno ugrožava njihova ljudska prava. Hvala vam.

Predsjedavajući:

Hvala kolega Nikšiću, sljedeći zastupnik koji se prijavio za pitanje Mahir Dević, izvolite.

Poslanik/zastupnik Mahir Dević:

Čujemo li se predsjedavajući? Zahvaljujem. Neću paliti video zbog ove lošije konekcije da bi smo bolje čuli. Jedno pitanje za premijera Fortu a pro po ovih zaključaka koji su dostavljeni od strane MUP Kantona Sarajevo odnosno Uprave policije jasno mi je da u prijedlogu zaključaka koje je dostavila Vlada se ne spominje aktiviranje kasarne na Bijambarama, koja se nalazi u krugu zaštićenog područja Bijambare koje je nulte kategorije, koje je proglašenom zakonom kojeg je ova Skupština donijela i naravno područje kojem gazduje JU za zaštićena područja Kantona Sarajevo. Svojevremeno je ministar Mektić spominjao kao jednu od lokacija na kojim treba da se rješava pitanje migranata bilo i ovo zaštićeno područje Bijambare, vjerovatno u neznanju o kakvom se lokalitetu i važnom da kažem prostoru radi koje zaštićeno na osnovu Zakona. U zaključcima Vlade nisam vidio jednu takvu vrstu aktivnosti, međutim vrlo je simptomatično da je jedan od zaključaka koje predlaže MUP Kantona Sarajevo odnosno Uprava policije u tom smislu jeste da se aktivira taj lokalitet. Znači zanima me jasno kristalno jasno stav premijera Vlade Kantona Sarajevo kao najodgovornijeg da građanima Ilijaša, evo i Kantona Sarajevo odgovori da li je taj stav jasan i čist u smislu aktiviranja navedenog lokaliteta, jer da se ne bi našli u situaciji nije šija jeste vrat ili nešto slično. A imajući vrlo ružna iskustva sa dešavanjima u toku same predizborne kampanje u smislu kažnjavanja građana Općine Ilijaš u smislu predizbornih maski i nepisanja organizatorima protestima odnosno NIP-u kazni za kršenje svih epidemioloških mjera, mi sumnjamo da u ova tri zaključka, koja su prva tri zaključka koja su predložena od strane Uprave policije MUP Kantona

Sarajevo ustvari se kriju neke druge krajnje namjere. Prema tome zanima me kristalno jasno stav premijera da nam odgovori na ovo pitanje, a uzimajući u obzir da je ovaj prostor zaštićen zakonom, da je prostor nulte kategorije i da je čak nekadašnji ministar Mektić odustao od navedene lokacije iz prostog razloga jer tu nemamo ni kanalizacione mreže, nemamo bukvalno ni vode. Vidim da je glavno obrazloženje tamo da je to van urbano područje. Nije to van urbano područje, ono se i te kako urbanizira u skladu sa zakonom kojeg je donijela Skupština Kantona Sarajevo na način da je to jedna turistička destinacija koju godišnje obiđe, uključujući naravno i djecu u godini prije korone, ono 80 do 90.000 ljudi, a ako uključimo djecu vjerovatno i 100.000 ljudi. Taj lokalitet i taj prostor treba da služi namjeni koju je donijela Skupština Kantona Sarajevo uz puno razumijevanje da to pitanje treba rješavati na neki drugi način. Znači zanima stav premijera Vlade Kantona Sarajevo o tom pitanju. Zahvaljujem predsjedavajući. Naravno u diskusiji ću šire govoriti o ovome.

Predsjedavajući:

Hvala kolega Deviću. Pitanje ima zastupnica Jasmina Bišćević-Tokić, izvolite.

Poslanik/zastupnik Jasmina Bišćević-Tokić:

Zahvaljujem predsjedavajući. Imam pitanja za MUP, tačnije za ministra Katicu da mi kaže koliko je bilo racija u migrantskim kampovima na području Kantona Sarajevo? Iz kojeg razloga migranti nisu obavezni da poštuju policijski sat i da nose maske kao što su to obavezni ostali stanovnici Kantona Sarajevo? Koliko je policija, pošto je govorio već o slučajevima prevoza migranata, znači koliko je policija Kantona Sarajevo do sada zabilježila slučajeva prijevoza migranata? Zašto nije zbog ovakvih stvari odgovoreno do sada Općinskom Vijeću Hadžići koji su tražili postavljanje video nadzora od strane nadležnih institucija na području centralnog dijela Općine Hadžići i posebno MZ Donji Hadžići koji je bio jedan od zaključaka Kolegija Opštinskog vijeća i apelirali su više puta na Upravu policije. Tražili su da kažem video nadzor iz razloga upravo velikih problema za dovlačenje migranata sa teritorije RS-a u režiji privatnih automobila i da su imali video nadzor postavljen, mogli bi se ustanoviti koja vozila dovode migrante. I da li je to krivično djelo jer javna je tajna da prijevoz migranata od Hadžića do Livna ili Bihaća već košta 500 KM po osobi. Zbog toga me zanima da mi kaže koliko je evidentirano do sada slučajeva prijevoza migranata i zašto nije već odgovoreno na te stvari. Ja ću uputiti zaključak takav Skupštini Kantona Sarajevo, na kraju iza diskusija da se zaduži Vlada Kantona za nabavljanje ne samo u Općini Hadžići, nego također za Blažuj i za Ilidžu. Imam jedno pitanje za Vladu Kantona Sarajevo odnosno tačnije ako bi mogli mi odgovoriti iz Kantonalnog centra za socijalni rad Kantona Sarajevo da li uopšte imaju podatak koliko djece migranata pohađa osnovne škole na području Kantona Sarajevo? I još jedno pitanje za njih koliko je staratelja imenovano maloljetnoj djeci? Zašto do sada Uprava policije nije obezbijedila stalni i pojačani policijske patrole na području Ilidže, Hadžića i Blažuja kao što je bio jedan od zaključaka Opštinskog vijeća Hadžići. I također tražit ću zaključak da najmanje jednom u sedam dana izvrše raciju u migrantskim kampovima za ova područja koja sam već prethodno spomenula. Evo ja se zahvaljujem. Diskusiju ću vezano za ova pitanja kasnije. Zahvaljujem.

Predsjedavajući:

Hvala kolegice Tokić. Zastupnica Bibija Kerla ima pitanje, izvolite imate riječ. Zastupnica Bibija Kerla ima tehničkih problema, sljedeća zastupnica koja ima pitanje je Admela Hodžić, izvolite, imate riječ.

Poslanik/zastupnik Admela Hodžić:

Zahvaljujem predsjedavajući. Da li me čujete? Da li me čujete predsjedavajući? E zahvaljujem. Pozdravljam sve prisutne kolege i kolegice kao i sve naše goste danas koji su govorili o ovoj temi. Pa ja ovako isto kao i kolegica prethodna koja je govorila Jasmina Bišćević-Tokić, upućivala sam dva puta inicijative da se na području Općine Hadžića uradi video nadzor, a naročito na mjestima gdje se migranti najviše okupljaju. Bio je jedan od zaključaka i Skupštine Kantona Sarajevo. Dobili

smo i određena obećanja, međutim, do danas se to nije dogodilo. Zanima me zašto? Iz kog razloga nemamo video nadzor u Hadžićima? Sljedeće moje pitanje zanima me zašto niko ne govori o migrantskom centru Ušivak u Hadžićima, o stanju u migrantskom centru. Da li trebamo čekati da se desi incident i tamo pa da se neko sjeti kazati par riječi o stanju u migrantskom centru Ušivak. Ako ništa drugo, barem iz poštovanja prema stanovništvu Hadžića a posebno Donjih Hadžića i Ušivka koji evo već izvjestan period žive u strahu, ograničavaju kretanje sebi i svojoj djeci. Pretrpjeli su određenu štetu i napade na razne načine. Znači samo da mi neko odgovori zašto nisu Hadžići danas toliko bitni. I sljedeće pitanje, za IOM, da mi odgovore zašto se migranti drže u tako nehumanim uslovima? Zašto žive u tako nehumanim uslovima da nam kažu ako imaju podatke kolika je smrtnost migranata, od čega su umirali, koliko je ih je umrlo u ovom proteklom periodu od kako dolaze u BIH? Da li ima slučajeva smrtnosti od pothranjenost i od smrzavanja? Evo u zadnje vrijeme svjedoci smo da stvarno žive u nehumanim uvjetima? Toliko, zahvaljujem.

Predsjedavajući:

Zahvaljujem se zastupnici Hodžić. Zastupnica Bilsena Šahman ima pitanje.

Poslanik/zastupnik Bilsena Šahman:

Hvala predsjedavajući. Nekako se bojim da ćemo mi danas pričati a nemamo kome pričati jer evo upravo su napustili nas iz Ministarstva sigurnosti i IOM koji su najodgovorniji za ovakvo stanje ko je imamo i da je većina pitanja njima upućena. Oni nam danas neće dati odgovor, dat će nam odgovor u pisanoj formi i mislim da to nije u redu i da to govori koliko ustvari poštuju naše odluke i koliko se mi pitamo u Kantonu u kojem živimo i u kojem smo Skupština i zastupnici da smo mi neka zakonodavna vlast. Pa bih eto upitala i Ministarstvo sigurnosti da li su oni djeluju samo na prostoru Kantona Sarajevo i USK ili na području cijele Bosne jer je trebalo da se desi incident i ubistvo u Kantonu Sarajevo odnosno u Blažuju i na Ilidži da bi oni došli do zaključka da treba uraditi disperziju migranata na cijelom prostoru BIH. Nekoliko puta smo čuli da više neće ni jedan migrant doći u Blažuj i Ušivak. Da li to onda znači, ovo je sada pitanje za IOM i za Ministarstvo sigurnosti, da se ipak može kontrolisati njihovo kretanje i da je prošla godina zloupotrijebljena zbog covid epidemije i da su ti svi migranti dovedeni ispod radara iako je Skupština Kantona 30.10.2019 jednoglasno usvojila zaključke kojima se zabranjuje dalji prihvrat migranata u te centre, a u to vrijeme, podsjećam vas, da je bilo tri puta manje migranata i mi se tada obratili, imali smo sastanak i tada su nas iz Ministarstva sigurnosti, bila je pomoćnica Ministarstva sigurnosti ubjeđivali da se neće više ni jedan migrant da neće doći. Danas nam kažu da garantuju da više neće ni jedan. Znači da oni ipak imaju kontrolu nad dolaskom migranata i da ih dovode namjerno u ova dva kantona. Zahvaljujem. U diskusiji ću više.

Predsjedavajući:

Zahvaljujemo zastupnici Šahman. Zastupnik Mirza Čelik se prijavio za pitanje. Izvolite.

Poslanik/zastupnik Mirza Čelik:

Zahvaljujem predsjedavajući. Želim da pozdravim vas kao i dopredsjedavajuće, sekretara Skupštine, zastupnice i zastupnike, premijera i ostale članove Vlade, poštovane goste na današnjoj sjednici, poštovane predstavnike medija kao i naše sugrađane koji prate rad današnje sjednice Skupštine Kantona Sarajevo. Zaista imam nekoliko pitanja, pa evo pokušat ću da mi neko od članova Vlade ili gostiju odgovori a oni su nekako i vezano. Pa evo prisjetit ću se samo 17.novembra 2020 godine kada je naš sugrađanin Jasmin Berović izgubio život, a nekoliko je bilo ljudi u povrijeđeno. Stoga imam pitanje za članove Vlade ili rekao sam već goste, da li se može ograničiti kretanje migranata i to posebice gledajući u školskim područjima kao i okolini obdaništa. Jer evo imamo i situaciju da će od ponedjeljka krenuti i škola. Vjerujte nije jednostavno ni roditeljima pustiti djecu da idu do škole kada imamo čestu pojavu da migranti su blizu školskih područja odnosno škola. I jednostavno evo desilo se i u Hadžićima i na Ilidži da se otimaju djeci mobiteli, novac ili već ono što nose u rukama. Znači da li se može ograničiti kretanje migranata na

tim područjima? Također da li imamo informaciju od lokalnih zajednica, pošto je tu i predstavnik lokalne zajednice sa Ilidže i iz Hadžića da li imaju informaciju koliko je potrebno sredstava za instalaciju video nadzora, tj da bude taj video nadzor za prepoznavanje lica. Mislim da bi se tako smanjio i broj krivičnih djela na lokalitetu Ilidže i Hadžića. Pitanje imam također da li ljekarski timovi koji su zaduženi za kamp u Blažuju rade testiranje migranata na covid testove i da li oni koji izlaze iz kampova imaju testove jer ako imamo situaciju da izlaze ne znamo da li su covid pozitivni a evo često možemo kada već se vozimo ili u tramvaju ili u automobilu imati priliku da vidimo da su na raskrsnicama da ulaze u tramvaje, da koriste javni gradski prijevoz i da imamo zaista možda novi klaster koji nam dolazi sa područja kampa u Blažuju. I pitanje još jedno da li imamo dovoljno hrane i lijekova i ostalih potrepština za život na lokalitetu u Blažuju, odnosno u kampu za migrante. I ako nemamo evo zaista bih molio i članove Vlade pa i zastupnike da s izjasne ako je potrebno neka finansijska sredstva da se odvoje preko nekog od ministarstava da bi se to dopremilo u kamp u Blažuju. Zahvaljujem predsjedavajući.

Predsjedavajući:

Hvala kolega Čelik. Zastupnik Samir Suljević ima pitanje.

Poslanik/zastupnik Samir Suljević:

Zahvaljujem predsjedavajući. Pozdravljam sve gledaoce koji prate ovu Skupštinu pored malih ekrana. Mene zanima da mi se odgovori na pitanje šta se radi na tome da se migrantska kriza ravnomjernije rasporedi na više lokacija BIH, a da teret ne pada samo na Kanton Sarajevo i na USK? Da li je moguće da RS odnosno Dodik može da kaže da migranti ne mogu u RS i nikom ništa? Kako znam postoji veći broj neperspektivnih vojnih lokacija u BIH i one koje su trenutno prazne, neiskorištene, i mogu se iskoristiti za ovu svrhu. I poslije ovog svega, mislim da je ovo u suštini prevashodno državno pitanje a ne da se teret kompletan stavlja na lokalne zajednice. Jer budimo iskreni da sve posljedice ove migrantske krize o kojima danas govorimo uglavnom snosi lokalna zajednica. Predlažem da se pravljenje novih i izmještanje svih ostalih sabirnih centara koji su trenutno u upotrebi, izvrši na način da se ista dislociraju van urbanih područja te na takav način omogućiti lakši život lokalnoj zajednici. Toliko hvala.

Predsjedavajući:

Hvala kolega Suljeviću. Zastupnik Dževad Poturak ima pitanje. Kolega Poturak čujemo li se?

Poslanik/zastupnik Dževad Poturak:

Da će se migranti rasporediti u entitetu RS-a.

Predsjedavajući:

Kolega Poturak, molim vas nismo vas čuli od početka, možete li ponoviti?

Poslanik/zastupnik Dževad Poturak:

Evo mogu sve ponoviti ponovo. Znači imam tri pitanja. Da li će broj od 30 ili 40.000 migranata da li će to biti konačan broj ilegalnih migranata u BIH? Broj dva pitanje jeste u kojem će se periodu zaposliti novi broj policajaca koji će biti raspoređeni na istočnu granicu BIH? I moje treće pitanje jeste kada će se migranti rasporediti po entitetu RS? Je li sada se sve čulo?

Predsjedavajući:

Zahvaljujem se kolega Poturak. Dopredsjedavajući Vibor Handžić, izvolite.

Dopredsjedavajući Vibor Handžić:

Zahvaljujem predsjedavajući. Nadam se da se čujemo. S obzirom da se javljam prvi put, dobar dan svima. Ukoliko su završena pitanja zastupnika ja imam jedan prijedlog iz dva razloga, a to je da

date sada jednu malo dužu pauzu. Prvi je razlog da zbog velikog broja pitanja kako bi se uvodničari i predlagači mogli spremati kvalitetno za odgovore na ista. A drugi je razlog zato što nas nekoliko koji smo zastupnici u Domu naroda FBiH u jedan imamo nastavak sjednice. Tako je kako je, poklopilo se da je isti dan. To je nastavak sjednice ima još nekoliko tačaka dnevnog reda da se ona privede kraju. I nadam se da i mi možemo u toku pauze završiti tu sjednicu kako bi se mogli vratiti ovdje u punom kapacitetu, a jesmo zaista zainteresovani učestvovati u radu do kraja ove sjednice hitne na kojoj se trenutno nalazimo. Zahvaljujemo.

Predsjedavajući:

Kolega Handžiću koliko dugo predlažete pauzu?

Dopredsjedavajući Vitor Handžić:

Koliko su nam uobičajene ove duže pauze koje radimo, ne znam sat vremena, sat i petnaest minuta po vašoj procjeni. Do sat i po.

Predsjedavajući:

Evo sat i petnaest minuta predlažemo pauzu. Molim zastupnike da se izjasne.

Konstatujem da je prihvaćen prijedlog dopredsjedavajućeg Vitora Handžića za pauzu od sat i petnaest minuta. Tako da pauza od sat i petnaest minuta. Hvala prijatno.

NASTAVAK NAKON PAUZE

Predsjedavajući:

Nastavljamo dalje sa sjednicom. Pitanja koja su zastupnice i zastupnici uputili predstavnicima viših nivoa kao što su Ministarstvo sigurnosti BiH, Službe za poslove sa strancima, zatim Međunarodne organizacije IOM, načelniku općine Ilidža dostavit će odgovore pisanim putem na njihove mailove. Ono što bih u nastavku zamolio a to je predstavnike Vlade Kantona Sarajevo da oni daju usmene odgovore na ona pitanja koja mogu uraditi. Pa evo ne znam da li je tu s nama premijer ili predstavnici MUP-a i Uprave policije Kantona Sarajevo. Imamo li predstavnike Vlade u vezi kako bi mogli dati odgovore na postavljena pitanja zastupnika? Gospodine Hrvat da li vi možete dati odgovore iz svog domena? Evo dajem vam riječ dok se pripreme ostali članovi Vlade. Izvolite imate riječ.

Načelnik Sektora uniformisane policije Džafer Hrvat:

Zahvaljujem. Mogu dati odgovore na ona pitanja koja su u materijalu navedena a ukoliko ne budu zadovoljni i ukoliko ne budem odgovorio precizno na postavljena pitanja zamolio bih da mi se dostave pismeno obzirom da Uprava policije ima zakonski određene vrste evidencija kao i parametre u tim evidencijama i ukoliko pitanje izlazi iz okvira evidencija, potrebno mi je vrijeme da prikupim te činjenice, i svakako ću to uraditi. Kada je u pitanju uvažena zastupnica Danijela Kristić, kapacitet bi trebao da bude pitanje Službe za poslove sa strancima i ovdje ja ne problematiziram kapacitet. Ovdje ja problematiziram onoga ko je uopšte odredio koji je to kapacitet a nije konsultovao Upravu policije sa sigurnosnog aspekta da li je moguće smjestiti i u okviru tih kapaciteta toliki broj ljudi na jednom mjestu. Dakle to sam problematizirao u Ministarstvu sigurnosti i ponovo problematiziram ovdje ćete dobiti vjerovatno odgovor o određenim kapacitetima ali se izostavlja vješto odgovor na to da li su ti kapaciteti odnosno da li je procjena o tim kapacitetima obuhvatila sigurnosnu procjenu za taj broj ljudi. Što se tiče moje konstatacije i mog mišljenja da su jednostavno taj privremeni prihvatni centar u Blažuju jednostavno bez našeg znanja popunjen. Ja tvrdim da Uprava policije je samo jedno obavještenje zaprimila od službe za poslove sa strancima da će u sedam autobusa određen broj migranata premjestiti iz USK. Tog momenta je stiglo 11 autobusa od sedam najavljenih, 11 se pojavilo. Nakon toga mi nismo zvanično dobijali nikakve obavijesti o eventualnom popunjavanju tih kapaciteta. Što se tiče počinjenih broj

krivičnih djela, imate u materijalima broj počinjenih krivičnih djela za 2018, 2019 i 2020. na kraju tabela sam naveo zaključak da se iz parametara koji su navedeni zaključuje da dolazi do povećanja krivičnih djela u kojima učestvuju migranti odnosno gdje su migranti izvršioci tih krivičnih djela. U vezi sa nadzorom, to je pitanje za službu za poslove sa strancima. U vezi sa identitetom također sam naveo u materijalu sa kojim poteškoćama se mi susrećemo i na koji način bi se eventualno moglo riješiti to pitanje identiteta. Dakle moj kolega Mirsad Buzar je naveo da oni ne mogu da dobiju potvrdu, koliko sam ga ja razumio. Ne mogu da dobiju potvrdu od države porijekla o identitetu određenog lica. Tako da mi ne možemo ni razmatrati pitanje lažnog predstavljanja, odnosno navođenja lažnog identiteta kada nemamo pravi. Što se tiče pitanja koje uvaženi zastupnik Čampara postavio, koliko je bilo kontrola privremenih prihvatnih centara? Kada god smo imali dovoljno razloga i činjenica koji opravdavaju radnju pretresa mi smo to i uradili uz naredbu suda. Dva pretresa, dvije naredbe smo dobili, dakle dva pretresa do sada obavljena privremenog prihvatnog centra Blažuj. Jedan u prošloj godini, jedan u ovoj godini. A u vezi sa kontrolom smještaja migranata u unutrašnjost Kantona Sarajevo u protekloj godini smo izvršili 193 akcije kontrole migranata i njihove predaje, njihovog utvrđivanja identiteta i predaje službi za poslove sa strancima. Što se tiče pitanja uvaženog zastupnika Vrete ta pitanja nisu za Upravu policije. Uvaženi zastupnik Milavica je naveo koliko je slučajeva droge među migrantima. Ja sam naveo u materijalu da je u 2018 evidentiran jedan slučaj počinjenog krivičnog djela iz člana 239 to je posjedovanje i omogućavanje uživanje opojnih droga, u 2019 četiri, a u 2020 sedamnaest. Trgovina ljudima također je bilo pitanje uvaženog zastupnika Milavice. Mi smo evidentirali šest krivičnih djela, krijumčarenja osoba i svih šest krivičnih djela smo nadležnim tužilaštvima i pravosudnim institucijama prosljedili adekvatne izvještaje i u nekim slučajevima angažovali druge agencije koje imaju nadležnost da postupaju po navedenim prijavama. Ovaj dio koji se tiče naših saznanja da migranti imaju određene konekcije sa domicilnim kriminogenim licima i licima i grupama, također uzimamo sa dužnom pažnjom i analiziramo i u skladu sa utvrđenim činjeničnim stanjem poduzimamo adekvatne mjere. Uvaženi zastupnik Hasanović koliko je migranata evidentirano kao počiniooci. Dakle vezano za ograničenje kretanja. Mi primjenjujemo naše zakonodavstvo prema svim bez obzira kojoj kategoriji pripada. Dakle zakonodavstvo nije kategoriziralo prema kome treba, prema kome ne treba. Policijski službenik koji uoči bilo koje lice da se kreće u vrijeme kada je to adekvatnom naredbom Kriznog štaba, aktuelnog Kriznog štaba zabranjeno, on će poduzeti adekvatnu sankciju. Međutim također sam vam u završim razmatranjima napomenuo da ne postoji za sada adekvatan zakonski instrumentarij da budemo efikasni u dijelu utvrđivanja prekršajne odgovornosti i pokretanja prekršajnog postupka zbog isticanja formalnog identiteta u odnosu na procesni identitet. Vezano za maske, ja vas mora podsjetiti da sam bio član Kriznog štaba da sam predlagao da se produži naredba Kriznog štaba Kantona Sarajevo koja je važila do 31.12. u vezi s tim da policija može direktno primijeniti normu, odnosno da se donese naredba u skladu sa izmjenama i dopunama Zakona o prekršajima protiv javnog reda i mira. Takva naredba nije donesena, postoji aktuelna naredba Federalnog kriznog štaba koja se donosi u skladu sa Zakonom o sprječavanju širenja zaraznih bolesti na teritoriji FBiH, a nadzor nad provođenjem i primjenom tog Zakona je u isključivoj nadležnosti inspeksijskih organa. Tako da za ovo postupanje nije policija izvorno nadležna. Je li ima još, nema. Ovo su ostala pitanja za Vladu i za ostale učesnike. Video nadzor uvažena zastupnica Jasmina Bišćević-Tokić pitala je u vezi sa video nadzorom na teritoriji Hadžića. Dakle 21.01. je uprava policije prosljedila objedinjenu informaciju i zahtjev da se Vlada očituje da li se može uvrstiti u aktuelni plan instalacije odnosno uspostave video nadzornog sistema u Kantonu Sarajevo i ta lokacija. Kada se Vlada očituje mi ćemo u skladu sa utvrđenim prioritetima izvršiti postavljanje i integrisanje tog područja u video nadzorni sistem Uprave policije. Što se tiče nadzornog sistema unutar kampa mi nemamo pristupa njemu ne znam na zahtjev suda odnosno uz naredbu mi možemo izuzeti snimak interesantan ali nemamo konstantan pristup i ne nadziremo to područje iz dijela naše nadležnosti. I ja koliko vidim nije bilo više pitanja koja se tiču Uprave policije. Ako sam nešto izostavio možete me podsjetiti ja ću vrlo rado odgovoriti a ona pitanja na koja nisam odgovorio zamolio bih ili na koja niste sadržajno zadovoljni odnosno sadržajno ne oslikavaju ono što ste vi željeli da čujete postavite pismeno i dobit ćete odgovor. Hvala vam.

Predsjedavajući:

Zahvaljujemo se šefu uniformisane policije gospodinu Džaferu Hrvatu. Zamolio bih predstavnika Vlade, da li je to premijer ili ministar unutrašnjih poslova gospodin Katica da ponude odgovore na postavljena pitanja.

Premijer Edin Forto:

Zahvaljujem evo čuli smo veliki broj pitanja i već neke uvodno rasprave. Ja sam imao jedno direktno pitanje od zastupnika Devića. Vezano je za lokalitete u Ilijašu na Bijambarama i za potencijalno otvaranje kampa tamo. Kampa za migrante. Tačno je da je u materijalima Uprave policije pomenut taj lokalitet. Međutim, mi smo zaključke koje je dostavilo, i vi ste dobili te materijale samo informativno. Vlada je donijela zaključke koji ne uključuju niti podržavaju takav zaključak. Čak naprotiv i ministar Katica a poslije i ja u sastancima sa IOM smo naglasili da se ne slažemo sa otvaranjem novih lokacija na području Kantona Sarajevo. Mislimo da je to prilično jasno. To stoji u zaključcima koje smo vam dostavili sa Vlade u nadi da ćete ih kao Skupština podržati. Dakle, evo tražio je zastupnik Dević kristalno jasno pa ću na taj način i reći, mi se ne slažemo sa otvaranjem bilo koje nove lokacije u Kantonu Sarajevo jer već imamo dva kampa (smetnje). Hvala. Ja ću sada dati riječ ministru Katici koji je imao niz pitanja adresiranih na MUP. Izvolite.

Ministar Admir Katica:

Hvala lijepa premijeru. Da, svakako. (nerazumljivo) bio je niz pitanja u suštini bili su većinom operativnog karaktera. Ja se nadam da je kolega Džafer Hrvat glavni inspektor da je odgovorio na većinu njih i ukoliko neko nije zadovoljan bilo kojim odgovor na neko pitanje bit ćemo vrlo radi da odgovorimo na svako od njih. Ono što sam ja izdvojio od tih pitanja koja bi mogla biti za ministra unutrašnjih poslova to je pitanje uvaženog zastupnika Elvisa Vrete za sastanak na temu ove migrantske krize, u Ministarstvu sigurnosti prethodno. Da zaista je spomenuto da je pored ove radne grupe koja je formirana 21.12.2020. godine da je neki dan donesen i plan efikasnog upravljanja krizom u BIH. I da je dio tog plana i pitanje postupanja na području Kantona Sarajevo. Ja sam svakako tražio da mi se predstave te pojedine odredbe, karakteristike tog jednog plana. I obećali su mi iz Ministarstva sigurnosti da će mi dostaviti taj plan u MUP Kantona Sarajevo kako bi mogli i mi sami imati tačne podatke, pa i ove podatke kako se planira i šta se planira tokom ove godine sa migrantskim kampom Blažuj i to na jednom konkretnom nivou. Ja bih htio reći ne znam da li je to kolega Džafer Hrvat rekao Uprava policije, MUP ima jedan stalan operativni plan koji se odnosi na pitanje nošenja sa posljedicama migrantske krize na području Kantona Sarajevo. Povremeno i kolega Džafer je već napomenuo, se vrše i odgovarajuće operativno taktičke mjere i radnje na tom području, preventivno-represivnog karaktera. Racije, u prošlu subotu smo imali pretres migrantskog kampa na osnovu naredbe Općinskog suda u Sarajevu. I znamo da su rezultati bili dobri i ja smatram također da vršenje tih istražnih ali i operativno – taktičkih mjera i radnji predstavlja jedan dobar oslon za suprotstavljanje ovoj pojavi. Naglasili smo i to je tražilo od Službe za poslove sa strancima i državnim organima da pored toga budu efikasniji u provođenju mjera deportacije, protjerivanja iz BIH s obzirom da se radi o osobama koje su (nerazumljivo) sebe inkriminirale u određenim kažnjivim radnjama. Dakle taj operativni plan postoji, policija na osnovu njega postupa. Na sva ona pitanja da li ima policijskih patrola ili nema. Policijskih patrola ima. Sve je to upravljano od strane menadžmenta Uprave policije i oni u skladu sa svojim sigurnosnim procjenama, što je i jeste dio njihove operativne samostalnosti, određuju na koji način će rukovoditi upravom policije u smislu povećanja osjećaja sigurnosti na području Kantona Sarajevo. Imao sam pitanje ili sam barem zabilježio pitanje od kolega zastupnika Nikšića da li postoji slučajevi policijske brutalnosti prema migrantima. Ja sam provjerio taj podatak u okviru Uprave policije i dobio sam informaciju da nisu zabilježeni takvi slučajevi policijske brutalnosti iako znam da je bilo na nekim društvenim mrežama i tako tim mjestima javnog progovaranja i nekih takvih insinuacija. Ali kao što rekoh evidentirano nema. Mislim da je kolega Džafer već odgovorio po pitanju video

nadzora i na području Hadžića. Zaista i ja sam po svom povratku pitao vezano to. S obzirom da smo i ranije razgovarali o tome i upravo sam dobio uvjerenja kao što je on saopštio da je to postalo dio Akcionog plana za prevenciju krađa putničkih motornih vozila na području Kantona Sarajevo čiji je sastavni dio ustvari implementacija video nadzornog sistema na području Kantona Sarajevo. I u sve ovo je uključeno i pored Uprave policije i načelnik općine Hadžići i radi se na tome. U tom smislu želio bih na koncu da kažem da pitanje migrantske krize ne predstavlja samo migrantski kamp Blažuj. Migrantski kamp Blažuj ima svoje karakteristike zaista preko 3000 migranata na jednom mjestu. Kao što rekoh predstavlja vrlo dobru osnovu za različite vrste devijantnog ponašanja. Međutim i obraćamo pažnju i na migrantski kamp Ušivak u odnosu na njega operativni plan aktivan. Međutim mi moramo znati da u ovom migrantskom kampu je sasvim drugačija struktura migranata. Tu ima i porodica i uopće sigurnosni aspekt je tu nešto blaži. Ali sa aspekta rada policije, MUP-a Kantona Sarajevo mi apsolutno postupamo i prema ovom kampu na isti način. I policija postupi prema svom operativnom planu. Ja se nadam da sam odgovorio na ova postavljena pitanja i da je kolega Džafer odgovorio na ova koja su operativnog karaktera. Ukoliko nešto nismo ja bih vas zamolio da svakako dostavite nam u pisanoj formi mi ćemo biti vrlo radi da odgovorimo na svako pitanje. Hvala vam puno.

Predsjedavajući:

Zahvaljujem se ministru Katici. Da li ima još neko iz Vlade ko bi želio da da odgovore na postavljena pitanja?

Premijer Edin Forto:

Evo ministrica Prvulović će odgovoriti.

Predsjedavajući:

Hvala premijeru. Ministrice Prvulović izvolite, imate riječ.

Ministrica Ivana Prvulović.

Hvala. Pozdravljam predsjedavajućeg Skupštine Kantona Sarajevo, zamjenike predsjedavajućeg, uvažene goste i građane Kantona Sarajevo. Prvo bih ponudila odgovor na pitanje zamjenice predsjedavajućeg Skupštine Kantona Sarajevo zastupnice Kristić i zastupnika Milavica. Pa odgovaram kako slijede. Znači JU Kantonalni centar za socijalni rad ima jednu od ključnih uloga da kroz institut starateljstva obezbijedi sigurnost i zaštitu djece migranata i azilanata bez pratnje roditelja. Odnosno staratelji odraslih osoba. Da su kategorije djece sa kojima nadležne službe rade djeca migranti bez pratnje i djeca odvojena od roditelja i staratelja, i djeca bez pratnje tražioci azila. Od formiranja privremenog prihvatnog centra Ušivak do danas zaprimljena su 2221 zahtjev za postavljanje posebnog staratelja djeci migrantima bez pratnje. Od ovog broja 1464 zahtjeva su zaprimljena u periodu od 01.01. do 31.12.2020 godine. Zabilježena je tendencija rasta broja zahtjeva. I u protekla tri mjeseca jako veliki porast dolazaka maloljetnih migranata bez pratnje i njihov prihvati u kamp Ušivak. Radi se o maloljetnicima starosti najčešće od 16 do 18 godina koji su u prolasku kroz našu zemlju. Zbrinjavanje maloljetnika u kampu Ušivak se inače provodi u saradnji sa Službom za strance. Ministarstvo sigurnosti BiH i sa međunarodnim nevladinim organizacijama koje djeluju prihvatnom centru. Što se tiče kampa Blažuj on je predviđen za prihvati punoljetnih lica međutim u njemu je tokom oktobra, novembra i decembra 2020 godine evidentiran veliki broj djece koje i zbog popunjenosti kapaciteta Ušivak nije bilo moguće obezbijediti drugi smještaj. Što se tiče odgovora na pitanje zastupnice Duraković. Ja bih napomenula da je akcenat naših razgovora danas na Vladi bila sigurnosna situacija u Kantonu Sarajevo. Međutim mi smo svakako razgovarali na temu zaštite maloljetnih migranata. I o našim obavezama koje proizilaze iz međunarodnih dokumenata i domaćih propisa. Mi smo smatrali da je naše čvrsto opredjeljenje da obezbijedimo zaštitu djeci migrantima i djeci tražiocima azila na način da naše opredjeljenje uvrstimo u poseban zaključak. Međutim, ovo pitanje svakako obuhvaćeno zaključkom Vlade broj 7 da će Kanton Sarajevo uključujući opštine i lokalne zajednice nastaviti u okviru svojih ovlasti pružati

zdravstvenu, humanitarnu i sigurnosnu zaštitu migranata. Iskoristila bih ovu priliku da obavijestim zastupnicu Duraković i sve zastupnike u Skupštini da smo kao Vlada jučerašnje razgovore sa šeficom misije Međunarodne organizacije za migracije gospođu Langaroti iskoristili da razgovaramo osnaživanju Centra za socijalni rad, na način da smo od IOM-a zatražili dodatna materijalna sredstva kako bi smo zadovoljili potrebe kantonalnog centra za socijalni rad nakon što smo se prethodno sa njima u koordinaciji sa njima definisali koje su to njihove aktuelne potrebe. Zahvaljujem se.

Premijer Edin Forto:

Predsjedavajući, to je to od naših odgovora. Ima još ministrica obrazovanja.

Ministrica Naida Hota- Muminović:

Hvala lijepo. Uvaženi predsjedavajući, dopredsjedavajući, uvaženi zastupnice, zastupnici, građani Kantona Sarajevo pitanje na koje ću dati odgovor odnosi se na uključenost djece migranata u škole, odnosno (nerazumljivo). Aktivnosti na ovom planu počele su 2018 godine u decembru. Tako da je u toku 2019 godine u 34 djece bilo uključeno u OŠ „9. maj” Pazarić i „Prvu osnovnu školu” na Ilidži. Taj broj stalno varirao i u toku 2019 možemo reći da smo zabilježili broj od 130 djece u obje OŠ: u 2020 godini taj proces uključivanja djece u formalno obrazovanje je bio obustavljen zbog činjenice da su se djeca i porodice jako kratko zadržavale u Kantonu Sarajevo ali i zbog činjenice da je nastupila pandemija. U oblasti srednjoškolskog obrazovanja Ministarstvo je u 2019 godini anketiralo sve migrante srednjoškolskog uzrasta koji bi boravili u centru Ušivak na području Hadžići. U vezi s tim su anketirali za koju vrstu obuke su maloljetni migranti srednjoškolskog uzrasta zainteresirani. Moram kazati da je bio interes veoma mali za uključivanje u formalno obrazovanje i njihov boravak u migrantskom centru je bio samo u tranzitu ka trećim zemljama. I ova aktivnost je početkom pandemije zaustavljena. Prema nekim podacima u prihvatnom centru Ušivak boravi oko 450 djece i taj broj varira. Od toga njih je oko 300 uzrasta od 15 do 17 godina, dok je srednjoškolski uzrast a ostala djeca su dobio osnovne škole. Također treba reći da je fluktuacija djece kroz školski sistem i kroz sam centar veoma bila izrađena a Ministarstvo je prošle sedmice, željela bih informisati Skupština održalo sastanak sa predstavnicima UNICEF-a i pripremili određene korake kako bi se djeca maloljetnici priključili u formalni sistem obrazovanja u Kantonu Sarajevo. I treba istaći veliku empatiju i spremnost škola koje su već pokazale svoju spremnost da pruže priliku i da ispoštuju sve ono što je na neki način se dogovorilo u saradnji sa UNICEF-om. Eto toliko. Zahvaljujem.

Predsjedavajući:

Zahvaljujem se ministrici. Ukoliko nema više niko iz Vlade da daje odgovore, otvorio bih raspravu. Nema. Otvaram raspravu. Prvi prijavljeni zastupnik Senad Hasanović. Izvolite imate riječ.

Poslanik/zastupnik Senad Hasanović:

Zahvaljujem predsjedavajući. Da li se čujemo? Hvala. Pa evo sama činjenica da Skupština Kantona Sarajevo raspravlja o migrantskoj krizi je pokazatelj da ovaj problem se ne rješava tamo gdje bi trebalo, na nivou države odnosno Vijeća ministara. Ipak dobro je da razgovaramo o ovom problemu jer građani su umorni od čekanja da problem eskalira i počne uticati na sve aspekte života u Kantonu Sarajevo. Prinudjeni smo tražiti rješenja i nadam se da će ova sjednica pomoći u tome. Mislim da problem ilegalnih migracija treba sagledati sa tri aspekta. I to humanitarnog, sigurnosnog i političkog. Ako problem posmatramo sa humanitarnog aspekta, moramo biti svjesni poštivanja temeljnih ljudskih prava potpisanih konvencija i međunarodnih ugovora, ali i bez toga, kao društvo ne smijemo dozvoliti da ljudska bića u našoj zemlji pa i Kanton Sarajevo, se tretiraju na nehuman i nedostojan način. Mučno je gledati ljude koji se smrzavaju na ulicama, prodaju maramice, prose, spavaju na betonu ispred tržnih centara u srcu Sarajeva, čak i kada je temperatura debelo ispod nule. Kao društvo ne smijemo sebi dozvoliti da bilo koji čovjek u Sarajevu umre od hladnoće, gladi i izostanka medicinske pomoći ili da mu bude oduzet život zbog iskazanih vjerskih ubjeđenja, čemu

smo nedavno svjedočili. Posmatrano sa sigurnosnog aspekta imamo obavezu prije svega prema građanima Kantona Sarajevo ali i prema migrantima koji privremeno borave tu, osigurati javni red i mir te zaštititi ime, imovinu i živote svakog pojedinca. Jasno da je to u trenutnim uslovima ogroman izazov za našu policiju. Ljudi koji kriju svoj identitet po automatizmu predstavljaju sigurnosni rizik pa i potencijalnu prijetnju za nacionalnu sigurnost. Lepeza potencijalnih rizika je ogromna. Ono što su činjenice kada je u pitanju migrantska populacija i da to nisu izbjeglice iz ratom zahvaćenih područja, nisu to ni klasični ekonomski migranti, u potrazi za radnim mjestom, mada sigurno ima i takvih. Vrlo često od stranaca možemo čuti kako su i naši državljani bili izbjeglice i migranti. Ipak potrebno je javno kazati da naši ljudi gotovo nikada nisu granice prelazili preko šuma, ilegalno, krili svoj identitet. Iz BIH ljudi svakodnevno odlaze kao ekonomski migranti, ali sa pasošem u ruci, preko legalnih graničnih prelaza i sa radnim vizama. Ono što je obaveza i standard prema našim državljanima kada odlaze u inostranstvo mora biti obaveza i standard i za sve koji ulaze u BIH. Ono o čemu se jako malo govori, kada su u pitanju migranti je činjenica da među njima ima i onih koji se bave i transportom narkotika. Migrantske rute su postale i transportne rute za narkotike. Ne vidim da se neko ozbiljno bavi ovim problemom. Migranti predstavljaju rizik kada je u pitanju širenje zaraznih bolesti pa i korona virusa jer apsolutno niko nema kontrolu nad ovom vrstom problema. Migranti su i žrtve trgovine ljudima. Ne vidim ni u ovom segmentu da BIH, ali zemlje regiona poduzimaju bilo šta ozbiljno. Migranti nisu skupine ljudi koje besciljno lutaju već su jasno instruisane kojim rutama da se kreću. Migranti koji skupe novac plaćaju da ih se ilegalno prebaci preko granice, i to je istina. Oni koji nemaju novac pokušavaju preći samostalno i uglavnom bezuspješno, to je osnovni razlog zašto određeni broj migranata se duže zadržava. To je osnovni razlog zašto se određeni broj migranata se duže zadržava u Sarajevu, prosi, prodaje maramice, otima mobitele, i slično. Migranti su izvor zarade za vrlo veliki broj pojedinaca koji iz svega nastoje izvući finansijsku korist. Sve od trgovine narkoticima, trgovine ljudima, pa do iznajmljivanja stanova, kuća, poslovnih objekata, za boravak migranata. Migrantska kriza će početi jenjavati onog momenta kada ne bude isplativo koristi migrante kao izvor finansija. Kada migrantima u BIH bude preteška ruta, bez kampova u blizini urbanih naselja i kada se nam migrantima budu primjenjivali zakoni koji važe za sve državljane BIH. Ono što mi kao država moramo uraditi, pa i Kanton Sarajevo kao dio BIH je poslati jasnu poruku da osobe koje kriju identitet, lažno se predstavljaju, ne poštuju zakone države u koju dolaze, nisu dobrodošli i bit će sankcionisani za svaki prestup koji naprave. Ono što me kao građanina jako naljutilo je posljednje dešavanje na području kampa Blažuj. Tolika drskost da se uđe u otvoreni sukob sa policijom, zštitarima, da se pokuša jedan od migranata linčovati zbog uvrede na vjerskoj osnovi, da se zaštitarima pokazuju snimci egzekucija ljudi u zemljama njihovog porijekla. To su situacije koje ne smiju ostati bez odgovora države. Inače ćemo takve situacije imati i prema našim državljanima u centru Sarajeva. Ako neko krije svoj identitet, to ne smije biti prepreka da se procesuiru svaki njegov prijestup. Sud i Tužilaštvo tu moraju hrabrije i odlučnije se uključivati. Policija radi dobar posao ali i tu se moraju pojačati naponi. Sve ono što predstavljaju zakonsku smetnju za efikasniji rad policije, Tužilaštva, inspeksijskih organa, delegirajte na zakonodavnu vlast. Zakone možemo i moramo mijenjati jer smo dužni zaštititi naše građane, svidjelo se to nekome van BIH ili ne. Sa političkog aspekta potrebno je poslati jasne i nedvosmislene poruke sa svakog nivoa, pa i iz Skupštine Kantona Sarajevo. Migranti u BIH dolaze iz EU, migranti ne žele ostati u BIH, stoga im omogućite da stignu na željenu destinaciju ili ih zadržite na vanjskim granicama EU. Migranti nisu problem i teret samo dva Kantona sa Bošnjačkom većinom. I neće to ni biti. Ne želimo nikakav novac za smještaj migranata i nećemo dozvoliti da se od BIH pravi parking za migrante. Toliko i hvala.

Predsjedavajući:

Zahvaljujemo se kolegi Hasanoviću. Dopredsjedavajuća Danijela Kristić, rasprava.

Dopredsjedavajuća Danijela Kristić:

Zahvaljujem predsjedavajući. Ja bih prije svega naglasila da nisam dobila odgovore sigurno na 80% pitanja. Ali dobro, ako nam gosti nisu tu i ne mogu nam odgovoriti idemo dalje. Prije svega želim

da pohvalim angažman pripadnika policije i moram reći da razumijem gospodina Hrvata i da se u njegovom nastupu čuje iskrenost. Ako on sa svojim kolegama živi ovaj problem i kaže da su migranti ogroman sigurnosni rizik i ona sigurno i jeste. Ne smije se više shvatiti drugačije od onoga kako nam je on rekao. Zahvaljujem se IOM na saradnji sa institucijama i cijenim angažman, međutim stičem dojam da su na riječima puno konkretniji nego u reakcijama na terenu. Ja sam inicijativu podnijela u šestom mjesecu 2020 godine prema IOM da se privremeni prihvatni centri Ušivak i Blažuj, adekvatno ograde, te da se obezbijedi adekvatna fizička i tehnička zaštita a sve u svrhu ograničenja kretanja migranata i poboljšanja opće i zdravstvene sigurnosti. Nakon sedam mjeseci nisam dobila odgovor od IOM-a. Mislim da se tako ne bi odnosili prema predstavnicima vlasti u nekoj drugoj državi. Oni trebaju poštovati jednako kao i mi institucije i vlasti i biti im na raspolaganju, ali ne samo za sastanke nego i za konkretna djelovanja. Hvala.

Predsjedavajući:

Zahvaljujem kolegice Kristić. Sljedeći za raspravu se javio zastupnik Aljoša Čampara. Izvolite imate riječ.

Poslanik/zastupnik Aljoša Čampara.

Zahvaljujem predsjedavajući. Nadam se da se čujemo. Ja ću pokušati biti što kraći i koncizniji da ne oduzimam puno vremena, već smo potrošili dosta vremena na neka pitanja nisam dobio odgovor i nadam se da ću možda dobiti u pismenoj formi od strane nadležnih institucija od kojih sam tražio odgovore na ova pitanja. Ali evo, vrlo kratko, dakle mi smo svjesni situacije odnosno činjenice da u Kantonu Sarajevo pored USK je smješteno najviše migranata i to stvar koju više ne trebamo dokazivati nego jednostavno trebamo se suočiti sa svim tim izazovima koji stoje pred nama, odnosno moramo učiniti sve da prije svega zaštitimo naše građane. Naravno da je ovo pitanje i humanitarnog karaktera ali naravno i pitanje same sigurnosti naših građana. Možemo mi ovdje govoriti i pričati, migracija, kretanje migranata, trgovine ljudima u nadležnosti državnih institucija, prije svega Granične policije, SIPE, Tužilaštva BIH, itd. Međutim, naše građane to ne interesuje. Naše građane prije svega interesuje da oni jednostavno imaju sigurnost u svojim domovima. Pitanje samog smještaja migranata koji su smješteni na područje Kantona Sarajevo to je jedan aksiom koji više ne trebamo nikome dokazivati i mi moramo sve uraditi da na neki način se i brinemo o tim migrantima koji su tu, koji su činjenica, ali naravno da se brinemo o našim građanima da ne bi dolazili u situaciju u kojoj su već dolazili vezano za samo stanje i ponašanje migranata i svi ovi nemili događaji koji su se desili u prošlom vremenu. Policija nije ta koja upravlja migrantskom krizom, niti može upravljati migrantskom krizom. Migrantskom krizom mora upravljati prije svega politika odnosno nadležne državne institucije. Ja mislim da je malo, evo da kažem nenormalno da nas policija mora upozoravati na sve ono što se dešava vezano za migrantsku krizu, ali evo i kao član Komisije za sigurnost u Kantonu Sarajevo, mislim da je to već neko iznosio, ili smo nekolicina nas iznosili, nije normalno da mi već šest mjeseci da nas policija MUP Kantona Sarajevo da nismo u stanju napraviti jednu ogradu u kampu Blažuj gdje ćemo vršiti kontroliran ulazak izlazak migranata u prihvatni centar. Pa svugdje na svijetu postoje procedure, postoje pravila o kućnom redu, o načinu kako se neko treba ponašati. Dakle, mislim da mi jednostavno moramo učiniti sve i osloniti se na svoje kapacitete ovdje u Kantonu Sarajevo, niko nam neće ove migrante sada uzeti i odnijeti. Dakle to ostaje problem Kantona Sarajevo, to ostaje problem MUP-a Kantona Sarajevo. Naravno mi trebamo i pledirati i tražiti od Vijeća ministara da se sama migrantska kriza rastereti na način da ona bude raspoređena na cijeloj teritoriji BIH, a ne samo na dva Kantona. Mi treba naravno da poštujemo organizaciju IOM ali naravno trebamo da tražimo od njih da postupa isto u BIH kao i zemljama EU. Ali prije svega želim ponovo da se vratim i da se osvrnem na to da mi moramo prije svega naše građane i imati najviše jednostavno osjećaja da moramo sve moguće kapacitete i kao Skupština Kantona i kao Vlada Kantona i kao MUP usmjeriti ka zaštiti naših građana. Naravno, moramo se držati međunarodnih propisa i međunarodnih standarda jer mi smo zemlja koja je potpisnica svih tih međunarodnih ugovora ali jednostavno ne mogu da shvatim da neke stvari koje se vrlo jednostavno mogu riješiti, za 15 dana da još uvijek nismo u stanju to

riješiti. Pitanje samog video nadzora, ulaska, kontrole, izlaska. Moraju se poštivati neke mjere evo da kažem kućnog reda. Mi svi živimo u zgrada ili kućama pa i mi sami to poštujemo, tako da ne vidim ni jedan razlog da neko drugi to ne poštuje. Ja ću biti slobodan da predložim još nekoliko zaključaka. Možda će se ti zaključci poklopiti sa zaključcima koje je predložila Vlada ili koje je predložila sama Skupština Kantona Sarajevo. Pa ostavljam mogućnosti stručnim službama Skupštine Kantona Sarajevo da se ne preklapamo nego jednostavno da se inkorporiraju ovi moji zaključci u ove koje ćemo zajednički donijeti.

1. Prvi zaključak mislim da bi trebao biti da se obustavi daljnji dolazak i prihvatanje migranata u Kantonu Sarajevo. Te da se zatraži od Vijeća ministara da se vrši ravnomjerna raspodjela migranata na teritoriji cijele BiH.
2. Formirati radno tijelo Skupštine Kantona Sarajevo, koje će biti u svakodnevnoj komunikaciji sa predstavnicima IOM-a, Ministarstvom sigurnosti BiH, kao i Službom za poslove sa strancima, a koja će koordiniranim djelovanjem na terenu rješavati sva pitanja u vezi sa migrantima, a sve u cilju zaštite građana ovog Kantona.
3. Osigurati novčana sredstva za nabavku sistema videonadzora i njegovu uspostavu video u prihvatnim centrima i omogućiti pristup istom MUP-u Kantona Sarajevo.
4. Uspostaviti evidenciju ulaska i izlaska svih smještenih migranata u kampove koji egzistiraju na prostoru Kantona Sarajevo, kao i elektronske evidencije svih smještenih migranata na način da baza ima fotografiju i otisak prsta.
5. Zadužiti MUP KS da najmanje jednom sedmično, nenajavljeno, izvrši pretres prihvatnih centara u Kantonu Sarajevo.
6. Zadužiti Ministarstvo zdravstva Kantona Sarajevo da iskoordinira pitanje pružanja primarne zdravstvene zaštite za migrante.
7. Zahtijevati od IOM-a da dostavi protokole za postupanje u prihvatnim centrima po kojima su regulisane osnovne tehničke stvari u istima u drugim državama, kako bi se izvršila usporedba i eventualno se koristile te prakse za poboljšanje stanja i kod nas.

Zahvaljujem predsjedavajući.

Predsjedavajući:

Hvala kolega Čampara. Sljedeći prijavljeni za raspravu je zastupnik Zvonko Marić.

Poslanik/zastupnik Zvonko Marić.

Zahvaljujem predsjedavajući. Zahvaljujem predsjedavajući. Dakle evo svjedočimo sjednici na koje smo pozvali mnoge goste i to je bio cilj i svrha da se porazgovara, da se razmijene mišljenja itd, međutim ovaj odnos ljudi koji su bili tu iz državnog Ministarstva i Službe za ureda za strance i IOM-a zapravo vrijeđa ljudsku inteligenciju. Oni su došli kazali svoje. Nisu saslušali šta smo mi kazali nisu dali odgovore na brojna pitanja. A broj tih pitanja jasno govori koliko je stalo zastupnicima i predstavnicima Vlade Kantona Sarajevo da rješava ovaj gorući problem. Mi nismo dobili odgovor na ova pitanja i zaista e to ponižavajuće. Nije to u duhu demokratije, nije to u duhu lijepog ponašanja, pristojnosti, itd. Da ne nabrajam. Na žalost to nam se desilo i zapravo daje za pravo svima onima koji počinju da sumnjaju, i ja sam o tome govorio o skrivenim agendama zbog čega se baš na ove prostore usmjeravaju migranti. I ja sam iskoristio pauzu koja je bila ovdje kada je riječ o sjednici, i bio sam gdje sam delegat u Domu naroda, prisustvovao sam sve to vrijeme sjednici Doma naroda i nisam čuo baš odgovore svih ljudi i jako me interesira da li je bilo govora o informaciji da iz Tuzle, barem su tako mediji objavili to sam pročitao dok sam bio u Domu naroda, jedna grupa migranata iz Tuzle se šalje, a mi smo i predstavnica IOM-a i Ureda za strance da više neće dolaziti ovdje migranti. Međutim na putu su. Gdje će oni biti smješteni= da li policija zna? Da li su obaviještene lokalne vlasti, da li Vlada Kantona, Skupština, bilo ko. Dakle neka nevidljiva ruka imam dojam upravlja ovom migrantskom krizom. Ministar sigurnosti tvrdi da se upravlja krizom međutim odgovorno vam tvrdim ako je ovo upravljanje onda ja ne znam šta nije upravljanje iz prostog razloga što i sami vidite da tek u naznakama se pokušava kontrolirati stanje i nadzirati se vezano za migrantsku krizu. Zaista mi je žao i čuli ste priču, ja sam se osvrnuo na to postavljajući

pitanja našim gostima kada je gospodin Godinjak govorio o tome da na neki način neće biti izgradnje novih centara ovdje i da će se raspodijeliti sav teret koji podnose tri Kantona. Federacija se nekako vješto perfidno izmiče i kao da se nje ne tiče ova migrantska kriza, i vrlo interesantno da FBiH ne doživljava ova tri Kantona kao sastavni dio FBiH. Kod RS imate potpuno jasan stav. Ja sam rekao ne mora da se sviđa bilo kome taj stav ali oni ga imaju. I očigledno bez posljedica na neki način jasno iskazuju da neće imati ne namjeravaju primiti dio tereta migrantske krize na područje RS. A i u nekim kantonima FBiH otprilike isti je takav stav. Kada sam postavio pitanje koji su mehanizmi, ako je gospodin Godinjak rekao da će se ravnomjerno raspodijeliti teret migrantske krize, a ja sam vam jako puno naučio ka novinar i osnovno temeljno pitanje koje bih ja postavio gospodinu Godinjaku, kako ćete vi to realizirati? I novinar svaki kada čuje nabranje i demagošku priču ljudi koji obnašaju određene funkcije dovoljno je samo da pitanju kada kažu mi ćemo ovdje, moramo, trebamo. Vrlo jednostavno je pitanje. A kako mislite to da uradite? Onda tu izostaje svaka vrsta odgovora. Dakle ova kriza koja potresa Kanton Sarajevo je zabrinjavajuća u svakom smislu imate toliko neprijavljenih incidenata koje su počinili migranti. Međutim ono što bih posebno istakao je kada smo imali sjednicu Komisije za sigurnost, pomenuo je gospodin Čampara, on je neke od njih pomenuo i bio je predlagatelj oko te ograde, video nadzora u kampu u Blažuju itd. I mi smo uputili prema Vladi, dobili smo neki odgovor i ja bih volio da više nikada takav odgovor ne dobijemo. Neću da licitiram imenima ko je potpisao to ali eto bitno je, najbitnije od svega da građani steknu utisak da će ova Vlada otprilike tako kaže znati da se nosi s migrantskom krizom. To je demagoška priča. To nama ne tjera da se priča znate ta mene zanima. Kada postoji pitanja mene zanima u kom vremenu može se to realizirati, provest ili dijelom pokazati da su čuli ono što mi govorimo, mene ne zanima to. Završena je priča. Taj marketinški pojam. Evo mi smo u stanju, mi hoćemo da pošaljemo poruku da to uradimo. Uradite konkretno. Dakle da ne bude zabuna. Nije gospodin Forto u potpisu ali neću da licitiram imenima i volio bih da nisam dobio tu vrstu odgovora na zaključke komisije za sigurnost. Dakle mi hoćemo da vidimo na djelu da li se to može i da nam se kaže, to se može provesti, Vlada ima kapaciteta, kapacitirana je, uradit će to i to. I ne treba čak ni odgovor. Odgovor na terenu i to je najbolji vrsta odgovora. Dakle ja bih voli ona taj način da radimo. Što se tiče ostalih segmenata, a vezani su za migrantsku krizu, vi se jako dobro sjećate da je u jednom trenutku izgledalo jako dobro. Ne bih volio da me pogrešno ljudi shvate. Ali u vrijeme kada bio ministar sigurnosti din Radončić on je previdio mnoge stvari koje nam se danas dešavaju. Ja ne likujem što je on bio u pravu i nisam sretan zbog toga, ali očigledno da je bilo sluha da sprovedu te neke mjere danas bi imali drugačiju situaciju. Barem bi nas poštovali ljudi iz nevladinih organizacija, međunarodne zajednice, s vi oni koji se bave migrantskom krizom. I sasvim sigurno da bi krenuli u nekom dobrom smjeru. Ja ne znam zašto se ne upotrebljava deportacija nelegalnih migranata. To svaka zemlja na svijetu radi. Ako su oni prekršitelji Zakona, pa po čemu su oni to privilegirani da se ne kažnjavaju, da poslije isteka policijskog, odnosno nakon uvođenja policijskog sata i počinjanja policijskog sata oni se slobodno kreću za razliku od drugih građana. Od naših građana. Oni su privilegirani, i to ljudi koje nisu identificirali. Gdje vi na svijetu možete bez osobnih dokumenata, iskaznica, da se krećete na način na koji oni to čine? Da činite krivična djela. Da prosjačite bez bilo kakve kazne. Gdje na svijetu imate nekažnjene ljude koji koriste migrante za visoke zarade. Pa znate kako gospodin koji je bio ispred Ureda za strance, gospodina Ramljak, koji je bio na sjednici Komisije za sigurnost, on je rekao mi uhvatimo uhapsimo te ljude ali nemamo zakonske mogućnosti da ih sankcioniramo. Znači idu po sistemu ovaj nemoj to više raditi i puste ga, bez bilo kakve sankcije. Imamo dva područja koja su vrlo ranjiva, mislim na granicu BiH to je istočni dio. Jer otuda zapravo pređe najviše migranata iz Srbije, a imamo Zakon o readmisiji i mogućnost da te migrante vratimo ali mi nismo kapacitirani niti je policija granična kapacitiran, niti imaju dovoljan broj ljudi, hendikepirani su, čuli ste i predstavnika Ureda za strance. Čuli ste policiju Kantona Sarajevo. 550 ljudi prema sistematizaciji fali. Kako oni da odgovore na ove izazove, na ovu složenu situaciju? Pa to je nemoguće. Zašto ne jačamo te kapacitete. Imate drugu rutu koja vodi iz CG, pa kod Stoca, stećaka onih možete da vidite kako se kriju, ali uvijek imaju vodiče i za neke novce njih neko sprovodi prema Sarajevu. Mi govorimo, 3250 navodno migranata ima u Blažuju i 700 i nešto ima u Ušivku. Ali koliko ima onih koji spavaju borave u podrumima, garažama koji naši

ljudi izdaju. Koji se kreću bez dokumentacije, bez osobnih iskaznica itd i u svakom slučaju čine krivična djela koja su nedopustiva i za koja bi odgovarali naši građani. Zato smatram da ovo vrijeme koje je veoma složeno zahtjeva da se donose strateške mjere. Dakle ja bih volio da vidim taj strateški plan s obzirom da se ne nazire kraj migrantskoj krizi da li ova zemlja ima Vijeće ministara. Sve je to u nadležnosti državnih organa. Imaju jasnu strategiju ili bar u naznakama strategiju šta treba da poduzmu. A pored ostalog, znate u vrijeme kada je gospodin Radončić, ja se jako dobro sjećam bio ministar sigurnosti, nevladine organizacije su nudile novac, pomoć u neki podračun Ministarstva sigurnosti da se otvori za školovanje graničnih policajaca. I to njih 400 ako se sjećam. Ali zašto mi sada ne bi otvorili, to sada i u tom smislu ću uputiti jednu inicijativu svojevrsnu sugestiju Vijeću ministara da krenu sa strateškim donošenjem strateških odluka, jednog strateškog plana pa da školuje možda hiljadu graničnih policajaca jer na svakih 20 km je jedan policajac. E zamislite to takvu situaciju. To zaista poražavajući podatak. Imate centre za obuku tih policajaca. Imate i u Mostaru, imate u Sarajevu, i treba iskoordinirati to i otvoriti taj podračun, tako da mislim da bi sve općine koje zahvatila migrantska kriza bile voljne i spremne a i kantoni pa i FBiH, pa i entiteti pa i nevladine organizacije, pa IOM da uplate na ime školovanja graničnih policajaca, to je strateški zaista, da bi ojačali naše granice koje jesu lohotne, koje su vrlo slabe, granice koje su porozne, granice koje su nezaštićene, pa to je elementarna stvar i odlika jedne države. Zašto pristajemo na nametnute neke rekao bih norme ili novi način ponašanja ili opstrukcije u krajnjem koje nam nameću neki ljudi koji ne misle dobro ovoj državi. Ja hoću da kažem isto to da zašto sam insistirao ja sam u suradnji sa predsjedavajućim kao inicijator ove sjednice zahtijevao i u neku ruku podnio inicijativu da prisustvuju i predstavnici inspekcija. Znate koliko imamo nevladinih organizacija fotografija gdje se prodaje humanitarna roba koja je namijenjena migrantima. Nešto prodaju migranti, nešto oni koji dijele tu humanitarnu robu a nešto i prodaju i to je za crno tržište. Ali inspekcija je potpuno devastirana kadrovski i u svakom smislu. Nema tih potencijala. Zato bih volio da se i to čuje jer to je sivo tržište. Imate onda gorući je problem oko prijevoza na relacijama prema Vukovićima odnosno Hadžićima, Hadžićkoj opštini ili Rakovici sa Ilidže itd jer se voze migranti. I ni na koji način s obzirom na gužve koje se tamo stvarju ni na koji način ne mogu da se ispoštuje epidemiološke mjere i to je svojevrsna možda epidemioška bomba u smislu da se migranti voze i da je jako pretrpan taj saobraćaj. Evo i predstavnica IOM je rekla da je pretrpan i prekobrojan broj ljudi u migrantskom centru u Blažuju. Sve je pretrpano. Ali naši ljudi imaju pravo da ispunjavaju svoje svakodnevne obaveze i učenici da se prevoze tim prevoznim sredstvima, i insistiram a to je i zaključak Komisije za sigurnost da se na ovim relacijama koje sam pomenuo, sa Ilidže prema Vukovićima itd uvedu druge linije i to će biti konkretan potez Vlade koji ćemo svi mi sigurno pozdraviti da se relaksira ta situacija oko gužvi i prijevoza migranata i naravno naših ljudi učenika, džaka i svih onih koji saobraćaju na tim relacijama. Mene samo zanima kada će Ministarstvo saobraćaja, kada će Vlada u saradnji sa Grasom odrediti to kao prioritet da se otvore neke nove linije kako bi se tim građanima omogućio normalan, pristojan prijevoz. To nije puno i mislim da je toliko kapacitirano naše javno gradsko poduzeće za prijevoz i također Ministarstvo za saobraćaj i Vlada. I to je dakle za mene dobar potez i ono što još hoću da istakne, nikako da dođem do toga, je činjenica da na društvenim mrežama se potiče antimigrantsko ponašanje. Fašizacija stavova vezanih za migrante. Naravno mislim prevashodno na ljude koji pozivaju na Hitlerove metode, to su vrlo opasne tendencije i ja sam to vidio da to rade botovi, taj idiotski soj ljudi koji se ne potpisuju, ali poziva na mržnju prema migrantima, na istrebljenje, na progon, na gasne komore, pometnje itd. I začudo, dobija lajkove od nekih ljudi. To je vrlo ozbiljan problem društveni, socijalni, svaki drugi o kojem treba voditi računa i mislim treba se uključiti i Federalni MUP i sve moguće institucije kako bi se spriječilo da vidimo ko su zapravo ti ljudi, ti zapravo idioti koji rasplamsavaju mržnju prema migrantima. To je nedopustivo. I pored činjenice da su na neki način izazvali incidente kojima smo svjedočili u Hadžićima i Blažuju, pa paljevini tih centara u kojima.

Predsjedavajući:

Kolega Mariću ja se izvinjavam, moram vas upozoriti na vrijeme, 15 minuta pričate.

Poslanik/zastupnik Zvonko Marić:
Ali u ime Kluba govorim i vrlo brzo ću završiti.

Predsjedavajući:
15 minuta je već u ime Kluba. Ali evo privodite kraju.

Poslanik/zastupnik Zvonko Marić:
Evo, onda ću ostaviti za drugu diskusiju. Ali samo da završim misao dakle (nema snimka).

Predsjedavajući:
Zahvaljujem se kolega Mariću. Zastupnica Šahman sljedeća je prijavljena za raspravu.

Poslanik/zastupnik Bilsena Šahman:

Jel me čujete predsjedavajući? E hvala. Pa nekako slušajući naše goste danas i osvrćući se na njihovo ponašanje rekla bih da smo ostali onako sami sebi evo jedino je gospodin Džafer Hrvat tu cijelo vrijeme i jedino ono što smo od njega čuli je istinito na žalost i jedino on rekao pravi problem koji mi imamo u Kantonu Sarajevo. I rekao ga vrlo glasno i jasno da imamo sigurnosni problem i da prvenstveno našim građanima treba pružiti sigurnost. I svaka vam čast na tome, mislim da je to naš problem Kantona Sarajevo, da je migrantski problem, problem države koja ga ne rješava i očigledno smo prepušteni sami sebi i moramo se malo više potruditi zato što smo ovo isto pričali prije godinu i par mjeseci. 30.10. smo imali 2019 godine, zaključke koje smo jednoglasno izglasali vezano za migrantsku krizu pa je onda Vlada Kantona, tada je premijer Forto također se sjeća, i ministar Katica, imali su zaključci a tada je bilo tri puta manje migranata nego danas, koji su također jednoglasno doneseni da ne smije se više otvarati kampova kod nas niti se smiju dovoditi migranti kod nas, međutim očigledno da nas nije niko slušao. Tada smo tražili da se napravi neki kontakt osoba, odnosno povjerenik ili neki ured koji će koordinirati između Ministarstva sigurnosti i IOM-a i to se nije desilo. Ja se nadam da danas je ministar Katica rekao da će biti ta neka radna grupa za kreiranje strategije upravljanja migrantskom krizom i da će oni raditi taj posao ispred Vlade odnosno ispred Skupštine Kantona Sarajevo. Gospođa iz IOM-a zaista nisam očekivala, mislila sam da ta promjena u IOM-u će biti na bolje. I dalje se nadam da će biti na bolje, da će se dešavati, malo više konekcija i mislim da je trebala ostati do kraja da čuje ono što i mi imamo da kažemo jer evo upravo sam danas i pročitala jednu informaciju kako je UNHCR pozvao EU zemlje na njihovo brutalno ponašanje prema migrantima. Bez obzira na sve ovo što neke kolege kažu da su kod nas migranti pretučeni, ne ponašamo se. Mi smo siromašna zemlja u Europi i mi nemamo sredstava da naše sugrađane koji su također puno njih je i gladno i hladno im je, i nisu smješteni kako treba, njima pružimo utočište a kamo li migrantima koji dođu ovdje, i ja nisam čula možda je neko rekao informaciju koja je to dobna i spolna struktura migranata koji su ovdje. Ja ono što vidim, vidim da su to sve vojno sposobni muškarci koji se šetaju ovdje, i nije mi prijatno, jer se oni nalaze ne samo u blizini Blažuja i Hadžića, nego po cijelom gradu. Tako da sam ja pripremila i neke zaključke isto kao što kolega Aljoša kaže ako se ima možda nešto što se poklapa sa zaključcima Vlade ali tražit ću molim vas da napravimo sistem da imaju oni ograničeno kretanje. I da se zabrani njihovo prošenje na semaforima, ispred tržnih centara. Gospodin Hrvat je rekao da nisu imali sagovornika i da ne zna ko je doveo migrante. Kasnije smo čuli da je to Služba za poslove sa strancima odobrila smještaj. Znači opet bez našeg pitanja bez pitanja lokalne zajednice koja najviše trpi u svemu ovome. Mislim da moramo naći načina da natjeramo Europu koja se u ovom momentu licemjerno ponaša u odnosu na nas. Ima naše krivice jer naša država ne funkcioniše. Naše Ministarstvo sigurnosti sada ne funkcioniše i ne može da nametne čak ni u svojoj državi raspodjelu migranata na cijelom području BIH. Ali konstatacije gospođe iz IOM-a da ih neće više dovoditi i koliko sam mogla koliko se sjećam, da se sami snađu da čekamo i da na prirodan način odu iz Bosne. To je poražavajuće. Mi smo ovdje protočni bojler i parking kako skoro svi kažu za migrante. Europa će im zatvoriti vrata, iz Srbije će nam dolaziti. Mi imamo potpisan sporazum sa Srbijom o readmisiji ali nam ništa ne

znači. Evo kolege iz Službe za strance nam je to objasnio. Možemo ih samo vratiti no oni će se opet, pošto su nam granice takve kakve su, opet će se vratiti nazad. Ako su samo dva migranta, jedan koji je u centru napravio onakav kaos, i jedan koji je izvršio ubistvo, samo njih dva su napravili takve strahote, šta da očekujemo od ostalih? Ja koliko god sam naklonjena i želim da pomognem i pomagala sam na početku, zaista nemam nakon svih ovih dešavanja nemam da kažem empatije prema takvim ljudima. Zaključke ću vam poslati, odnosno neka služba vidi da li se nešto poklapa sa ostalima. Ono što je rekao kolega Hasanović, slažem se sa svakom riječju. I mislim da moramo stati u kraj ovome a naše službe ne znam šta rade i ostali, da jača cjelokupni sigurnosni sistem. Ne znam šta radi SIPA, OSA, to je njihov posao. Mi danas imamo trgovinu ljudima, trgovinu narkoticima i da se to sve gleda nijemo i da se prepušta na dva, eventualno tri Kantona da se bore sa svim.

Predsjedavajući:

Zahvaljujemo se zastupnici Šahman. Sljedeći prijavljeni za raspravu je zastupnik Elvis Vreto.

Poslanik/zastupnik Elvis Vreto.

Hvala predsjedavajući. Prije svega želim da se zahvalim predstavnicima Vlade na odgovorima na postavljena pitanja. Moram priznati da mi je razočaranje da su neki predstavnici viših nivoa vlasti koji su danas bili prisutni ovdje dali samo neke uvodne napomene ili obrazloženja, ali evo da li zbog opravdanih ili neopravdanih razloga, zaista ne znam zašto nisu tu da odgovore na pitanja zastupnika. I nadam se da ćemo brzo dobiti i te pisane odgovore koji će im se proslijediti. Ovo ponašanje opet ponavljam ne ulazim u to da li je opravdan izostanak predstavnika viših nivoa vlasti i napuštanje današnje sjednice me podsjeća na Komisiju za sigurnost gdje smo mi u više navrata na sjednicama donosili određene zaključke, slali upite sa određenim prijedlozima i zahtijevali, nikada od viših nivoa vlasti na žalost nismo dobivali kvalitetan odgovor. Ono što želim da pohvalim i vidim da Vlada Kantona Sarajevo u prethodnom periodu radi aktivno na sastancima i na pokušaju da se ovo pitanje pokuša rješavati na kvalitetan način i želim tu aktivnost da pohvalim. Nadam se da će ta saradnja uroditi plodom, vidimo neke efekte i i očekujemo da se oni i u narednom periodu i implementiraju. Ono što je ključno i što sam postavio kao pitanja bila su ko je taj koji je donio odluku, odnosno koja je institucija, evo čuli smo da je to Ured za strance da se migranti smjeste konkretno u privremeni migrantski centar u Blažuju? Drugo pitanje na koje isto tako nisam dobio odgovor a nadam se da će doći u pisanoj formi, ko upravlja migrantskim centrom u Blažuju? Mnogo toga naravno imali smo priliku čuti kroz diskusije kolega s čime se slažem. Ono što želim da istaknem da je čitajući ove zaključke koje je Vlada predložila, čini mi se 14 zaključaka moram istaći da su oni u dobrom dijelu konkretni i da se odnose i pozivaju na institucije koje su nadležne da konkretnim aktivnostima pokušaju riješiti ovo pitanje u saradnji naravno i uz pomoć Vlade Kantona Sarajevo u skladu sa njenim nadležnostima. Ono što sam želio predložiti i to sam uputio na proceduru na skupštinski mail, jeste da se kroz zaključke Vlade, mislim da je to puno bolje nego da predlažem posebne zaključke, u zaključku broj 8 gdje stoji da Kanton Sarajevo odbija uspostavljanje novih migrantskih kampova na području Kantona Sarajevo, doda : „kao i da se postojeći migrantski kampovi Blažuj i Ušivak u što kraćem roku izmjestu u nenaseljena područja a shodno zaključku broj 5. koji je Vlada isto tako predložila, u kojem se kaže da se pitanje smještaja migranata riješi planski formiranjem kampova neposredno uz granicu prelaska kako bi se mogao primijeniti mehanizam readmisije”. To je ta dopuna zaključka. Ja očekujem od Vlade da razmotri. Mislim da je ovo jasna poruka politika i namjere i prema građanima Kantona Sarajevo koje vodi ova Vlada i Skupština. Ono što želim da naglasim još i u čemu dajem podršku. Mislim da je kolega Zvonko Marić to već naglasio, da je to jedan od zaključaka i Komisije za sigurnost, je da se u ovim trenutnim okolnostima i trenutnom stanju pokuša popraviti što se može. Mnogi su govorili kao i Komisija za sigurnost i u ovoj ogradi famoznoj u kampu Blažuju, o video nadzoru, o poboljšanju javnog prevoza. Ja to nisam definisao kroz zaključak. Mislim da to Vlada, mislim da nema potrebe, mislim da može djelovati preko Ministarstva saobraćaja da pojača broj linija na relaciji Ilidža Hadžići, odnosno Ilidža Rakovica, kako bi se rasteretio javni prijevoz odnosno poboljšao i stvorili

kvalitetniji uslovi zbog kako smo čuli blizu 4000 migranata koji borave u kampovima. Na žalost mi nemamo podatak koliko migranata boravi van kampova, evo konkretno u Kantonu Sarajevo, da li je taj podatak dostupan ja ne znam. Uglavnom to su neke stvari koje sam imao potrebu da kažem i ja se nadam da će kroz ovih 14 zaključaka i kroz ove aktivnosti kako lokalne zajednice i Vlade Kantona Sarajevo se pokušati popraviti stanje u kojem se trenutno nalazimo bar po pitanju kampa u Blažuju a naravno tako isto i kampa Ušivak. Eto toliko predsjedavajući. Hvala.

Predsjedavajući:

Hvala zastupniče Vreto. Sljedeća za raspravu prijavila se zastupnica Bibija Kerla.

Poslanik/zastupnik Bibija Kerla:

Jel se čujemo sada? Hvala lijepa. Nažalost nestalo mi je konekcije prilikom mogućnosti da postavim par pitanja za gđu iz IOM-a koja je saslušala pitanja a onda je otišla iz Kantona bez da da bilo kakav odgovor mojim kolegama i kolegicama, pa je možda i bolje što nisam pitala. Mene interesuje koliko je BIH do sada dobila za smještaj migranata? Ko je uzeo te pare i na šta su te pare potrošene? Dalje, nervira me konstatacija da se ne zna identitet migranata koji se trenutno nalaze na prostoru Kantona Sarajevo. Prije par dana ispred Binga dolazi jedan moj sugrađanin daje potvrdu od banke za slanje novca njegovoj mami jer je bolesna. Zašto taj sugrađanin nije otišao u MUP i odnio podatke za tog migranta. Znači pored svih humanitarnih razloga da im pomognemo smatram da je red da i MUP mora imati podatke ko su i odakle su ti migranti. Nisu migranti jedini problem što s e ove teme tiče. Problem su svi oni koje je nabrojao moj kolega Hasanović a to je droga, prostitucija, smještaj i pomoć migrantima za obavljanje nelegalnih radnji. Prijedlog MUP-a o formiranju migrantskog kampa na zaštićenom području Bijambara na opštini Ilijaš je van svake pameti. U vrijeme pandemije covid-19 mi imamo toliko praznih hotela, motela i hostela pa me interesuje zar se nije moglo naći rješenje da se migranti smjeste u te prostore i time se pomogne vlasnicima tih motela, hotela i hostela. Po 80 miliona KM su velike pare, a pa valjda se mogao izdvojiti koji milion da se pomogne migrantima a i vlasnicima hotela, motela i hostela. Ovaj princip smještaja radi za zemlje Zapadne Europe. Pa jel teško prepisati nešto što je dobro? Bitno je da mi komplikujemo do te mjere da te migrante ostavimo na milost i nemilost, hladnoći, i bez krova nad glavom. Zakazali smo na humanitarnom polju, zakazali smo na ljudskoj osnovi ali nezakonskim elementima ove migrantske krize. Ispred DF ide inicijativa prema Vijeću ministara kako riješiti migrantsku krizu u BIH. Do tada ostaje na svima nama da svojim sugrađanima pokažemo da Skupština Kantona Sarajevo i njeni zastupnici misle na sigurnost građana Kantona Sarajevo. Hvala lijepa.

Predsjedavajući:

Hvala zastupnice Kerla. Sljedeći prijavljeni za raspravu Dževad Poturak. Izvolite.

Poslanik/zastupnik Dževad Poturak:

Zahvaljujem predsjedavajući. Bosno i Hercegovino, građani Kantona Sarajevo s obzirom da nismo dobili odgovore od nadležnih smatram da smo poniženi tj stvarno BIH je ponovo ponižena po ko zna koji put. Ja želim da konstatujem nekoliko činjenica u vezi sa cjelokupnom migrantskom krizom u BIH. Ne mogu a da ne spomenem da niko ama baš niko nema konkretan plan stoga moram naglasiti da predsjednik SBB BIH Fahrudin Radončić imao jedini konkretan plan sa svim koracima detaljno šta treba uraditi kako bi se migrantska kriza počela rješavati. Siguran sam da je sada svima jasno da je gospodin Radončić bio u pravu za apsolutno sve izgovoreno u vezi sa migrantskom krizom i smatram da ovo treba javno reći. Sad kada je situacija ovakva kakva jeste svi u BIH moramo raditi na tome da EU i međunarodne organizacije prihvate činjenicu da migrantska kriza kao humanitarni i sigurnosni problem nije samo problem BIH jer migranti su se uputili u razvijene zemlje EU a ne u BIH. Na žalost ova kriza kod nas opasno uništava našu Krajinu a i

Kanton Sarajevo. Svjedoci smo porasta krivičnih djela kako broj ilegalnih migranata raste. U Kantonu Sarajevo se desilo i ubistvo našeg sugrađanina. Kada se vratim na taj period, tada i sada stvarno želim da znam, postavio sam to pitanje nekoliko puta. Ko je sljedeći od naših građana, ko će biti povrijeđen ili ne daj Bože ubijen, čija majka, čija sestra, čiji brat. Ovo su riječi koje sam ponavljao na protestima koji su tada bili. Ono što želim da istaknem i smatram da mi kao Skupština podhitno moramo učiniti a to je da uložimo maksimalne napore i pronađemo adekvatan način u skladu sa zakonom da ilegalne migrante bez identiteta i dokumenata na određeni način izolujemo od domaćeg stanovništva, jer mi ne znamo o kome se to radi, da li je to stvarno neki unesreći čovjek koji ide za boljim životom ili je to ipak neki ubica, terorista, ili pripadnik neke kriminalne grupe. Ljudi moji jedini pravi spas od ove situacije je granica i što veći broj pripadnika policije koji bi zaštitio tu granicu. Znači ja smatram da je potrebno uložiti maksimalne napore u cilju upošljavanja novih policajaca kako bi zaštitili istočnu granicu BiH jer je to glavni uzrok svih ovih problema pa tako i ovog stanja u Kantonu Sarajevo. Svjesni smo da je uzaludno bilo kakvo raspoređivanje migranata u BiH sve dok nam novi ilegalni migranti svaki dan ulaze u našu zemlju. Prvi temeljni korak je zaštititi istočnu granicu BiH. Moramo hitno reagovati jer znamo da sa prolaskom zime i dolaskom ljepšeg vremena novi migrantski val kreće prema Europi. A znamo da smo mi tu u najvećem problemu jer ćemo u ljetnom periodu prema procjenama imati i preko 30.000 migranata na teritoriji BiH. Javnosti je poznato da sam inicirao proteste na Ilidži nakon ubistva našeg sugrađanina te da smo mirnim protestima iskazali šta građani Kantona Sarajevo misle o ovom problemu. Siguran sam da ste uvidjeli izjave građana koji su bili na protestima i da se mogla vidjeti njihova uznemirenost i također velik strah. Bojimo se da ne dođemo u situaciju kako će građani samostalno početi uzimati određene stvari u svoje ruke a to niko od nas ne želi. Svi znamo da su svim građanima zagarantovana osnovna ljudska prava ali se bojim da su našim građanima ta prava jako ugrožena. Građani nemaju nikakvu ni sloboda ni sigurnost. Prosto rečeno, svima je nama, evo ja slušamo mi svi čitav dan o mnogim rješenjima i nama je poznata klinička slika koja je trenutno na stanju ali boga mi bez adekvatne terapije koje još uvijek nema, a sudeći po reakcijama nadležnih, koji eto nisu ni odgovorili na neka pitanja, ja mislim da jako dugo neće biti nikakvih pomaka što se tiče migrantske krize. Stoga mislim da moramo nešto podhitno preduzeti da angažujemo što veći broj policajaca na granici BiH. Predsjedavajući ja se zahvaljujem.

Predsjedavajući:

Hvala zastupniče Poturak. Sljedeći za raspravu prijavljen zastupnik Damir Nikšić.

Poslanik/zastupnik Damir Nikšić.

Hvala predsjedavajući. Ovako, kapaciteti, jel se čujem? Čujem se. Kapaciteti smještaja migranata nisu samo sigurnosno pitanje već prije svega humanitarno pitanje. Ja ne znam kako malo više o tome ne razgovaramo. I procjena smještaja ne smije biti samo i isključivo sigurnosna procjena već prije svega humanitarna i naravno da ne možemo očekivati od policije da pravi takve procjene. Mi zastupnici kao civili, umjetnici, naučnici, intelektualci, sportski i kulturni radnici, građani svijeta ne znam šta, moramo prije svega insistirati na humanom smještaju migranata a tek potom kada propustimo organizovati humani smještaj, na sigurnosnom pitanju na čemu se danas insistira čitav dan. Naravno, sama činjenica da danas uglavnom pričamo o sigurnosti znači da smo već propustili uraditi ono što smo prethodno bili dužni. A to je humani smještaj. Pa se sada moramo baviti posljedicama- kriza ne prestaje biti humanitarna u trenutku kada preraste u sigurnosnu, naprotiv mi i dalje tim više rizikujemo i humanitarnu katastrofu koja prije migrantima. Pogotovo u uslovima svjetske pandemije. Danas smo o tome pričali. Važno je da se na ovoj sjednici izbalansiraju te dvije stvari. Važno je da nismo defanzivni, da ne mislimo samo na sebe, već da mislimo na te ljude. Ne radi se dakle samo o prijetnji i riziku velike koncentracije migranata po lokalno stanovništvo, već bi se trebalo raditi i o prijetnji i riziku humanitarne katastrofe po same migrante u neadekvatnom smještaju za toliki broj ljudi. Čuli smo u prethodnim raspravama i neke ružne primjere ponašanja naših građana prema migrantima. Pored toga što našim građanima policija treba pružiti sigurnost, mi zastupnici, tj ova Skupština, treba imati neki zaključak kojim bi apelovala na naše građane da

budu humani, da ne eksploatišu tuđu nesreću. Jučer je bio dan sjećanja na holokaust i mi smo danas ovdje dužni poslati i takvu jednu poruku građanima Sarajeva kako bi izbalansirali ovu raspravu u oba smjera. Neki od kolegica i kolega zastupnika su i sami imigranti u BiH pa im je u ovoj siromašnoj BiH ipak pruženo da tako kažem utočište i jednaka šansa. Imaju zavidan standard života. Hoću da kažem da migranti nisu samo kriminalci. Gdje su ti intelektualci i stručnjaci među migrantima? Ima li ih? Zar i među njima nema eksperata kao među onih 7%. ako ima jedan dajte da ga tretiramo drugačije i da čujemo o tom slučaju u medijima. Kada će to početi i planira li vlast to početi ili ćemo ih samo jedino tretirati u logorima tj kampovima, kao kriminalce. O čemu se ovdje radi? Dakle ovdje slušamo izvršnu vlast raznih nivoa imenovane zvaničnike, državne organe koji nastoje ovim narativom o migrantskom kriminalitetu i opasnosti po lokalno stanovništvo, po građane Kantona da se predstave kao neko ko brine o javnosti, o građanima i javnoj sigurnosti građana. Neko ko ih brani od migrantske agresije. Samo kako bi skrenuli pažnju sa činjenice da je upravo država i da su upravo državni dužnosnici najodgovorniji za potpuni debakl u vezi smještaja izbjeglica. U vezi humanitarne krize. Humanitarne katastrofe koja prijeti migrantima i koja je međunarodna bruka za BiH. Izvršan vlast na svim nivoima je ta koja je bila dužna rješavati ovaj problem na najhumaniji i najčasniji način. A mi zastupnici iz zakonodavne vlasti smo dužni natjerati tu izvršnu vlast da radi svoj posao. Ne samo u slučaju migrantske krize već i u slučaju vakcinacije protiv covid-19. Mi ovdje svjedočimo disfunkcionalnoj državi na svim nivoima. Mi svjedočimo neradu, nekompetentnosti najviši državnih dužnosnika da se dogovore i organizuju. Ja bih im poručio nemojte vi nas braniti od migranata. Odbranite vi nas od sopstvenog nerada i nehata, kada se radi o smještaju migranata. Očito je da se bavite previše pravnim i stranačkim biznisima i interesima. Niste imali vremena da se bavite humanim smještajem migranata. Da je država na vrijeme organizovala adekvatan smještaj migranata, da su radili svoj posao, mi danas ne bi govorili o sigurnosti građana Kantona Sarajevo. Disfunkcionalni državni nivo se i u slučaju migrantske krize kao i slučaju vakcina protiv covid-19 pokazao kao totalna fula. Građani počinju ozbiljno razmatrati mogućnost da se radi o hrpi neradnika, ublehaša, zabušanata koje skupo plaćamo. Ne samo novcem poreznih obveznika i kreditima koje ćemo morati isplaćivati već i golim životima. Možda je sreća u nesreći o što su na kraju migranti završili u Kantonu Sarajevo, i to upravo sada kada je nova ekspertna Fortina Vlada preuzela izvršnu vlast. Da li je to sudbina tako odredila ili se radi o višoj političkoj sili nije ni bitno. Na testu su norveški standardi Fortine Vlade. Ali i civilizacijske norme glavnog grada bh države. Na testu je Kanton Sarajevo i direktna primjena EU konvencije o ljudskim pravima koja je praktično iznad Ustava BiH, jer u samom Ustavu u članu, glava II, član 2. koji definiše međunarodne standarde stoji da se ona direktno primjenjuje u BiH, tj da njeni akti imaju prioritet nad svim ostalim zakonima. Ja zato predlažem da Kanton Sarajevo ako je ovim postao odgovoran i nadležan za veliki broj migranata i izbjeglica direktno primjeni EU Konvenciju o ljudskim pravima i da na bazi te konvencije direktno pregovara sa europske fondove za ove nesretne ljude. Jednako kao što na isti način namjerava direktno kupiti vakcine jer vidimo da viši nivoi vlasti to neće ili nisu sposobni učiniti u dogledno vrijeme. Hvala vam.

Predsjedavajući:

Hvala zastupniku Nikšiću. Zastupnica Bišćević – Tokić rasprava. Izvolite imate riječ.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo na fonu svih svojih kolega koji su prije mene diskutovali nisam ni ja dobila nešto odgovora koje sam pitala naše uvažene goste. Tačnije pitala sam mislim upravu policije koliko je bilo racija u migrantskim kampovima na području Kantona Sarajevo? To je ono stvarno što mene uopšte interesuje koliko smo vodili računa o unosu a imali smo priliku da vidimo po portalima šta su sve prilikom racije našli u kampu u Blažuju. Također mi nisu rekli zašto migranti nisu obavezni po Zakonu da poštuju policijski sat i nose maske kao što su to obavezni ostali stanovnici Kantona Sarajevo. I već je par zastupnika komentarisalo slučaj da se mora poštovati policijski sat i kako svi građani Kantona Sarajevo tako da važeće odluke trebalo bi da ispoštuju i sami migranti. Na žalost, svjedoci smo da se kreću i dan danas po gradu i poslije

policijskog sata i da ne postoje nikakve zakonske odredbe koje bi u suštini zaustavile takvu vrstu radnji. Svjesno da evo migrantska kriza je danas jedan od najvećih izazova sa kojim se Kanton Sarajevo suočava posljednjih godina. I već smo nekako svi došli do zaključka da se radi o samoj globalnoj krizi. Naravno povećan je priliv svih kategorija migranata koji zahtijevaju obavezu dodatne same mobilizacije, ali ne samo mobilizacije nego i materijalnih i finansijskih i samih ljudskih resursa. Ono što je zabrinjavajuće za sve nas, a evo svi smo to spomenuli, da u principu svi ti migranti ulaze bez ikakvih dokumenata identifikacionih u BIH, i pogotovo na mjestima koja nisu predviđena da kažem za prelazak državne granice. Jučer sam dobila informaciju da su oni svi imenom i prezimenom Muhamed Ali i da su svi rođeni 01.01. tako da mi nemamo nikakve podatke općenito o kojim migrantima je riječ jer naravno MUP Kantona Sarajevo bez nekakvih identifikacionih dokumenata ne može u suštini ni da provjeri o kakvim ljudima se radi. Naravno, spomenuo je kolega Marić kada je rekao prelazak državne granice. Ono što smatram isto kao zastupnik u Kantonu Sarajevo da se mora odobriti više uposlenika Granične policije jer u principu oni su ti koji čuvaju i štite teritoriji BIH. U principu da kažem, većina ovih lica imali su, iskazali su namjeru da traže azil iako za njih BIH uglavnom zemlja tranzita. Međutim evo poslije današnje rasprave svih zastupnika, imam osjećaj nekako da su svi polako izmiču ovom problemu koji nam uzrokuje kao građanima Kantona Sarajevo ova sama migrantska kriza. Ono što je bitno za mene, a već je kolega Nikšić rekao da moramo biti svjesni činjenice da je BIH ratificirala brojne međunarodne dokumente, UN; Vijeća Europe. I evo prije svega ukazala bih i ja na neku univerzalnu Deklaraciju o pravima čovjeka koja je u principu tačno deklarirala dokument koji priznaje pravo gdje oni u suštini mogu uživati azil od samog progona, zatim Međunarodni pakt o građanskim i političkim pravima gdje članom 12. propisano da svako lice slobodno može napustiti bilo koju zemlju uključujući i vlastitu. I također Konvencija o statusu izbjeglica iz 1951 godine i Protokol i statusu izbjeglica iz 1967 godine. Međutim ono ne smatram da je BIH da kažem da nismo toliko humani. U mnogim tim stvarima smo pokazali da jesmo takva država ali građani Kantona Sarajevo s obzirom da već dva kampa imamo u Kantonu Sarajevo su stvarno u strahu jer smo svjedoci da se dešavaju mnoge stvari od krađa, kriminaliteta i napada na naše sugrađane. Tako da i mi smo nekako pokazali tu dozu da prije svega štitimo naše građane Kantona Sarajevo. Ono što bih, što sam već poslala da kažem službama Skupštine Kantona Sarajevo jesu neki moji zaključci i na to mi je kolega Hrvat iz policije već odgovorio da je upućena takva inicijativa, odnosno prosljeđena ispred Opštinskog vijeća Hadžić prema Vladi Kantona Sarajevo 21.01. ja još jednom apelujem na Skupštinu Kantona Sarajevo da podrži ovaj zaključak kojim se obavezuje Vlada Kantona Sarajevo obezbijedi vidove nadzor na području Blažuja i Hadžića, posebno na dijelovima kojima se kreću migranti u blizini kampova. Vijeće je kao i mještani iz MZ Donji Hadžići, gdje je u principu u smješten kamp, tražilo da se postavi taj video nadzor na ulicama na kojim se kreću migranti iz više razloga. A prije svega ono što je nama bitno kao zastupnicima u Skupštini Kantona Sarajevo da je nedaleko od kampa osnovna škola i da veliki broj djece prilikom odlaska u školu susreće sa većim grupama migranata i upravo u slučaju neželjenih situacija da bi mogli razjasniti o kojim neželjenim slučajevima je riječ. Oni su se izorganizovali pa je što se tiče krađa, nekih sitnih krađa uspjeli su riješiti sami mještani upravo na osnovu privatnih video nadzora. Zato smatram da bi jako bilo važno da podržimo ovaj zaključak vezano za video nadzore kako bi mogli spriječiti pogotovo jer se radi o osnovnoj školi, da kažem kriminalitet migranata. Pitala sam (smetnje) tačno da li zna ovaj podatak koliko je policija (smetnje) prevoz migranata? (smetnje) iz razloga zato što svi znamo i javna je tajna da se u suštini dovlače migranti sa teritorije RS-a u režiji privatnih automobila i u principu taj sav video nadzor (smetnje) mogli prepoznati koje vozilo u suštini dovozi same migrante i naravno svi znamo da se radi o krivičnom djelu. Zatim zaključak sljedeći koji sam (smetnje) jeste da se jednom u sedam dana izvrši racija u migrantskim kampovima, čisto da znamo otprilike šta se unosi u te kampove i da se obezbijedi stalna pojača policijska patrola na području Ilidže, Hadžića i Blažuja. (Smetnje). Zaključka Opštinskog vijeća Hadžići bilo je da upućeno Vladi Kantona Sarajevo da se izdvoje novčana sredstva kroz Budžet 2021 za rasterećenje javnog gradskog prijevoza na teritoriju općine Hadžići, tako što bi se uveo veći broj autobuskih linija na relaciji od Hadžića prema centru grada ili uvođenjem posebnih linija za migrante iz migrantskih centara Ušivak kao

gradu i nazad. Ja se nadam da će evo zastupnici podržati ove zaključke kako bi omogućili stanovnicima Općine Hadžići da kažu lakše kretanje i taj nekakav stalni strah od napada koji se stalno dešavaju. Međutim ono što moramo znati da prije svega (smetnja) vidjela sam u zaključcima da će tražiti promjenu tih, uputiti apel za promjenu tih Zakona, to je Zakon o strancima i Zakon o azilu. A već smo pričali u principu kakav status imaju ti ljudi, a to je po pitanju uslova i postupka za odobravanje izbjegličkog statusa, status supsidijarne zaštite, prestanak i ukidanje izbjegličkog statusa, privremena zaštita, identifikacioni dokument, prava i obaveza napuštanja azila, izbjeglice i stranici. Pod zaštitom kao i druga pitanja (smetnje). Također možda bi trebalo staviti u takve zaključke (smetanje) ostavljam vama i Vladi da razmisle za neke izmjene Zakona o graničnoj policiji BiH gdje se u suštini propisuje nadležnost organizacija i upravljanje same granične policije BiH. Evo zahvaljujem još jednom i javit ću se za sljedeću diskusiju.

Predsjedavajući:

Hvala zastupnici Bišćević-Tokić. Sljedeća za raspravu se prijavila zastupnica Neira Dizdarević.

Poslanik/zastupnik Neira Dizdarević:

Hvala predsjedavajući. Također pozdravljam sve koji prate naš današnji rad kao i kolegice i kolege zastupnike. Moji prethodnici su zaista toga rekli, tako da će moja diskusija biti poprilično kratka i predložiti ću određene zaključke za usvajanje na današnjoj sjednici. Ignorantski odnos viših nivoa vlasti koji evo i danas na da kažem potezu poručuje da smo ponovo prepušteni sami sebi da rješavamo ovako veliki problem što je u najmanju ruku licemjerno kada ga ni dosta razvijene zemlje nisu u stanju riješiti. Ali ne samo viši nivoi vlasti, i prethodna Vlada Kantona Sarajevo pokazala je isti takav ignorantski problem prema recimo inicijativi mog kolege zastupnika Vibora Handžića koji je još u mjesecu augustu podnio inicijativu za održavanjem tematske sjednice o migrantskoj krizi. Da smo tada zasjedali u najbolju ruku negdje u septembru ili oktobru moguće da bi smo spriječili određene loše situacije, probleme i tragične situacije jer cijenim da je uvijek bolje imati tematsku sjednicu nego hitnu kako to danas i imamo. Najprije ću pokušati nekako da budemo politički korektni koristeći ispravnu terminologiju pa nekako iz ovog doma poslati i ovu poruku da ovaj izraz „migranti” možda zamijenimo izrazima „ljudi u pokretu” i pored sigurnosnog aspekta, a naravno da je naša dužnost prije svega obezbijediti da naši sugrađani se osjećaju sigurno i zaštićeno. Ne smijemo naravno zanemariti ni aspekt ljudskih prava, o tome su i moje kolege doduše nedovoljno možda ranije i govorili. Voljela bih da također iz ovog doma pošaljemo poruku da se osnovna ljudska prava ne smiju ni u kojem slučaju kršiti a to su makar u smislu osiguravanja minimalnih uslova za život: hrana, lijekovi naravno, smještaj, higijena, koji apsolutno ne bi smjeli biti upitni. U uslovima gdje više ljudi spava u jednom krevetu, gdje nema dovoljno hrane, nema tople vode, a tome smo svjedočili iz medijskih izvještaja, nema grijanja, naravno da raste netrpeljivost, da ljudi gube strpljenje i naravno da se dešavaju neredi. Meni je iz tog razloga žao što sada sa nama nije prisutna i predstavica IOM-a jer korisnici prijavljuju nedostatak neprilagođenosti hrane te nasilje od strane obezbjeđenja. Ja se nadam da će naši današnji zaključci koje ćemo kasnije vjerovatno i usvojiti omogućiti adekvatnije mehanizme nadzora i praćenja cjelokupne situacije a posebno identifikacije neidentifikovanih lica koja se kreću, što smo uočili da je možda najveći problem u Izvještaju koji je danas prezentovao ministar unutrašnjih poslova. Ali je zaista licemjerno očekivati kako sam ranije rekla od naše države da odgovori ovom izazovu kada ni sama EU svjesno krši ljudska prava, prisilno vraća ljude sa svojih granica u našu zemlju, i ista bi morala biti puno proaktivnija i voljela bih da u tom kontekstu nastupaju i naši zvaničnici u rješavanju ove krize, jer ljudi u pokretu koji su sada u BiH su uglavnom vraćeni iz EU, i oni evidentno ne žele biti ovdje a mi nismo u stanju da se nosimo sa ovim izazovom. EU također daje prednosti restriktivnim mjerama. Naravno sve u svrhu zaustavljanja protoka ljudi ka zemljama članicama. Realnost jeste da naše društvo ima unutrašnje probleme koje nismo u mogućnosti sami riješiti, i naravno nismo sposobni da iznesemo još jedan ovako veliki izazov. Bojim se da nismo do sada vidjeli nikakvo institucionalno rješenje, ne znam da li se ono nazire u skorijoj budućnosti ali evo, voljela bih da se nekako osvrnemo i na izvještaj Kantonalnog centra za socijalni rad. Danas se

nismo njime puno bavili a oni su dali određene preporuke odnosno određene zahtjeve minimalne, kako bi unaprijedili rad sa ovom populacijom jer ne smijemo upasti u zamku generaliziranja. U informaciji koja nam je dostavljena od strane Centra za socijalni rad navedeno je da je veliki broj djece evidentirano u periodu oktobar-decembar 2020, kao i prisustvo ostalih ranjivih kategorija, kao što su trudnice, kao što su osobe sa poteškoćama i nemogući izdvajanja žrtava nasilja iz kampova Ušivak i Blažuj i njihovog zbrinjavanja u Sigurnoj kući. Ja ću stoga zamoliti kolegice i kolege da se izjasne o sljedeća tri zaključka, to su dakle zaključci nastali na osnovu preporuka Kantonalnog centra za socijalni rad.

1. To je angažman jednog administrativnog radnika i pravnika u Službi Hadžići i Službi Ilidža za vođenje upravnog postupka imenovanja staratelja;
2. Angažman psihologa u Službi Hadžići i Službi Ilidža za rad sa djecom žrtvama nasilja i žrtvama porodičnog nasilja,
3. Angažman dvije osobe koje će preuzimati dužnost staratelja.

Zaključke sam prosljedila skupštinskoj službi i evo nadam se da ćemo se kasnije o svima izjasniti. Toliko hvala.

Predsjedavajući:

Zahvaljujem se zastupnice Dizdarević. Sljedeća prijava za diskusiju zastupnik Haris Zahiragić.

Poslanik/zastupnik Haris Zahiragić:

Poštovanje. U uvodnom dijelu rasprave u ovoj tački dnevnog reda postavio sam veliki broj pitanja. Na žalost dobio sam malo odgovora. Jedan od razloga je vjerovatno zbog činjenice da su određene osobe kojima su bile postavljena pitanja napustile ovaj online prostor i ovu platformu na kojoj se održavaju sjednice a drugi jeste da je ministar Katica kazao kako je to trebala odgovori Uprava policije, međutim on je ipak ministar i ne može se on ponašati kao potparol Uprave policije. Uprava policije je sastavna uprava u sastavu MUP-a i on je od strane ovog organa ovlašten da govori o svim temama koje smo mi delegirali na Skupštini Kantona Sarajevo na današnjoj sjednici. Kada je u pitanju migrantska kriza generalno, postoje naravno dva aspekta iste: humanitarni i neke kolege zastupnici su prije mene govorili o tome i onaj aspekt krize koji mi kao grad koji je bio pod okupacijom i mi kao građani koji su bili žrtvom tortura i genocida i etničkog čišćenja i u skladu s tim bili mnogi primorani da napuste svoja ognjišta imamo zaista jednu veliku dozu empatije prema ugroženim kategorijama migranata koji su dolazili ovdje. Podsjećam vas da ovaj problem traje već godinama, međutim ja na ulicama ne vidim porodice, maloljetnike, žene, vjerujem da su oni u određenim kampovima također smješteni, međutim, niti ja, niti kolege zastupnici a naravno niti građani Kantona Sarajevo nemamo probleme sa takvom kategorijom migranata. Međutim, ona kategorija migranata koja moguće da je u manjini, međutim onoj glasnoj manjini, zasigurno stvara probleme i meni i svim ostalim građanima Kantona Sarajevo. Ja sam postavio pitanje u ranijim diskusijama o kriminalnim aktivnostima imigranata u krađi, razbojništvu, o prodaji i javnom uživanju droga u svakodnevnom kršenju brutalnom javnog reda i mira iako izvještaji koje smo dobili imali priliku da vidimo, nisu tako govorili. A ja svojim očima gledao, i svaki dan gledam u najužoj jezgri rada na Baščaršiji u Starom Gradu, pa po cijelom gradu svakodnevno kršenje javnog reda i mira, svakodnevne tuče izbadanja noževima itd od strane te skupine migranata koje su organizirane u određene vrste kriminalnih skupina. Svaki drugi imigrant koji učestvuje u tim tučama ima oružje. Za sada je to još uvijek hladno oružje a pitanje je dana kada će početi nabavljati i nositi vatreno oružje. U tom smislu MUP Kantona Sarajevo je dužan da svakog migranata kada ga vidi na ulici prerovi zbog toga što je ipak, iskustvo tako govori, da većina njih nosi oružje. Ono što je također jedna značajna tema jeste slobodno kretanje migranata po užoj jezgri grada. Dakle mi smo, evo krizni štab FBIH, a isto je to mogao uraditi krizni štab Kantona je donio Odluku o ograničenom kretanju građana tj uslovno rečeno kolokvijalno policijski sat koji traje od 11 sati. To ne znači naravno da to nije trebalo da se desi a ukoliko smo mogli svojim građanima zabraniti kretanje onda bi sasvim prirodno bilo da se ograniči kretanje migranata posebno onih koji nemaju

nikakve identifikacione dokumente koji su zapravo ovdje nepoznata lica koja borave na teritoriji Kantona Sarajevo i šire. U tom smislu mislim da bi u tom smjeru trebala politička artikulacija interesa i Skupština na višim nivoima ići jer građani Kantona Sarajevo, a posebno žene i djevojke koje same hodaju žive u strahu i nisu baš u mogućnosti, čim padne mrak, hodati slobodno radi velikih grupa mladih neidentifikovanih osoba koje su često pod uticajem raznih narkotika i droge. Dakle nije ovo na tragu dehumanizacije migranata, daleko od toga, međutim ja govorim ono što se dešava na terenu zaista. I žao mi je da ja sam svojim pitanjima pitao i Vladu i Kolegij Skupštine zašto na ovoj sjednici nije predstavnik Federalnog Ministarstva unutrašnjih poslova, kasnije sam kolegi Čampari postavio neka pitanja, na koja je kao zastupnik mogao odgovoriti, međutim on je kazao da Federalni MUP nije nadležan za migrantsku krizu. Međutim, isključive nadležnosti Federalnog MUP jesu zaista međukantonalni kriminal što jeste vrsta kriminala koji je uglavnom onaj koji se tiče migrantske krize gdje se roba s jednog Kantona koja je ukradena i otuđena uz pomoć razbojništava, najtežih oblika krađe prodaje u drugim kantonima, gdje se organizovano kroz kantone kroz teritoriju cijele FBiH prevoze migranti od strane državljana BiH, gdje migrantske skupine sarađuju sa već dobro organiziranim skupinama ovdje u FBiH. Organizovani kriminal je također jedan od važnosti FMUP i s tim u vezi i kada je sigurnosni aspekt ove migrantske krize u pitanju, sigurno je organizovani kriminal jedna od tema zbog koje građani Kantona Sarajevo često strahuju od tih migranata. Tako da vidimo sa, umjesto da sam dobio odgovore dobio sam par članaka na tabloidu koji se uređuje iz kabineta ministra Čampare ja pozdravljam to ovim putem, jer građani Kantona Sarajevo imaju priliku da vide na šta se pare javnih službi, poreskih obveznika troše i kako, ko prima gdje platu. To je strašna stvar. Imali smo priliku da vidimo ove medije, međutim svaki put na Skupštini se to obistini. Ja drago mi je da ne moram da pravim press kliping nakon svakog mog nastupa u Skupštini, niti da pitam ljude čije mišljenje cijenim kakav je bio nastup jer svaki put kada taj tabloidni portal napiše veći broj tekstova otprilike po tome mjerimo mi u Klubu ko je bio najbolji. Žao mi je evo kolege se ostale smiju, potrudit ću se na sljedećoj sjednici imati više naslovnica na tom opskurnom portalu. A pozivam uvaženog ministra Čamparu i njegov kabinet da konačno se počnu baviti migrantskom krizom. U tom smislu ja predložiti dva zaključka, jedan zaključak glasi ovako:

1. Skupština Kantona Sarajevo poziva Federalno Ministarstvo unutrašnjih poslova da se konačno počne baviti migrantskom krizom sa sigurnosnog i krivično-pravnog aspekta a naravno u skladu sa svojim isključivim nadležnostima, a ranije sam ih opisao.

I drugi zaključak koji bih želio predložiti, koji bi trebao da bude politički zaključak Skupštine Kantona Sarajevo a mislim da mu zaista ima mjesta jeste to da na žalost pojedini zlonamjerni mediji i ukupno pojedina kako je kolega Marić siva ruka u BiH radi već godinama da proširi antagonizme između određenih regiona u BiH i FBiH. S tim u vezi mislim da ti pokušaji nekog razdvajanja su najjači trenutno između Kantona Sarajevo i USK. Želim da mi kao Skupština, kao najviši zakonodavni organ Kantona Sarajevo jedan simbolični zaključak usvojimo i podržimo građane USK na način da izražavamo podršku građanima USK u vezi sa svim problemima sa kojima se susreću u vezi sa negativnim efektima migrantske krize i suosjećamo se sa njima jer Kanton Sarajevo se susreće sa istim ili sličnim problemima.

Mislim da bi to bila lijepa politička poruka podrške građanima Krajine, našim sugrađanima, našim državljanima i dakle ne smijemo dozvoliti da određeni zlonamjernici ili određene sive ruke kako je kolega Marić kazao šire i grad neke loše odnose među dijelovima BiH jer svaki dio BiH podjednako važan. Barem bi morao da bude i meni kao zastupniku i građaninu Kantona Sarajevo i građaninu i državljaninu BiH to zasigurno jeste. Ta dva zaključka ću proslijediti predsjedavajućem Skupštine i molim kolege da ih podrže. I jedna stvar koju nisam zaista mogao da ne primijetim, koja me je na neki način iznenadila, da na cijeloj sjednici se kolega Konaković se nije javio kao osoba koja se nameće da bude lider četvorke. Građani Kantona Sarajevo treba da vide kakav je odnos gospodina Konakovića spram ovako bitne teme.

Predsjedavajući:

Kolega Zahiragiću to nema nikakve vize sa temom.

Poslanik/zastupnik Haris Zahiragić:

Gospodine Okeriću ja znam da ste vi dužni kada čujete njegovo ime da ga branite. Imajte svoj integritet dozvolite mi da govorim, molim vas. Nisam ništa zlonamjerno kazao. Gospodine Konakovića pozivam da nam i on da svoj doprinos, gledao sam ga posljednjih dana na TV.

Predsjedavajući:

Kolega Zahiragiću isključit ću vas.

Poslanik/zastupnik Haris Zahiragić:

Pa, to, samo to i znate da radite.

Predsjedavajući:

Hvala. Zastupnik Mahir Dević se prijavio za diskusiju, izvolite.

Poslanik/zastupnik Mahir Dević:

Čujemo li se predsjedavajući? Zahvaljujem predsjedavajući. Zbog loše konekcije neću paliti video ali nada se da se dobro čujem. Prije svega ovo je jedna izuzetno delikatna tema, vrlo važna tema za cijelu BIH. A evo prije svega da kažem i za ove kantone koji su pogođeni ovom vrstom da je tako kolokvijalno nazovemo krizom. Prije svega USK i Kanton Sarajevo. Jedno izuzetno teško, kompleksno pitanje u situaciji u kojoj državne institucije, odnosno država BIH nije očigledno u stanju zbog svog kompleksnog uređenja preuzme svaku vrstu odgovornosti u vođenju ove migrantske krize i onda se sva ta vrsta nadležnosti koja bi trebala prevashodno da bude na Vijeću ministara i na višim organima vlasti, spušta do kantonalnih nivoa. Evo mi konkretno govorimo u Kantonu Sarajevo o toj vrsti priče. Drago mi je da je premijer Forto dao negativan odgovor na otvaranje novih migrantskih centara na području Kantona Sarajevo, prije svega što smo kao zvaničan dokument od strane MUP-a Kantona Sarajevo i Uprave policije vrlo čudno dobili isključivo kao prijedlog da se nekakav novi migrantski centar otvara na području zaštićenog područja Bijambara. Ne samo zbog toga što se nalazi na području općine Ilijaš, što dolazim iz te općine, već što je to područje zaštićeno zakonom, proglašeno što kažu zaštićenim područjem i i potpuno mi je nejasno u kom pravcu jedna takva vrsta zaključka, na bazi čega, odakle takav prijedlog na osnovu čega takva vrsta analize i to ko predlaže uopće da to bude u sastavnom prijedlogu od strane MUP-a Kantona Sarajevo uz neku vrstu obrazloženja da je to ruralno područje u kojem to treba raditi a zanemarujući činjenicu o ogromnim ulaganjima na tom području prije svega u zaštitu prirode, kultno-historijskog naslijeđa. Vi znate da gore imaju i električni vozići, znate da je gore ogroman prostor zaštićen i da je nulta kategorija zaštićenosti pejzaža u pitanju. Da je zabranjena svaka vrsta gradnje. A da ta kasarna i taj objekat se nalazi bukvalno mreži ili u žici koja je ograđena u tom prostoru. Naravno da ne govorimo o tome da tu nema nikakvih uslova ni kanalizacione mreže, ni vode kako treba. Tako da mi je potpuno nejasno odakle i na koji način jedan ovakav prijedlog od strane MUP Kantona Sarajevo koji je otišao prema Vladi. Ali evo zahvaljujem premijeru Forti koji je eksplicitno odgovorio da je stav Vlade Kantona Sarajevo da se neće više otvarati takvi centri ali me zabrinjava jedna takva vrsta inicijative, jedna takva vrsta prijedloga. Nadam se da ona nije bila političke prirode iako nisam siguran da to nešto u tom smislu nije išlo. Kada su u pitanju zaključci koje su predložili kolegice i kolega na ovu vrlo kompleksnu temu migranata, čini mi se da 99% tih zaključaka ima mjesta, ima smisla. Mi ćemo naravno kao klub SDA iščitati sve te zaključke, i većini tih zaključaka ako ne svima, svim zaključcima dati podršku, da to budem barem jedan mali doprinos od strane ovog Kluba koji je predložio i neke svoje zaključke, prije svega nekoliko zaključaka lokalno vezano za Općinu Hadžiće koja je pogođena tom krizom. Također ne izuzimajući naravno ni općinu Ilidža u kojoj stanje daleko od sjajnog. Jedino što je malo optimistično čini mi se da je i načelnik Ilidže kazao da taj broj sada ipak, čini mi se, ako sam ga dobro razumio, ostaje u nekoj obećanoj kvoti. Znači ne izlazi se iz tog broja. Nadati se da će

se taj broj smanjiti kako zima prođe. Očigledno je ovo jedno kompleksno pitanje i ono će se teško riješiti bilo kakvim vrstama aktivnosti koje će se provoditi na nivou Kantona. Mi moramo doći u poziciju da država BIH ozbiljno pristupi ovom problemu i evo kao što je susjedna Srbija uradila da li smo mi u stanju da formiramo neku agenciju, koja bi preuzela potpunu kontrolu tih migracija i finansiranja, evo i utroška sredstava koja su kolegice i kolege problematizirali. I stvaranja uslova vrlo jasnih procedura, pravila, identifikacije tih ljudi. Čuli smo od kolegica i kolega da svaki od tih migranata koji se zaustavi, kada ga pitaju za imena prezime, svaki je Muhamed Ali. Pa onda imate jel, ne znam, stotine Muhameda Alija, nemate podatke o tim ljudima. Imamo sve probleme naravno o kojem su kolegice i kolege govorile. Nadam se evo da ćemo biti u prilici da damo barem mali doprinos kao Skupština Kantona Sarajevo na razrješenju ove krize i evo još jednom zahvaljujem se svim kolegicama i kolegama na učešću i današnjoj raspravi.

Predsjedavajući:

Zahvaljujem se zastupniku Deviću. S obzirom da je pristigao veliki broj prijedloga za zaključaka od strane zastupnica i zastupnika, trebalo bi donijeti jednu pauzu od nekih pola sata. Da li ima neko od predsjednika od šefova klubova da traži pauzu od pola sata kako bi Vlada razmotrila ove zaključke i objedinila ih.

S obzirom da niko nema ja. Neira Dizdarević imate riječ.

Poslanik/zastupnik Neira Dizdarević:

Pa evo, u ime Kluba Naše stranke molit ću pauzu pola sata.

Predsjedavajući:

Pauza pola sata. Evo najavljujem pauzu od pola sata da se Vlada izjasni. Hvala vam.

NASTAVAK NAKON PAUZE

Predsjedavajući:

Nastavljamo sjednicu. Zbog velikog broja zaključaka koji su dostavile zastupnike i zastupnici Vlada Kantona Sarajevo je neke inkorporirala, neki su već bili sadržani u njenim zaključcima, a neke je odbila sa obrazloženjem. Tako da evo dajem riječ premijeru Forti da nam se obrati. Izvolite premijeru.

Premijer Edin Forto:

Predsjedavajući mi smo razmotrili sve vaše prijedloge zaključaka i tretirali smo ih kao i svoje koje smo usvojili jutros na tematskoj sjednici. Raspravili smo o njima i mogu vam odmah reći da neki od ovih prijedloga su već sadržani u zaključcima koje smo mi dostavili ranije. Evo ako mi dozvolite ja ću samo kratko proći kroz sve, kako bi svako od zastupnika sa prijedlozima znao u kojem statusu su njihovi zaključci. A mi smo onda to usvojili to na Vladi i dostavili vam kao materijal ove koje smo podržali.

Zastupnik Marić koji je dao inicijativu kojom se zabranjuje otvaranje novih migrantskih centara na području Kantona Sarajevo. Samo da kažem da smo mi to jutros u svojim zaključcima potvrdi kroz 3 i 5 od jutros gdje Vlada Kantona Sarajevo odbija da otvara nove migrantske centre na području Kantona Sarajevo.

Sljedeći je također Zvonko Marić koji traži da se ide prema Vijeću ministara da Skupština Kantona Sarajevo da se odredi Vijeću ministara kako bi se resornim ministarstvima aktivirali podračuni utemeljio fond u kojem bi općine, kantoni, entiteti i nevladine organizacije sukladno svojim mogućnostima i opredjeljenjima uplaćivali novčana sredstva itd. Ova inicijativa se odnosi prema Skupštini i mi ćemo vama prepustiti na nadležno odlučivanje ako vi želite usvojiti taj zaključak, mi ne bi to radili u vaše ime.

Također gospodin zastupnik Marić, ovo je inicijativa samo da vidim, da se pojačaju linije javnog prijevoza u opštini Ilidža i Hadžići, posebno Ilidža Vukovići i Ilidža Rakovica. Mi smo suštinski

prihvatili ovaj zaključak i mi ćemo poduzeti kao Vlada neophodne korake da realizujemo ovo u skladu sa mogućnostima a nakon usvajanja budžeta 2021 kao i dogovara sa IOM koji može podržati ovakve troškove u smislu pojačanja linija gradskog prijevoza tamo gdje se migranti pojačano kreću.

Zastupnica Neira Dizdarević koja je zahtijevala da se, ja ću ukratko njen sažetak dati da se Centra za socijalni rad Kantonalni, pojača ljudskim i materijalnim kapacitetima kako bi mogli sprovesti sve svoje potrebe prema građanima Kantona Sarajevo. Ali i prema migrantima koji su u povećanom broju imali neke potrebe u ovoj službi, posebno kada se radi o maloljetnicima i o nasilju prema ženama, djecom. Mi smo suštinski ovo već uradili jer je ministrica Prvulović već u razgovorima sa predsjednicom IOM-a pokrenula ovo pitanje i mi ćemo u skladu sa usvajanjem našeg budžeta za 2021 ali i dogovoru sa IOM pokušati da kapacitiramo Centar za socijalni rad na način da mogu odgovoriti izazovima u migrantskoj krizi. Sljedeći zaključak je Bilsena Šahman, zastupnica je dostavila nekoliko zaključaka. Tražila je da se formira Ured posebnog povjerenika koji će ići na sve sastanke, svih nivoa vlasti i izvještavati Skupštinu i Vladu na način da budemo potpuno obaviješteni oko svih dešavanja o migrantskoj krizi, svih podataka, analiza itd. Samo smo malo modificirali i usvojili smo da ćemo uvesti ne Ured nego jednog povjerenika kog će Vlada imenovati i koji će raditi upravo ovo što je zastupnica Bilsena predložila. Također zastupnica Šahman je rekla da trebamo, ja sada radim sažetke da ne čitam doslovno, da se od međunarodnih organizacija, prvenstveno od IOM-a da sva ona opterećenja koja imamo vezano za migrantske centre, da vidimo koji su sve resursi naši opterećeni, posebno kada se radi o MUP Kantona Sarajevo, ZHMP; KJKP; Domu zdravlja, Centru za socijalni rad koji sam već pomenuo, i da zajedno sa IOM iznađemo način da oni materijalno pomognu ove institucije i firme u onom djelu u kojem oni rade sa migrantskom populacijom. Ovo prihvatamo i ovo ćemo uraditi na prvom sljedećem operativnom sastanku sa IOM:

također je zastupnica tražila da se nalaže zabrana kretanja migrantima nakon 19 sati. Mi ne podržavamo ovaj zaključak jer bi to izazvalo veliki pritisak na našu policiju koja pitanje koja sa koliko takvih materijalnim resursima bi morali raspolagati da drže pod kontrolom apsolutno svo kretanje nakon određenog tretmana. Posebno imajući u vidu da ovi ljudi žele da odu. Također imamo da vidim jesam li preskočio, ima još od zastupnice Šahman pardon. Nalaže se zabrana prosjačenja i neovlaštene prodaje. Ovo je već adresirano zakonom i mislim da nema potrebe da radimo zaključak, zabrana već postoji prosjačenja zakonska zabrana.

I jedan zaključak kojim premijer Kantona Sarajevo i ministar unutrašnjih poslova treba da zatraže zvanično od ministra sigurnosti BIH da pokrene aktivnosti oko dislociranja migranata u drugim dijelove u smislu da svi podnesu jednak teret krize. Ovo već imamo u svojim zaključcima od jutros pod 3 i 5 koji su vam dostavljeni.

Zastupnik Vreto on je tražio da Kanton Sarajevo odbije uspostavljanje svih novih migrantskih kampova na području Kantona Sarajevo. To smo usvojili kroz svoje zaključke. Ali je tražio da se u što kraćem roku izmjestu u nenaseljena područja naši kampovi u Blažuju i Ušivak a na osnovu Odluke Predsjedništva BIH iz 2020. ovaj dio jedan smo riješili već jutros pod zaključcima 3 i 5. a mi nemamo nadležnost da izmještamo ove kampove i nisam siguran da bi izglasavanje takvog zaključka bilo praktično i izvedivo za Kanton Sarajevo.

Imamo parlamentarna grupa Čampara – Hodžić. Sljedeći zaključci:

Obustaviti dalji dolazak i prihvatanje migranata u Kanton Sarajevo te zatražiti od Vijeća ministara da se vrši ravnomjerna raspodjela migranata na teritoriju cijele BIH. Ova ravnomjerna raspodjela migranata na teritoriju cijele BIH provejava kroz mnoge zaključke i diskusije. Mi potpuno to podržavamo. I imamo to u svojim zaključcima od jutros. Također formirati radno tijelo Skupštine Kantona Sarajevo koje će biti u svakodnevnoj komunikaciji sa predstavnicima IOM, Ministarstvom sigurnosti kao i službom za poslove sa strancima. Mi ne možemo formirati tijelo u Skupštini Kantona Sarajevo, to bi trebala raditi Skupština Kantona Sarajevo a evo mi ćemo po prijedlogu iz Skupštine imenovati jednog povjerenika koji može učestvovati u radu tog tijela ukoliko ga Skupština formira.

Također sljedeći prijedlog zaključka, osigurati novčana sredstva za nabavku sistema video nadzora, i njegovu uspostavu u prihvatnim centrima i omogućiti pristup MUP Kantona Sarajevo. Ovo možemo prihvatiti po usvajanju budžeta i nakon također diskusije sa IOM.

Uspostaviti evidenciju ulaska izlaska svih smještenih migranata u kampove koji egzistiraju na prostoru Kantona Sarajevo kao i elektronske evidencije svih smještenih migranata na način da baza ima fotografiju i otisak prsta. Ovo na žalost nije u našoj nadležnosti i ne možemo ovo izvesti.

Zaduži MUP Kantona Sarajevo da najmanje jednom sedmično nenajavljeno izvrši pretres prihvatnih centara u Kantonu Sarajevo. Mi ne možemo ovakvu odluku donijeti jer je ovo operativni rad policije i policija u skladu sa potrebama sigurnosti građana Kantona Sarajevo treba da odluči operativno da li će negdje upadati ili neće. Mi nikako ne bi htjeli donijeti zaključak koji je ovako formulisan.

Zadužiti Ministarstvo zdravstva Kantona Sarajevo da iskoordinira pitanje pružanja primarne zdravstvene zaštite za migrante, slažemo se. Punktovi primarne zdravstvene zaštite već postoje. I to su ispostave DZ i radi se sa međunarodnim partnerom Danskim komitetom. I ovo podržavamo kao zaključak u smislu ili uspostave novih po potrebi ili unapređenje ovih punktova. I ovo će također biti vezano za usvajanje budžeta 2021 godine i od dobre volje ili saradnje sa međunarodnim partnerima.

I na kraju zahtijevati od IOM- a da dostavi protokole za postupanje u prihvatnim centrima po kojima su regulisane osnovne tehničke stvari, u sličnim kampovima u drugim drugim državama kako bi se izvršila usporedba i eventualno se koristile te prakse za poboljšanje stanja i kod nas. Ovo je u redu. Mada i Skupština ima mogućnost da ovo zahtjeva ali mi možemo također tražiti od IOM- a da nam dostavi kako su kampovi riješiti u drugim državama u smislu najboljih praksi.

Jasmina Bišćević-Tokić predlaže da Skupština Kantona Sarajevo usvoji zaključak kojim se obavezuje Vlada Kantona Sarajevo da obezbijedi video nadzor na području Blažuja i Hadžića posebno na dijelovima gdje se kreću migranti. Ovo želimo podržati. Naravno sa usvajanjem budžeta i u saradnji sa IOM.

Jasmina Bišćević-Tokić predlaže da Skupština Kantona Sarajevo usvoji zaključak kojim se obavezuje MUP da najmanje jednom u sedam dana izvrši raciju u migrantskim kampovima. Ovo sam već odgovorio, bio je sličan prijedlog u jednoj od prethodnih inicijativa.

I Jasmina Bišćević-Tokić predlaže da Skupština Kantona Sarajevo usvoji zaključak kojim se obavezuje MUP Kantona Sarajevo da obezbijedi stalne i pojačane policijske patrole na području Ilidže, Hadžića i Blažuja. Moramo reći da Uprava policije već radi pojačane kontrole i ovo je jedna od onih stvari koje je operativno djelovanje Uprave policije na koje mi ne možemo utjecati osim da kažemo da pojačaju sigurnost, što oni i rade.

Jasmina Bišćević-Tokić još jedna i mislim da je ovo zadnji od predloženih zaključaka, zahtijevamo od Vlade Kantona Sarajevo da u budžetu za 2021 i od IOM-a da izdvoje novčana sredstva za rasterećenje javnog gradskog prijevoza na području općine Hadžići. Uvođenje većeg broja autobuskih linija od Hadžića prema centru grada ili uvođenjem posebnih linija za migrante iz migrantskog centar Ušivak ka gradu i nazad. Ovo podržavamo i kao što je jedna prethodna inicijativa bila, inicijativa za zaključak. Ovo ćemo raspravljati zajedno sa IOM i pokušati ovo ostvariti. Evo moram reći da je u Skupštine došao niz konstruktivnih prijedloga od kojih smo dobar dio podržali, što naravno ne sprečavaju skupštinu da u skladu sa svojim ovlastima donese još neke zaključke. Toliko od nas. Hvala.

Predsjedavajući:

Zahvaljujem se premijeru. Ja ću sada pozvati zastupnike i zastupnice koji su delegirali svoje zaključke da li su zadovoljni odgovorom i prijedlogom Vlade. Uvaženi zastupnik Zvonko Marić da li ste zadovoljni odgovorom i prijedlogom Vlade i da li ostajete pri svojim zaključcima i tražite da

se Skupština izjasni svim vašim zaključcima ili ste zadovoljni sa prijedlogom premijera koje je naveo.

Poslanik/zastupnik Zvonko Marić.

Zahvaljujem predsjedavajući. Mislim da je došlo do nesporazuma mislim. Meni je potpuno jasno ali sam želio da podsjetim neke ljude koji su rekli tim zaključkom da potvrdimo ono što već imamo odluku Skupštine Kantona Sarajevo da nema otvaranja novih migrantskih centara. Ponukalo me izlaganje, to sam rekao, gospodina Katice. O tome nema govore, jer je to odluka sa zakonskom snagom i htio sam samo da na neki način pojačamo to i da svako od nas ima u vidu tu odluku koja ima zakonsku snagu. I da nema o tome razgovara i pregovora sa bilo kim niti bilo kojom organizacijom. Znači mi smo najviše zakonodavno tijelo i htio sam samo da to pojačamo. Što se tiče linija autobuskih mogu da prihvatim, samo je djelimično i da Vlada i taj moj stav, odnosno zaključak, inicijativa korespondira sa zaključkom to sam već napomenuo, komisije za sigurnost čiji sam ja predsjedavajući. Mi smo donijeli takav zaključak. Ja bih volio da Vlada, evo ne moramo se izjašnjavati ali sasvim sigurno da ću insistirati na tome da se uvedu dodatne linije jer je alarmantno stanje kada je riječ o prevozu. To smo i kao Komisija za sigurnost i ja kao čovjek koji je u tom radnom tijelu želim da se to što prije provede u djelo. Što se tiče strateškog poteza ostajem pri tome neka se Skupština izjasni da vidimo da li smo za taj strateški potez da pojačamo graničnu službu, kao inicijativu da pošaljemo, kao jednu vrstu sugestije prema višim organima i višim instancama i da lokalna samouprava kantoni i ostali pomognu jačanju kapaciteta Granične službe. Ostajem pri toj inicijativi i neka se Skupština izjasni jer mi moramo učiniti nešto i neke strateške odluke donositi a ne baviti se kojekavim stvarima koje su više protokolarnog karaktera, da uradimo mi što je do nas. Mi pokrećemo inicijativu, sugeriramo višim organima vlasti da to učine a naravno i pozivamo, animiramo i nevladin sektor i međunarodne organizacije jer znam da je takva inicijativa, to sam rekao podnesena u ono vrijeme i ponuda je bila da se otvori jedan žiro račun ili fond u kojem bi se uplatilo za školovanje 400 graničnih policajaca. Jel to imamo dovoljno graničnih policajaca?

Predsjedavajući:

Kolega Mariću ja bih vas molio da ne ulazite u diskusiju i obrazlaganje svakog zaključka. Evo imamo pred sobom. Samo kažete hoću da se Skupština izjasni.

Poslanik/zastupnik Zvonko Marić.

Ostajem pri tome. Eto završio sam.

Predsjedavajući:

Još jedno pitanje, ja kako sam shvatio premijera, vaša dva zaključka prihvaćena jedan ovaj koji nije vi tražite da se stavi na glasanje.

Poslanik/zastupnik Zvonko Marić:

Da se Skupština izjasni.

Predsjedavajući:

OK. Evo idemo odmah.

Molim zastupnike da se izjasne o inicijativi zastupnika Zvonke Marića:

„S obzirom da migrantska kriza potresa našu zemlju i budući da se ne nazire njen kraj, potrebno je donositi drugačije strateške mjere u nastojanjima da se upravlja krizom koja je zahvatila BiH. U tom smislu je potrebno da se Skupština Kantona Sarajevo odredi spram sugestije prema Vijeću ministara BiH da se resornim ministarstvima aktiviraju podračuni ili utemelji fond u koji bi općine, kantoni, entiteti i nevladine organizacije sukladno svojim mogućnostima i opredjeljenjima uplaćivali novčana sredstva za školovanje i osposobljavanje graničnih policajaca. Time bi doprinijeli da se u nastavnim centrima u Sarajevu i Mostaru, odškoluju granični policajci koji bi

osiguravali granice BIH, posebno na područjima na kojima prelazi ogroman broj nelegalnih migranata.

Poznato je da je stanje u ovom segmentu poražavajuće i da je kadrovska podkapacitiranost Granične policije poražavajuća i da se na svakih 20 kilometara može rasporediti tek po 1 granični policajac. Vjerujemo da bi Vlada i Skupština Kantona Sarajevo, usvajanjem ovakve inicijative poslala jasnu poruku da želi sistemski i dalekosežnije rješavati probleme migrantske krize.

Pored te mjere, apeliramo da se što prije pristupi deportaciji nelegalnih migranata u skladu sa zakonskom regulativom.

Ukoliko se bez odlaganja pristupi ovom procesu, biće poslana jasna poruka da BIH želi sistematično rješavati probleme vezane za migrantsku krizu uz poštivanje svih zakona i preuzetih obaveza, kao što je slučaj sa Sporazumom o readmisiji koji je potpisan sa Republikom Srbijom, odakle prelazi najviše migranata dolazi”.

Molim zastupnike da se izjasne. Zaključujem glasanje. Za inicijativu zastupnika Zvonke Marića glasalo je 28. protiv i suzdržanih ništa.

Konstatujem da je ova inicijativa usvojena.

Evo imamo zastupnika Damira Nikšića koji želi nešto kratko da kaže, izvolite.

Poslanik/zastupnik Damir Nikšić:

Predsjedavajući hvala vam što ste mi dali riječ jer upravo sam dobio poruku da ljudi koji su nosili hranu migrantima zatekli su ih prebijene brutalno. Prije četiri dana policija ih zatekla na ulici svezala, uvela u kombi, nogama, šakama, palicama udara, svi su bili svezani, barem jedan od tih migranata je maloljetan. I to se već dešava danima traje. Neke odvoze izvan grada u šumu, kako kažu, tamo ih tuku, oduzimaju im novac, telefone. Tako da oni mole ljude da im pričaju novac da ga sačuvaju od policije. E ja sada kažem, molim vas, molim vas da kada već pravimo neke zaključke da zaključimo isto tako moramo zaštititi ove ljude od policijske brutalnosti u Kantonu Sarajevo. I da je to naša obaveza nas kao zastupnika ovdje. Ja ne želim da bude u istoriji zapamćen kao zastupnik koji je bio dio policijske neke države. Jer mi čitav danas dan pričamo samo o tim stvarima a ne pričamo o pravima ovih ljudi i o tome da postoji, zaista postoji policijska brutalnost. I molim vas da obratimo pažnju na ovo da ne budem jedini glas od svih ovih 30 i koliko ljudi u Skupštini koji o tome govori. Molim vas. Hvala vam.

Predsjedavajući:

da li zastupnica Neira Dizdarević prihvata prijedlog i da li je zadovoljna odgovorom Vlade kada je u pitanju zaključak?

Poslanik/zastupnik Neira Dizdarević:

Hvala predsjedavajući. Pa evo prihvatom izjašnjenje premijera vezano za moje predložene zaključke kao i implementaciju istih i nadam se unaprijedi ukoliko bude potrebe za tim. Tako da mi je OK ovo što je premijer predložio.

Predsjedavajući:

Zahvaljujem zastupnice Dizdarević. Zastupnica Bilsena Šahman, da li je zadovoljna odgovor i prijedlogom Vlade s obzirom onako kako sam ja upratio da su pojedini zaključci usvojeni.

Poslanik/zastupnik Bilsena Šahman:

Hvala predsjedavajući. Slažem se s odgovorom Vlade i premijera, prihvaćeni su neki zaključci. Ovo je ako pritisak na našu policiju da se zabrani kretanje poslije 19 onda je u redu. Ali ovo za prosjačenje onda da se malo više povede računa o tome prije svega zbog epidemiološke situacije, i stajanje njih na semaforima i ispred, iz tog razloga da malo više se kontroliše to. Ovo ostalo je u redu.

Predsjedavajući:

Kolegice Šahman zahvaljujem se. Zastupnik Elvis Vreto također je podnio zaključak da li je zadovoljan odgovorom i prijedlogom Vlade?

Poslanik/zastupnik Elvis Vreto:

Hvala predsjedavajući. Pa moram priznati da nisam zadovoljan na koji način mi je objašnjeno zbog čega se ne prihvata posebno kada se govori o tome da to nije naša nadležnost. Ja ne znam da li su na kvalitetan način pošto je bilo puno zaključaka, razumijem, možda i umor čini svoje, ja sam se jasno pozvao shodno zaključku broj 5. kada sam dodao ovaj dio prijedloga. A u zaključku broj 5. stoji da se pitanje smještaja migranata riješi planski, formiranjem kampova, neposredno iz granicu prelaska kako bi mogao primijeniti mehanizam readmisije. Pa ja se pitam kako je zaključak broj 5 u skladu sa našim nadležnostima a moj dodatak zaključku 8 nije. To me zaista zbunjuje. I volio bih ako mogu da dobijem pojašnjenje.

Predsjedavajući:

Premijeru možete li dati dodatno pojašnjenje zastupniku Vreti?

Premijer Edin Forto:

Naše odbijanje za uspostavu novih migrantskih kampova u Kantonu Sarajevo ima dio broj zaključak 5 da se pitanje smještaja migranata riješi planski, formiranjem kampova, neposredno iz granicu prelaska kako bi mogao primijeniti mehanizam readmisije. Zastupnik Veto je vjerovatno u pravu u dijelu da mi nismo rekli da je ovo inicijativa. Ovo je naše insistiranje i uvijek će biti prema višim nivoima vlasti koji ovo i rade. Ne možemo mi uz granicu kao Kanton Sarajevo otvarati kampove. To je logično. I izvinjavam se zastupniku Vreti. U ovom slučaju ako i ovo bila inicijativa prema višim nivoima vlasti onda bi se to poklopilo sa ovim našim zaključkom od jutros. Međutim još uvijek stoji da mi nemamo nadležnost da sami izmještamo već postojeća dva kampa iz Kantona Sarajevo. Evo ako zastupnik Vreto prihvata ovo obrazloženje da mi možemo napraviti ispravku u zaključku da je to naša inicijativa prema višim nivoima vlasti da se to riješi onako kako struka već nalaže.

Predsjedavajući:

Hvala premijeru. Zastupniče Vreto jeste li zadovoljni odgovorom. Povlačite li?

Poslanik/zastupnik Elvis Vreto.

Hvala predsjedavajući. Meni je žao možda je pogrešno shvaćena ova dopuna ja nisam insistirao da se izmjesti već da Vlada traži da se izmjesti shodno zaključku 5 ukoliko bi u budućnosti bio proveden. To je suština. To je cijela dilema koju smo očito i razlika koju imamo. Ja sam svjestan naših nadležnosti niti tražim da mi to učinimo, niti možemo ali možemo tražiti od onih koji su nadležni shodno zaključku 5 ukoliko bude proveden.

Predsjedavajući:

Niste mi opet odgovorili ne znam sada da li da stavim na glasanje jeste li zadovoljni prijedlogom Vlade?

Poslanik/zastupnik Elvis Vreto:

Ako će to Vlada uputiti kao inicijativu prema višim organima poštujući zaključak broj 5. apsolutno nemam problem da ne glasamo o njemu. Bitna je suština da se nešto uradi po tom pitanju. Manje je važno da li će to stajati sada u ovim zaključcima.

Predsjedavajući:

Premijeru ide li ovo kao inicijativa Vlade prema višim nivoima.

Premijer Edin Forto:

Pošto smo mi već imali dvije sjednice danas na temu, sa donošenjem dva skupa zaključaka, predlažem da vi ovo ipak izglasate i onda ćemo mi to kao izglasan zaključak Skupštine sprovesti. Tako da tu neću biti problem. Ali molim vas da se vi izjasnite i da to izglasate ako se zastupnici slažu da to treba da se izglasa.

Predsjedavajući:

Zastupniče Vreto vi tražite dopunu vladinog zaključka. Niste zadovoljni sa ovim odgovorom. Jedino možete dostaviti evo do kraja svoj zasebni zaključak ako želite da stavimo na glasanje. Jedino tako možemo uraditi. Evo ja idem dalje s inicijativama, jel se slažete sa ovim mojim prijedlogom?

Poslanik/zastupnik Elvis Vreto:

Predsjedavajući ako može samo malo. Ja ako sam shvatio, možda smo ovdje nekako se, možda i umor čini svoje. Premijer traži da mi uvrstimo, Vlada prihvata ako, pošto su oni odbili, da ja ostanem pri zaključku i da ga mi izglasamo da postane sastavni dio ovih zaključaka. Tako sam ja shvatio. I da nema potrebe da posebno.

Predsjedavajući:

Zastupniče Vreto ne možemo mi kao Skupština dopunjavati prijedlog Vlade. Možemo samo vaš zasebni zaključak staviti na glasanje.

Poslanik/zastupnik Elvis Vreto:

U redu, shvatam. Evo ja ću uputiti posebno ovaj zaključak vezano koji neće biti sastavni dio zaključaka Vlade.

Predsjedavajući:

OK. hvala. Idemo dalje. Zastupnik Aljoša Čampara, također imao nekoliko zaključaka od koje je Vlada neke prihvatila, neke objasnila da su već inkorporirani. Za neke da nisu nadležni. Da li ste zadovoljni prijedlogom i odgovorom Vlade?

Poslanik/zastupnik Aljoša Čampara:

Zahvaljujem predsjedavajući. Ja sam zadovoljan. Uglavnom je veliki dio inkorporiran, jedan dio je i prihvaćen. A ovaj zaključak koji sam predložio vezano za rad policijskih službenika u kamp, ja sam to upravo uradio iz razloga svjestan činjenice da Uprava policije mora imati odobrenje i nadležnog suda, možda malo da pojačamo i da damo na snazi Upravi policije, ali možda je malo pretenciozno bilo svakih sedam dana. Možda to da bude u mjesec dana. Na kraju krajeva nije kasno da mi to i u nekom narednom periodu ako vidimo da to ne ide baš onom dinamikom kojom smo mi željeli, ali mislim da bi dobro bilo da policija redovno vrši i pretrese i da ulazi u raciju jer ipak se tamo nalazi 3000 migranta i mislim da tu nećemo ništa izgubiti. Ali uglavnom, zadovoljan sam i saglasan sam sa svim ovo što je Vlada prihvatila i ne insistiram dalje na bilo kom glasanju.

Predsjedavajući:

Hvala zastupniče Čampara. Zastupnica Bišćević- Tokić također imala nekoliko zaključaka. Premijer je objasnio da se s nekim slaže, neki su inkorporirani, neke ne mogu prihvatiti zbog nadležnosti Vlade. Da li ste zastupnice Tokić zadovoljni sa prijedlogom premijera i Vlade, da li tražite izjašnjenje?

Poslanik/zastupnik Jasmina Bišćević-Tokić:

Predsjedavajući koliko sam shvatila premijera Fortu od četiri zaključka koja su bila moja tri su prihvaćena. Samo bih željela pojašnjenje vezano za video nadzor. Znači jedna inicijativa odnosno zaključak bio je da to bude unutar kampa a ja sam tražila da bude dio i van kampa pod video nadzorom, radi osnovnih škola. Pa samo želim da mi potvrdi još jednom da je prihvaćen takav zaključak i da je uvršten u zaključke Vlade. Naravno prihvatam od četiri tri je sasvim dovoljno. Ali tražim samo pojašnjenje.

Premijer Edin Forto:

Predsjedavajući ja mogu ponuditi pojašnjenje. Tačno je zastupnica Bišćević-Tokić je u pravu. I mi smo također tako interpretirali, čak smo u ovom zaključku dopune zaključaka, znači to su ovi vaši usvojeni, gdje fino kažu posebno na dijelovima na kojim se kreću migranti i u blizini kampova. Znači podrazumijeva se i van kampova da se pojača video nadzor tamo gdje se migranti pojačano kreću. Tako da potvrđujem da je to prihvaćeno.

Predsjedavajući:

Zastupnice Bišćević-Tokić jeste li zadovoljni odgovorom?

Poslanik/zastupnik Jasmina Bišćević-Tokić:

Jesam, zahvaljujem predsjedavajući. Nema potrebe za daljim glasanjem što se tiče ovog jednog zaključka.

Predsjedavajući:

Hvala. Zastupnik Haris Zahiragić, premijeru možete li dati obrazloženje da li je razmatran i ne vidimo ga vamo u prijedlozima.

Premijer Edin Forto:

Predsjedavajući, zastupnik Zahiragić je dostavio neku vrstu konstatacije vezano za institucije koje nisu u našoj nadležnosti. Mi se nismo ni izjasnili o tome, nismo znali kako da predložimo to kao neke vrste naših zaključaka.

Predsjedavajući:

Hvala premijeru, zastupnice Zahiragić jeste li zadovoljni prijedlogom i odgovorom premijera na vaše zaključke.

Poslanik/zastupnik Haris Zahiragić:

Predsjedavajući, u pravu je gospodin Forto ovo i nisu bili zaključci namjereni Vladi Kantona nego Skupštini Kantona Sarajevo, jedan i drugi. Prvi je vezan za podršku simboličnu političku građanima Krajine i razumijevanje i empatije od strane organa predstavljanja građana Kantona Sarajevo. Da bi smo spriječili negativne pokušaje i to sam poželio da Skupština usvoji. A i drugi zaključak kada je u pitanju poziv nadležnom federalnom Ministarstvu da se uključi aktivnije također je bio namijenjen za Skupštinu. Tako da ja tražim da se Skupština izjasni o istim zaključcima. Hvala.

Predsjedavajući:

Zahvaljujem zastupnice Zahiragić. Pozivam Skupštinu da se izjasni o zaključcima zastupnika Zahiragića.

1.

Pozivamo Ministarstvo unutrašnjih poslova Federacije Bosne i Hercegovine da se konačno počne baviti migrantskom krizom sa sigurnosnog i krivično pravnog aspekta, a u skladu sa svojim isključivim nadležnostima.

Pojedinačno ćemo se o svakom zaključku izjašnjavati. Pozivam zastupnike i zastupnice da se izjasne. Zaključujem glasanje. Za inicijativu zaključak gđina Zahiragića, glasalo je ZA 13, protiv 2, suzdržanih 11. Konstatujem da ovaj zaključak nije usvojen.

Drugi zaključak:

2.

Izražavamo podršku građanima USK i Bosanske krajine, a u vezi sa svim problemima sa kojima se susreću u vezi sa negativnim efektima migrantske krize i suosjećamo se jer Kanton Sarajevo se susreće sa istim problemima.

Molim zastupnice i zastupnike da se izjasne. Zaključujem glasanje konstatujem da je za drugi zaključak zastupnika Zahiragića glasalo ZA 32 zastupnika, protiv ništa, suzdržanih ništa. Konstatujem da je ovaj zaključak inicijativa usvojena.

Zastupniče Vreto da li imate spreman svoj zaključak?

Poslanik/zastupnik Elvis Vreto:

Predsjedavajući evo upravo šaljem na mail službe a mogu ga pročitati a onda da šaljem na.

Predsjedavajući:

Pošaljite na mail službe a ja ću do tada pročitati zaključke Vlade izvorne i ove dopunske.

Zaključci Vlade Kantona Sarajevo:

U cilju humanog pristupa migrantima, potpuno poštivajući međunarodne konvencije i prava migranata, zabrinuti za opću sigurnost, javno zdravstvo te ličnu i imovinsku sigurnost građana, smatrajući nedopustivim djelovanje bez saglasnosti i konsultacija sa nižim nivoima vlasti koje nose najveći teret migrantske krize, Vlada Kantona Sarajevo, donosi zaključke:

1. Zahtijevamo da Vijeće ministara Bosne i Hercegovine i nadležne državne institucije preuzmu odgovornost cjelovitog upravljanja migrantskom krizom uz puno uvažavanje nadležnosti i mišljenja nižih nivoa vlasti;
2. Da Predsjedništvo Bosne i Hercegovine i Vijeće ministara Bosne i Hercegovine hitno, a najkasnije do 28.02.2021. godine donese Odluku o ukupnoj podnošljivoj kvoti broja migranata u Bosni i Hercegovini i ukupnoj podnošljivoj kvoti broja migranata unutar kampova u Bosni i Hercegovini;
3. Da Vijeće ministara Bosne i Hercegovine donese odluku o ravnomjernoj raspoređenosti migrantskih kampova na cijeloj teritoriji Bosne i Hercegovine vodeći računa o logističkim, sigurnosnim i svim drugim aspektima i aktueliziranju pitanja na relevantnim adresama u Europskoj Uniji u smislu strateškog upravljanja migracijama u Europskoj Uniji;
4. Da nadležni organi pojačaju nadzor i kontrolu dijela granice Bosne i Hercegovine na kojoj je, prema dosadašnjim podacima, izvršen prelazak najvećeg broja ilegalnih migranata;
5. Da se pitanje smještaja migranata riješi planski, formiranjem kampova neposredno uz granicu prelaska, kako bi se mogao primijeniti mehanizam readmisije;
6. Apeliramo na institucije Bosne i Hercegovine da se aktivnije uključe u smanjenje pritiska na Bosnu i Hercegovinu po pitanju priliva broja migranata;
7. Kanton Sarajevo uključujući općine i lokalne zajednice, nastaviće u okviru svojih ovlasti da pružaju zdravstvenu, humanitarnu i sigurnosnu zaštitu migranata ali i prvenstveno građana Kantona Sarajevo. Kanton Sarajevo neće i ne može preuzeti odgovornost i rizik upravljanja migrantskom krizom u Bosni i Hercegovini jer za to nema ni ustavne ni zakonske nadležnosti, te iz tih razloga, a u cilju zaštite svojih građana, poziva institucije Bosne i Hercegovine da u skladu sa svojim nadležnostima provode aktivnosti u cilju upravljanja migrantskom krizom u Bosni i Hercegovini;
8. Kantona Sarajevo odbija uspostavljanje novih migrantskih kampova na području Kantona Sarajevo;

9. Bez odlaganja preduzeti odgovarajuće mjere i uputiti inicijative prema Ministarstvu sigurnosti Bosne i Hercegovine, IOM-u, te instancama na državnom nivou na osnovu kojih bi se spriječilo dalje nekontrolisano prebacivanje, prijem i smještaj migranata u prihvatne centre na području Kantona Sarajevo;
10. Zadužuje se Ministarstvo unutrašnjih poslova Kantona Sarajevo da u saradnji sa Upravom policije pripremi skup mjera za hitno kadrovsko i materijalno-tehničko jačanje Uprave policije, a sve u cilju što efikasnijeg izvršenja poslova i zadataka vezanih za migrantsku krizu;
11. Zadužuje se Ministarstvo unutrašnjih poslova Kantona Sarajevo da u saradnji sa Upravom policije izvrši analizu provodivosti ili eventualna poboljšanja Zakona o prekršajima, Zakona o azilu i Zakona o strancima, a sve u cilju preveniranja vršenja prekršaja i krivičnih djela od strane migranata, te u većoj provodivosti da se migranti involvirani u protivpravne radnje (prekršaji, krivična djela) po ubrzanoj proceduri deportuju iz Bosne i Hercegovine, donošenjem rješenja o protjerivanju van BiH zbog inkriminisane radnje;
12. Nalaže se Ministarstvu pravde Kantona Sarajevo da u saradnji sa Kantonalnom upravom za inspeksijske poslove i Upravom policije Ministarstva unutrašnjih poslova Kantona Sarajevo, izvrši analizu propisa iz djelokruga rada inspeksijskih organa, te pokrene izmjene propisa koji regulišu oblast rada inspeksijskih organa u cilju iznalaženja procedura za efikasnu kontrolu smještaja i prijavljivanja ilegalnih migranata u registrovanim i neregistrovanim objektima za te namjene (hoteli, moteli, privatne kuće);
13. Nalaže se Ministarstvu unutrašnjih poslova Kantona Sarajevo, Upravi policije Ministarstva unutrašnjih poslova Kantona Sarajevo, Kantonalnoj Upravi za inspeksijske poslove, Ministarstvu zdravstva Kantona Sarajevo, da preduzmu dodatne aktivnosti u cilju prevencije, kada su u pitanju prekršaji i krivična djela koja mogu počiniti migranti, uključujući poštivanje mjera vezanih za pandemiju COVID 19.
14. Vlada Kantona Sarajevo predlaže Skupštini Kantona Sarajevo da donese predložene Zaključke.
Ovo bi ustvari sada bio petnaesti:
15. Ministarstvo saobraćaja Kantona Sarajevo i KJKP “GRAS” d.o.o Sarajevo poduzet će neophodne korake za uvođenje novih autobusnih linija na relaciji Ilidža-Vukovići, Ilidža-Rakovica i uvođenja većeg broja autobusnih linija na relaciji od Hadžića prema centru grada u skladu sa mogućnostima, nakon usvajanja Budžeta Kantona Sarajevo za 2021. godinu i dogovora sa Međunarodnom organizacijom za migracije (IOM).
16. Vlada Kantona Sarajevo obezbijedit će video nadzor na području Blažuja i Hadžića, posebno na dijelovima kojima se kreću migranti i u blizini kampova, nakon usvajanja Budžeta Kantona Sarajevo za 2021. godinu i uz saradnju sa Međunarodnom organizacijom za migracije (IOM).
17. Vlada Kantona Sarajevo imenovat će posebnog povjerenika za pitanje migranata, a koji će jednom mjesečno dostavljati informaciju Vladi Kantona Sarajevo o trenutnoj situaciji i broju migranata koji borave u centrima na području Kantona Sarajevo, kao i svim incidentalnim situacijama sigurnosne, epidemiološke, higijenske i druge prirode.
18. Vlada Kantona Sarajevo pristupit će sačinjavanju popisa neophodne opreme, koja se koristi u svakodnevnim aktivnostima vezanim za migrantske centre, te će od međunarodnih organizacija, prvenstveno od IOM-a, zatražiti pomoć u nabavci potrebnih materijalno-tehničkih sredstava. Zadužuju se Ministarstvo unutrašnjih poslova Kantona Sarajevo, JU Zavod za hitnu medicinsku pomoć Kantona Sarajevo, JU Dom zdravlja Kantona Sarajevo, JU “Kantonalni centar za socijalni rad” Sarajevo, KJKP “Vodovod i kanalizacija” d.o.o Sarajevo, KJKP “Rad” d.o.o Sarajevo, da bez odlaganja Vladi dostave liste potrebnih materijalno-tehničkih sredstava koja će sačinjavati ukupnu listu potreba.
19. Vlada Kantona Sarajevo uputit će zahtjev IOM da dostavi Protokole za postupanje u prihvatnim centrima po kojima su regulisane osnovne tehničke stvari u istima u drugim

državama, kako bi se izvršila usporedba i eventualno koristile prakse za poboljšanje stanja u Bosni i Hercegovini, a s time u Kantonu Sarajevo.

Ovo su izvorni i dopunski zaključci Vlade Kantona Sarajevo. Molim Skupštinu da se izjasni o ovim zaključcima Vlade.

Premijer Edin Forto:

Predsjedavajući samo da dopunim zaključak u kojem se spominju linije Grasa ili javnog prijevoza Ilidža – Vukovići ili Ilidža-Rakovica jer su bile više smo zaključaka spojili. Bilo je i od Hadžića prema centru grada. Samo da to dodate kada izglasate da ide i to u transkript, jer smo to usvojili. Mislim da je Bišćević-Tokić bilo ili je Admela Hodžić.

Poslanik/zastupnik Jasmina Bišćević-Tokić:

Bišćević-Tokić, upravo pišem poslovničku intervenciju za to.

Premijer Edin Forto:

Evo mi možemo to prihvatiti kroz ...
(govori više osoba istovremeno).

Predsjedavajući:

...ste zadovoljni? Mogu li konstatovati i zaključiti glasanje?

Poslanik/zastupnik Jasmina Bišćević-Tokić:

Samo da se uvrsti to što je premijer rekao za Gras koji sam tražila također za Hadžiće, tamo je bilo vezano za Ilidžu, upravo kao što je rekao da ide iz Hadžića prema gradu. Znači jer je prihvaćeno a nije u zaključcima Vlade.

Predsjedavajući:

OK, hvala. Ušlo je u stenogram. Zaključujemo glasanje. Konstatujemo da je ZA glasalo 28, protiv ništa, suzdržanih ništa.

Konstatujem da je Skupština Kantona Sarajevo usvojila zaključke Vlade Kantona Sarajevo.

Još imamo jedan zaključak zastupnika Vrete. Molim zastupnike da se pripreme da se izjasne.

Traži se od nadležnih državnih organa i institucija Bosne i Hercegovine da se razmotri izmještanje postojećih migrantskih kampova Blažuj i Ušivak u što je moguće kraćem roku u nenaseljena područja shodno i odluci Predsjedništva Bosne i Hercegovine iz 2020.godine i to formiranjem kampova neposredno uz granicu prelaska.

Molim zastupnike da se izjasne o inicijativi zastupnika Vrete. Zaključujem glasanje i konstatujem da je za inicijativu odnosno zaključak zastupnika Vrete glasalo ZA 28, protiv ništa, suzdržanih ništa. Konstatujem da je Skupština Kantona Sarajevo usvojila zaključak zastupnika Vrete.

Zaključujem raspravu. Također konstatujem da su sve dostavljene informacije primljene k znanju.

Ovim smo iscrpili današnji dnevni red 15. Hitne sjednice iscrpljen, zahvaljujem se svim prisutnim i zaključujem rad na današnjoj sjednici. Hvala.